

85.314я73

P17

ЎЗБЕКИСТОН МАДАНИЯТ ВАЗИРЛИГИ
ЖУМЎУРИЯТ МЕТОДИКА ХОНАСИ

ИСҲОК РАЖАБОВ

МАҚОМ АСОСЛАРИ

(Урта ва олий ўқув юртлари учун методик қўлланма)



SF0000010723

ТОШКЕНТ — 1992

85.314a73

P17

ЎЗБЕКИСТОН МАДАНИЯТ ВАЗИРЛИГИ
ЖУМЎУРИЯТ МЕТОДИКА ХОНАСИ.

ИСҲОҚ РАЖАБОВ

МАҚОМ АСОСЛАРИ.

/урта ва олий ўқув юртлари учун методик қўлланма/.



ТОШКЕНТ 1992 йил.

Маъсул муҳаррир:-

Тошкент давлат консерваториясининг доценти,
санъатшунослик номзоди Равшан Юнусов.

Нашрга тайёрловчи ва мусиқа муҳаррири:-

Ўзбекистон маданият вазирлиги Жумҳурият методика хонаси
методисти Ботир Матёқубов.

Нашр учун маъсул:-

Ўзбекистон маданият вазирлиги Жумҳурият методика хонаси
катта методисти Зоида Толипова.



У-4807

С Ў З Б О Ш И .

Ўзбек халқининг бой, узига хос, қўқатлам ва серуслуб мусиқа меросини туплаш, ҳужжатлаштириш, унинг илмий-назарий асосларини урганиш ҳамда амалий, ижодий ўзлаштириш борасида ўтган ярим асрдан зиёдроқ вақт мобайнида улкан ытуқлар қўлга киритилди. Кейинги йилларда ўлкамизда бу ишларни изчил давом эттириш билан бир қаторда ёш авлодни бу жабҳалардан мунтазам равишда воқиф қилиб бориш, тингловчиларнинг талаб ва эҳтиёжини янада тулароқ қондиришга қаратилган маъсул вазифалар қўндаланг бўлиб туриоди. Бу ўринда аввало маданият ва санъат ўқув ўртларида жаҳон халқлари мусиқа санъатининг адабиёти ва тарихини пухта ўргатиш, айниқса ўзбек миллий ва маҳаллий бадиий анъаналарни муфассал ўзлаштириш, мусиқий-назарий қонуниятларни чуқурроқ идрок эттириш каби муҳим масалалар ҳамон долзарб аҳамият касб этмоқда.

Қўзланган мақсадларга эришмоқ учун бир қанча янги тадбир-чораларни амалга ошириш лозимдир. Бинобарин, Ўзбек халқи мусиқа меросининг турли қатламларига – росмана халқ мусиқаси, дostonчилик, мақомчилик, ўтмиш ва замонавий бастакорлик ижодиётига бағишланган махсус ўқув фанларни жорий этиш, ўз навоатида уларни янгиланган ўқув дастурлари, қўлланималар, дарсликлар билан таъминлаб бориш – шулар жумласидандир.

Тағдим этилаётган ўқув қўлланиманинг муаллифи – Ўзбекистон мусиқа маданиятининг атоқли арообларидан бири, йирик олими, моҳир созанда, жонкуяр устоз, санъатшунослик доктори Ёсҳоқ Ражабов /1927 – 1982/ асосан ўрта асрлар Шарқ мусиқий-назарий мероси, шунингдек ўзбек халқ мусиқаси, айниқса мақом ижодиётининг энг оорули билимдони сифатида тан олинган. Унинг IX – XVIII асрларда битилган унлаб мусиқа рисоалари юзасидан олиб борган кенг қўламли тадиқотлари, 1963 йилда чоп этилган "Мақомлар масаласига доир" номли китоби ҳамда 1971 йилда ёқланган "Мақомлар" мавзуйдаги докторлик диссертацияси ушбу ута мураккаб соҳаларнинг ёритилиш ишига салмоқли ҳисса бўлиб қўшилди. Натижада бир қанча илгари мавҳум ва муаммоли бўлган масалалар ўз ечимини топиб, мақомотнинг узун тарихи ва талайгина қонун-қоидалари ойдинлашди. Бу тадиқотлар туфайли мақомшунослик фани қаддини ростлади, кейинги изланишларга ҳам барқарор замин яратилди.

Алк бор нашр эттирилаётган устоз Ёсҳоқ Ражабов қаламига мансуб "Мақом асослари" илмий-ўқув рисоласи 70 чи йилларнинг

урталарида ёзилган. Уша кезлари муаллиф Тошкент давлат консерваториясининг Шарқ мусиқаси кафедрасида профессор лавозимида муаллимлик қилиб, булажак созанда ва хонандаларга "Мақом асослари" фанидан сабоқ берарди. У талабалар ва ёш муаллимларнинг махсус ўқув адабиётга бўлган эҳтиёжини қисман қондириш мақсадида ўшбу қўлёзмани тез орада лекциябоп қилиб тайёрлаб берган. Унинг матни билимгоҳнинг ўзида фойдаланиш учун 1978 йилда sanoqli нусхада кўпайтирилди, бироқ, афсуски, расмий нашр эттириш масаласи оинқлигича қолди

"Мақом асослари" Исҳоқ Ражабовнинг сунги илмий ишларидан бўлиб, ниҳоятда муҳим ва зарур вазифани амалга оширишга қаратилгандир. Унда кўҳна ва ҳамиша навқирон мақом санъатига доир қисқача тарихий маълумотлар берилиб, асосий урин мақом турларини шарҳлашга, Шашмақом, Хоразм мақомлари ва Тошкент - Фарғона мақом йулларининг мусиқий таҳлилига ажратилган. Ўшбу ўқув қўлланманинг беқиёс қиймати шундаки, мусиқашуносликда биринчи бор Шашмақом мажмуасига кирган Бузрук, Рост, Наво, Дугоҳ, Сагоҳ ва Йроқ мақомлари таркибидаги деярли барча чолғу ва ашула асарлари туркумли ҳолда ҳамда жонли ижро билан узвий боғлиқ даражада батафсил мусиқий таҳлил этилган.

Шуни ҳам алоҳида қайд қилиш жойиздирки, мазкур қўлланмада ёритилган мавзуларни муаллифнинг "Мақомлар масаласига доир", Юнус Ражабийнинг олти жилдлик "Шашмақом", Матниёз Ёсуповнинг уч жилдлик "Хоразм мақомлари" нота ёзуви нашрларига мурожаат қилмасдан ҳамда "Шашмақом" номли пластинка ёзувлари тупламидан фойдаланмасдан туриб ўзлаштириб олиш қийин. Жумладан, Шарқ халқлари мақомчилигининг келиб чиқиши, "12 Мақом" мажмуаси, мақомларнинг лад уюшмалари, авж ва намуд масаласи, қолаверса мақомларнинг чолғу ва ашула ижрочилигига тегишли қатор-қатор мавзулар муаллиф тамонидан атайлаб қисқартирилиб берилган ва мавжуд адабиётга қаралсин деб ўқтирилган.

И.Ражабов ўқувчига тушунарли бўлиши учун махсус атамаларнинг барчасини тор дўғавий маъноларидан тортиб шеърят ва мусиқадаги тушунча доирасигача аниқ тасвирларини келтирган. Асар жиддий илмий-мусиқавий мавзу ва масалаларни ёритишга бағишланган бўлса - да, у содда ва раvon тилда баён этилиши билан ўқувчига қулайлик туғдиради.

Турли ихтисосларни эгаллаётган мусиқачиларга, қолаверса жами мусиқа ихлосмандларига мақом хусусида билим, тушунча, дид ва савияни ўстиришга, мақом санъати соҳасида чинакам саводхон

булио етишишга устознинг "Мақом асослари" рисоласи яқиндан кўмак
берувчи қўлланма булио хизмат қилади деган умиддамиз.

Равшан Ўнусов
санъатшунослик номзоди.

Мақом санъати кўпчилик Шарқ халқлари мусиқа меросида мавжуд бўлиб, миллий мусиқанинг асосини ташкил этади. Мақомлар назарий ва амалий асосларга эга, зеро мазкур халқлар мусиқасининг устозона услубидаги намунасидир. Мақомлар, хусусан ўзбек ва тожик халқларининг ʼʼадиий мулки бўлмиш бизгача етиб келган Шашмақом кўп асрлар давомида бу соҳада олиб борган ижодий изланишлари самарасидир. Устоз созанда ва хонандалар кейинги авлодларига кўз қорачигидай асраб бизгача етказиб келган мақом асарлари ҳозирги кунда нафосат дунёсидаги энг зўр, беқиёс қимматга эга бўлган мусиқа санъатимиз бойликлари сифатида чинаккам халқ мулкига айланди.

Мақомлар маълум тартибда яратилган туркумли мусиқий мажмуа бўлиб, бастакорлик ижодиётининг ўзига хос сайқал берилган туридир. Мақомлар кенг маънода халқ мусиқаси қомусидир. Чунки уларда хусусан Шашмақомда ўзбек ва тожик халқлари мусиқасига хос вазн хусусиятлари, садо – оҳанглар, доира усуллари, шеърийят билан халқ ашула йўлларининг боғланиш қоидаларига асосланган қатор жабҳалар ўз тўлақонли ифодасини топган. Шу сабабли, ҳозирда мақом масалаларини урганишга, мақом ижрочилигидаги услубларни аниқлаш ва ўзлаштириш ишига жиддий аҳамият берилмоқда.

Мақом нима? Мақом арабча "жой", урин, макон", мусиқа тушунчасида эса чолғу асбобларида товуш ҳосил этиладиган жой, яъни аслида парда маъносини билдиради. Мақом муайян пардадан бошланадиган лад – тоналликни, ҳамда уларга мос келадиган куй ва ашулалар мажмуасини ҳам ифодалайди. "Ғиёсул – лугат" қомусининг муаллифи Ғиёсуддин Утмиш олимларининг мулоҳазаларига таяниб, мақом иборасини қуйидагича таърифлайди: "Мақом – пардаи сурудро гўянд" – "Мақом деб куй ва ашулалар пардасига айтилади". Бу ерда куй ва ашулалар бошланадиган парда ҳамда улар ҳаракат этадиган лад товушқаторлари ҳисобга олинган албатта.

Мақомлар куйларнинг лад ҳамда тоналлик тушунчалари билан боғлиқ экан, уларнинг юзага келиш тарихи жуда қадим замонларга, мазкур касб эгалари тамонидан яратилган мусиқа асарлари пайдо бўлган даврларга бориб тақалади. Мақомлар ҳар бир халқнинг ўзига хос мусиқа бойликлари заминиде, атоқли созанда, хонанда ва бастакорлар ижодиёти туфайли узоқ тарихий – маданий тараққиёт жараёнида юзага келган. Лекин, мақом атамаси Шарқ халқлари мусиқасида, тахминан IX асрлардан бошлаб қўлланила бошлаган. Чунки, VIII – X асрларда янн олимлари, аниқса Эвклидис/ Евклид

Арасту, Аристотель, каби олимларнинг мусиқа назариясига бағишланган асарлари араб тилига таржима қилиниб, уларга шарҳлар ёзила бошланди. Мақомларнинг назарий масалалари қайта ишлаб чиқилди. Бундан араб ва бошқа Шарқ халқларида IX асргача мусиқа назарияси бўлмаган – деган хулоса чиқариш ярамайди. Яхё бин Али Яхё бин Аби Мансур /вафоти 912/нинг, мусиқага доир асарида араб ва бошқа мусулмон Шарқи халқларида янгон мусиқа назарияси таъсир кўрсатмасдан анча бурун, ерли халқларнинг ўз мусиқа назарияси мавжуд бўлгани ҳақида гапирилади. Лекин, Берунийнинг ёзишича, бошқа халқларда бўлгани каби, Ўрта Осиё халқларининг қадимий ёзма осодалари араб истилоси даврида, босқинчилар тамонидан ёқиб, йўқотилиб боорилган эди. Шу сабабли, бевосита мусиқага доир маданий ёдгорликларимиз ҳам бизгача етиб келмаган.

Мусиқага доир эски манбалардан маълумки, мақомларнинг тарихий – назарий ва амалий тамонлари бор. Уларнинг назарий масалалари IX – XV асрларда яшаб ижод этган ал – Қиндий, ал – Ғаробий, ал – Хоразмий, Абн – Сино, ал – Урмавий, аш-Шерозий, ал – Марғий, жомий ва ал – Хусайний каби буюк олимларнинг рисоаларида чуқур илмий асосда шарҳлаб берилган. Шуни қайд этиш лозимки, мусиқа назарияси ҳамма Шарқ халқларида баъзи тафовутларни ҳисобга олмаганда деярли бир хил мазмунда бўлган. Ҳатто мақомлар, шўбалар номи ҳам ўхшаш эди. Лекин, уларнинг мусиқий мазмуни ҳар бир халқнинг ўзига хос бўлиб, бир – биридан тўдан фарқ этган.

Ўтмишдаги мусиқий назарий рисоаларда Ўн икки мақом /Дувоздаҳ мақом/ мажмуаси ва унга кирган 24 шўба ва олти овоза ҳақида мулоҳаза қилилади. Ҳозирда баъзи олимлар ўртасида мунозарага сабаб бўлиб келган бир қанча масалалар бор. Масалан: Ўн икки мақом Ўрта Осиёда жорий бўлганими? Ёки унинг куй ва алула йуллари бу ерда ижро этилганими? Ўн икки мақомнинг Шашмақомга қандай алоқаси бор? . . . ва ҳоказо.

Маълумки, Темур давридан бошлаб, то XVIII асргача яратилган мусиқа рисоаларида, адабий, тарихий ва бадий манбаларда мақомлар устида илҳодий иш олиб борган созанда – бастакорлар, улар яратган куй ва алулалар номлари келтирилади, уларнинг қайси мақомга тегишли экани, доира усуллари ҳақида гапирилади. Мусиқа рисоаларида келтирилган Ўн икки мақомларнинг пардалари,

- I. Мақомларнинг ўтмиш мусиқа назарияси ҳақида қаралсин:
Абдурахман Джами, "Трактат о Музике" Тошкент 1960;
Исҳоқ Ражабов "Мақомлар масаласига доир" Тошкент 1963.

олти мақомдаги шаклига деярли мос келади ёки улар жуда яқиндир.

XVI – XVII аср олимларидан Нажмиддин Кавкабий ва Дарвиш – Али Чангий каби олимларнинг рисоаларида Бухоро хонлиги даврида жорий этилган Ўн икки мақом ва улар асосида қуй ашулалар басталаган санъаткорлар ҳақида гапирилади. Демак, бундан Ўн икки мақом Ўрта Осиёда XVII асрда ҳам қўлланилган, – деган фикрга келиш мумкин. Биз бир неча далилларга суяниб Шашмақом тахминан XVIII аср урталарида, узидан олдинги мақом ижодиёти анъаналари асосида узил – кесил шаклланишини исботлашга уриндик. Мақомларнинг дастлабки намуналари Шарқда ҳозиргидек нота ёзувлари бўлмагани учун бизгача етиб келмаган. Шунинг учун, уларни эндиликда Шашмақом мусиқаси асосида тасаввур этишимиз мумкин.

Ўн икки мақомнинг Шашмақомга муносабати масаласига келсак, улардаги мақом ва шўбалар номи кўпинча бир хил. Бу эса Ўн икки мақомдаги айрим мақом ва шўбалар олти мақомга бирлаштирилиб, яхлит туркум ҳолига келтирилганидан дарах беради. Шашмақом таркибида Ўн икки мақомдаги номлар учрашини ҳисобга олиб, бу ерда Ўн икки мақом ва уларнинг шўбаларини санаб ўтамиз. Ўн икки мақом мажмуасига қуйидаги мақомлар, уларнинг маълум кўринишлари – овоза ва шўбалар киради: Ушшоқ, Наво, Ёуслиқ, Рост, Ҳусайний, Ҳижозий, Роҳавий, Зангула, Ироқ, Исфаҳон, Зирафканд, Бузрук.

Овозлар: Навруз, Салмак, Гардўнийя, Гавашт, Мойя, Шаҳноз.

Ўн икки мақомнинг шўбалари қуйидагича аталади: Дугоҳ, Сегоҳ, Чоргоҳ, Панжгоҳ, Аширан, Баётий, Наврузи Араб, Наврузи Хоро, Наврузи Баётий, Ҳисор, Нуҳуфт, Уззол, Авж, Найриз, Мубаркаъ, Рақб, Наврузи Сабо, Ҳумоюн, Зовулий, Исфахонак ва Руи Ироқ. Бастаи Нигор, Ниҳованд, Жавзий, Мухайяр.

Ш А Ш М А Қ О М .

Шашмақом шакли бастакорлик санъатининг маҳсулидир. Бастакорлик анъаналари ҳам жуда қадимдан бошлаб давом этиб келмоқда. Темурийлар, айниқса Навоий даврида, кейинчалик XVI – XVII асрларда бастакорлик санъати юксак даражада бўлганлиги қўлёзма манъбалардан маълум.

Бастакор сузи тожикча бўлиб, боғловчи, басталовчи маъносини англатади. Ўтмишда бастакорларнинг фаолияти турлича бўлган. Дастлаб улар мақомлар ва халқ мусиқа асарлари асосида бастакор қуй ва ашулалар яратганлар. Ўна, бастакорлар мақом пардалари негизда янги – янги қўллар, яратганлар, тайёр қуйга янги пардалар киритиб, ёки уни бошқа доира усулига муъйириб, қозибали

ва мукаммал асарларни юзага келтирганлар. Винобарин, шеър матларининг ашулага шаклан ҳамда мазмунан мослаб туширилишига ҳам алоҳида аҳамият берганлар. Шашмақомдаги туркумларнинг юзага келишида бастакорлардаги бундай таъриба алоҳида аҳамият касб этади. Баъзан шўбалар, масалан, Бузрук мақомидаги Талқини Уззол, Насри Уззол ва Уфари Уззол қисми оҳангдош ашулалар бўлиб, фақат доира усули ва шеър ўлчовидангина фарқ этади. Шашмақом туркумлари кўпинча ашулаларнинг янгидан – янги вариантларини яратиш билан такомиллаштирилди.

Шундай қилиб, Шашмақом ўтмишдаги бастакорлик анъаналарининг маҳсули сифатида, мақомчиликдаги бой таърибага асосланган ҳолда юзага келди. Кейинги икки асрдан кўпроқ ўтган давр ичида, бир созанда – хонандадан иккинчисига оғзаки тарзда ўтиб келиши жараёнида Шашмақом тобора жуда катта ўзгаришларга учради ва бизгача етис келди. Бу нарса XIX асрда тузилган ва мақомларга айтилган шеър тушамларидаги мақом ва шўбалар номини, шеър ўлчовларини, ҳозирги мақом қисимлари билан солиштирилса, яққол сезилади.

Шашмақом ўзбек халқи мусиқа меросида жуда катта урин тутди. Шашмақом йулларида миллий ва маҳаллий мусиқанинг оой оҳанглари, ваза тусусланилари, доира усуллари ва ашулалар шеърларини мослаб тушира билиш қоидаларига боғлиқ қатор томонлар муҳассамланган.

Халқ мусиқа асарларининг қайси б.рини олиб қарамайт, улару ёки бу мақом ёки унинг шўба пардаси, куй тузилиши, доира усулига жуда ўхшашлигини билди олиш мумкин. Кейинги кузатишлар шашмақом, халқ мусиқа меросининг асосини ташкил этади дейишга микон беради. У 250 га яқин чолру ва ашула йулларини ўз ичига олади. Улар асосида яратилган юзлаб халқ куй ва ашула намуналари, сўрнай йуллари ҳисобга олинса, мақомларнинг халқ мусиқасида тутган мавқеи нақадар баланд эканини яна бир бор билиб олиш мумкин.

шашмақомга кйрган олтига мақомнинг ҳар бирига алоҳида тўхталиб ўтишдан аввал мақомларнинг тузилиш қоидалари ҳақида умумий тарзда тушунча берамиз.

Шашмақом тожиқча олти мақом демакдир. Шашмақом таркибидаги Бузрук, Рост, Наво, Дугоҳ, Сегоҳ, ва Ироқ мақомларининг ҳар бири йирик шаклдаги туркум шашмақом асарлар бўлиб, 20 тадан 45 гагача катта ва кичик ҳажмидаги мақом йулларини ўз ичига олади.

Ўтмишда мақомларнинг икки этилишида танбур ва доира етакчи

созлардан ҳисобланган. Мақом қисимлари туркум тарзида ёки якка куй ва ашулалар тарзида якка навозанда хонанда ёки дасталар тамонидан ижро этилган. Журнавозлик таркибида **Микита** танбур, битта дотор, битта қубуз ёки сато, доира ва бир неча ҳамнафас хонандалар бўлган. Қурилиб турибдики, дастага ёлғиз торли асбоблар киритилган. Бизнингча танбурнинг етакчи соз деб қабул қилинишига ҳам маълум сабаб бор. У турли мақомларга мослаб сошлашга қулай бўлган. Мабодо ашулачининг овози кенг диапазонли мақом йулларига ета олмаса, уни бир - икки пардага паст қилиб сошлаш мумкин эди. Олти мақомларга асбобларни сошлашда ҳам танбур қандайдир улчовли соз бўлган. Бинобарин уни турли мақомларга мослаб сошлаш мумкин. Шу сабабли олти мақомга танбур уч хил / квинта, кварта ва катта секунда / қилиб созланган ва Мезроби Рост, Мезроби Сегоҳ, ҳамда Мезроби Наво деб номланган.

Ҳозирда эса вазият бутунлай ўзгарди. Илгари мақом дасталарига киритилмаган чанг, най, қушнай, гижжак, қашқар рубоби сунги йилларда эса уд, қонун каби созлар киритилиб, гуруҳ анча кенгайтирилди, бинобарин мақом чолғу йулларининг оҳангдор, жозибали ижро этилиши учун янада бой имкониятлар яратилди. Мақомларнинг ҳар бири икки бўлимдан - чолғу ва ашула бўлиmidан иборат.

МУШКИЛОТ БУЛИМИ.

Мақомларнинг чолғу бўлимларида бир хил ном билан аталадиган чолғу қисимлари бўлиб, уларнинг оҳанглари турлича бўлсада, доира усуллари бир хилдир. Улар Тасниф, Таржи, Гардун, Муҳаммас ва Бақил¹ номлари билан машҳурдир. Мақомларда номдош бўлмаган чолғу қисимлар ҳам учрайди. Масалан: Навода - Нағмаи Ораз, Дугоҳда - Пешрави Дугоҳ ва Самои Дугоҳ, Сегоҳда - Ҳафифи Сегоҳ ва ҳоказо.²

Мақом чолғу йулларининг куй тузилиши мураккаб бўлсада, ўзининг ранг - баранглиги, оҳангдорлиги билан эшитувчини мафтун этади. Улар учун хос нарсаси шуки, ҳар бир чолғу қисми хона ва бозғуилардан таркиб топган.

Хона - уй, бўлма, мусиқа ислоҳотида куйнинг ўзгарувчан ва ҳаёл ривожланувчи бўлагидир. Унда куй оҳанглари ўзгариб, янгича услубда авжга тамон ҳаракатланиб боради ва бош пардага

1. Тасниф - синифланган, тартибланган; Таржи - қайтарма, куй, нақорат; Гардун - ҳалак, осмон гардиши; Муҳаммас - бешлик, бешланган; Бақил - вазмин, оғир, ва ҳоказо.
2. Нағма - мусиқий товуш; пешров - олдинда борувчи; Самоъ - тинглаш; ҳади - енгил.

қайтиб тушади. Хоналар туфайли куй мазмунан боииб боради.

Бозгуй - тожик тилида - қайта айтиш, қайтариқ демакдир ва бу тузилма куйнинг хоналаридан сунг такрорланади, бинобарин уларни тугалловчи вазифасини ҳам бажаради. Хоналар билан куй такомиллашади, мазмунан чуқурлашади ва боийи. Бозгуйлар эса, мусиқий фикирни яқунлаб, умумлаштириб беради. Мақом чолгу йулларида хоналарнинг такомиллашувида кўпинча "Нешрав" дейилган куй қисмлари катта аҳамиятга молик. Нешрав тожикча - олдинга врувчи, олдинга ҳаракат этувчи, деган маънони англатади. Улар хоналарнинг куй ҳаракатида турли баландликларда оир неча бор такрорланади ва бозгуйга улашиб кетади. Нешравлар кишига кутаринки руҳ бахш этади.

Мақомларнинг чолгу йуллари, баъзи сабабларга кўра, узоқ вақт ижро этилмасдан келди. Масалан, Ўзбекистон радиоси ҳузуридаги мақом дастаси репертуарида Мухаммаси Баёт, Таснифи Дугоҳ, Самойи Дугоҳ, Гардуни Сегоҳ ва мақом ашула йулларининг айрим чолгу вариантлари ижро этиларди. / Насри Сегоҳ, Нимчупони каби¹

Шу сабабли, кўпроқ мақомларнинг халқ орасида машҳур булган намуналари Чули Ироқ, Мирза Давлат, Чули Курд, Абдурахмонбеги, Беги Султон, Шайбой, Мискин, Ажам, Насуруллои каби якка ва туркумли куй йуллари чалинади.

Мақом чолгу қисмларида доира усулларининг ҳам ўрни каттадир. Масалан: тасниф ва Таржи қисмлари бир хил доира усулида ижро этилади; баъзан бошқа мақомларда қисқа шаклда икки - уч тактли ёки Таржон Ироқдаги каби, беш тактли булиб ҳам келиши мумкин. Гардун, Мухаммас, Сақил, Ҳафиф, Самойи каби иборалар билан аталувчи чолгу қисмлари шу номли доира усуллари ифодасидир. Бу ерда бир нарсга муҳимки, Мухаммас ва Сақил қисмлар доира усуллари жуда мураккаб булиб, Мухаммасларда 16 такт, Сақилларда 24 тактни ташкил этади. Шу билан бирга улардаги хона ва бозгуйлар ҳамми бир - бирига тенг.

1. Кейинги йилларда бу соҳадаги разият бирмунча яхшиланди.

НАСР БУЛИМИ.

Шашмақомнинг ашула булими шўбалари ҳам бастакорлик санъати анъаналарининг маҳсули сифатида юзага келган. Утмиш даврларда яшаб ижод этган шоир ва олимларнинг асарларида оизга унча тушунарли булмаган, куй, қушиқ ва ашулаларнинг шакли ва яратилган услубларига тааллуқли маълумотларга дуч келинади.

Бундай китобларни варақлар эканмиз, мақомлар ва уларнинг шўбалари, номи, бастакорларнинг исмлари, уларнинг ҳаёти ва ижодий фаолиятига тааллуқли қимматли сатрларни ўқиймиз. Бундай асарларда бастакор мақом йулларига янги куйлар, ашулалар боғлагани ҳақида гапирилади. Бу куй шакллари кор, қавл, амал, пешрав, нақш, савт ва тарона номлари билан машҳур бўлиб, улар Шашмақом таркибида ҳам учрайди, бинобарин умумий тарзда тароналар номи билан аталади. Шундай бўлсада, Нақш, савт, пешрав, амал, тарона, шакллари ниҳоятан ажратиб олиш мумкин.

Масалан: Пешравни олайлик.

Шашмақомнинг деярли ҳамма чолғу йуллари пешрав оҳангларидан тузилган. Бу фикрни XVI – XVII асрда яратилган мусиқа рисолаларидаги маълумотлар ҳам тасдиқлайди. Лекин Шашмақомдаги пешравлар утмишдагига қараганда анча мураккаб ва такомиллаштирилган шаклдадир. Пешрав йулларини тинглаб кўрилса, пастга паронама – парона ҳаракат қилаётган пешав тузилмаларининг ичида оҳанг юқорига ҳаракат қилаётгани ва куйни ташкил этадиган хоналар юзага келаётганини ажратиб олиш мумкин.

Энди нақшга келсак, бу атама безак маъносиде ишлатилади ва шашмақомнинг наср дейилган шўбаларига мосланиб басталанади. Нақшлар енгилроқ ашула йуллари бўлиб, мураккаб ва вазминроқ ижро этиладиган наср шўбаларига уланиб айтилади. Нақшлар тароналардан куй тузилиши жиҳатдан бошқа ашула йулларидан ажралиб туради. Утмишда эса, ҳозирги шаклидан куй унсурларини муайян тартибда, маълум қоида асосида тузилгани билан фарқ этган. Таронаи Баёт ашуласи нақшларнинг яққол мисоли бўла олади.

Энди тароналар шаклига келсак, утмишда улар тўртлик, яъни рубоии шеърларини ва шу шеърларга мос кичик шаклдаги ашулаларни ифодалаган.

Шашмақомда тароналар кирик ҳам кичик шаклларида учрайди, ҳамда Сараҳбор, Талқин ва Наср – дейилган шўбалардан кейин киро этилади. Бундай тароналар шунчалик ўзгариб кетганики,

уларни шашмақом таркибида "амал" шаклидами, "нақш" шаклидами, — буни ажратиб олиш қийин. Уларнинг шакли жуда катта ўзгаришларга учради, баъзилари эса бастакорлар тамонидан йиқлаштирилди. Жиддий ўзгаришлар билан бўлсада ўтмишдаги куй шакллари ва яратилиш услубларига ҳос чолғу ва ашула йуллари шашмақом таркибида ҳам бутунлай сақланиб қолди. Шу билан бирга сўнгги даврларда яшаган бастакорлар уларни такомиллаштирдилар, янги куй булаклари, қисмлари киритилиб, ҳам шаклан, ҳам мазмунан бойитдилар. Шашмақомнинг бизгача етиб келган ҳолида нақш, амал, қор, тарона, қавл каби ашула йуллари умумий номланиб, тарона деб аталади. Сўнгги йилларда уларнинг шаклан ўзгариб қетиши ҳамда тарона деб номлана бошлагани ҳозирги кунда бу ашула йулларининг ўтмишдаги шакллариининг аниқ ажратиб олинишини мушкуллаштиради.

Шундай қилиб, Шашмақом узоқ ўтмишдаги бастакорлик анъаналарининг маҳсули сифатида, мақомчиликдаги устоз — созанда ва хонандаларнинг бой тажрибасига асослангани ҳолда юзага келган дейиш мумкин.

Халқ даҳоси яратган — Шашмақомнинг ажойиб дўрдоналари мусиқа бойлигимизни ўрганишда алоҳида аҳамиятга эга. Улар янги мусиқа асарлари яратилишида битмас — туганмас манба саналади. Шашмақом ашула бўлимлари 200 дан ортиқ турли шаклларидаги ашулаларни ўз ичига олади. Лекин уларнинг асосида яратилган ўзлаб ажойиб куй ва ашула йуллари мавжуд.

Шашмақомнинг ашула бўлимлари анчагина мураккаб шаклдаги шўбалардан таркиб топган. Улар мақомларнинг чолғу бўлимидаги қисмлари бирин — кетин ижро этилгандан сўнг туркум тарзида айтилади. Ашула бўлимларида тузилиш жиҳатидан бир — биридан ажралиб турадиган икки хил шўбалар гуруҳи мавжуд. Булардан биринчисига Сараҳбор, Талқин, Наср каби шўбалар ва Уфр қисми, иккинчисига эса асосан Савт — Муғулча шаклида тузилган шўбалар киради. Олти мақомдаги турдош шўбалар куй оҳанглари жиҳатидан ҳар — хил бўлсада, уларнинг доира усуллари ва ашулага тушириб айтилдиган шеърларнинг вази ўлчовлари бир хилдир.

Мақомлар ашула бўлимларидаги мураккаб куй тузилишларини шўбалар таркибидаги намудларни ажратиб олмай туриб, тушуниб олиш қийин. Шунинг учун намудлар масаласига қисқача тўхталиб ўтамиз.

НАМУДЛАР.

Намуд тожикча "қуриниш", "намоён бўлиш" маъносини билдиради. Намуд муайян куй ёки ашуланинг маълум парчаси /қисми/нинг турли шўбалари таркибида қуринишидир. Улар қўлинча муайян шўбанаинг бошланиш куй жумлаларидан олинади. Намудларнинг турли қуринишлари шўбаларнинг авжи сифатида ишлатилади. Масалан: Насри уззол шўбасининг бошланишидаги 2 – 4 жумласи шўбаларининг характериға, доира усулиға мослаштириб, авж сифатида фойдаланилади. Ҳа Уззол намуди деб номланади. Асосий намудларнинг сони саккизта¹, авжлар эса иккита.

І. Уззол намуди – Бузрук мақомининг Уззол деб номланган шўбалари бошланиш жумлаларидан олинган бўлиб, Бузрук ва Рост мақомлари шўбаларида куплаб учрайди. Уззол арабча пастга тушиш, сакраш демакдир. Бунда куй бошланишида кварта пастга сакрама ҳаракат қилади.

І мисол

"САРАХБОРИ РОСТ" ДАН.



1. Намудлар хусусида муҳассал маълумот олиш учун қаранг:
Асмоқ Ҳабибов "Мақомлар масаласига доир" Тошкент 1963 й.
150, 243, бетлар.

2. Мухайяри Чоргоҳ науди - Дугоҳ мақомида Мухайяри Чогоҳ шўъбаси учрамайди. Бу намуд Мухайяри Ироқдан олингани шўъбасиз ва Бузрук, Рост, Дугоҳ, ва Ироқ мақомларида кенг фойдаланилади.

2 мисол

"САРАХБОРИ ДУГОҲ" ДАН.



3. Наво науди - Бошқа намуудлардан фарқли Улароқ, наср шўъбасидан эмас, Сарахбори Наводан олинган. У сурнай Навосини эслатади ҳамда Наво ва Сегоҳ мақомларида кенг фойдаланилган.

3 мисол


"САРАХБОРИ НАВО" ДАН.



4. Баёт намуди - / баёт - Урта Осиё қадимий туркий қабила
ларидан бирининг номи/ Навонинг Баёт шўбаларининг бошланиш
жумлаларидан олинган бўлиб, Наво мақомининг ўзида ишлатилади.

4 мисол

"О Р А З И Н А В О " Д А Н .



5. Ушшоқ намуди /Ушшоқ - Ошиқлар/ - Рост мақомининг
Ушшоқ дейилган шўбалари бошланиш куй жумлаларидан олинган.
Бузрук, Рост мақомларида учрайди.

5 мисол

"С А Р А Х Б О Р И Р О С Т " Д А Н .



6. Ораз намуди - Наво ва Дугоҳ мақомларининг Ораз шўбаларидан олиниб, Наво ва Сегоҳ шўбаларида фойдаланилган.

6 мисол


"САРАХБОРИ НАВО" ДАН.



7. Сегоҳ намуди - Сараҳбори Сегоҳ шўбаси асосида изага келган бўлиб, Сегоҳ ва Рост мақомлари шўбаларида ишлатилади.

7 мисол

"САРАХБОРИ РОСТ" ДАН.




У-4807

8. Насруллои намуди - Бузрукнинг Насруллои шўбасидан
олинган булиб, Сегоҳ мақоми Наврузи Ажам шўбасида фойдаланилган.

Бу намудлардан ташқари Зебо пари авжи ва Турк авжи дейилган
авжлар ҳам намудлар вазифасини ошаради.

8 мисол


"НАВРУЗИ АЖАМ" ДАН.



9. Зебо пари авжи - Сегоҳдан бошқа ҳамма мақомларда
ишлатилади ва машҳур авжлардан саналади.


9 мисол

"Б У Х О Р О И Р О Ё И" Д А Н .



10. Турк ёки Туркий авж номи билан машҳур булган қадимий мақом ашула йулларидан бўлиб, Савти Навонинг бошланиш қисмини эслатади. Турк авжи Бузрук, Сегоҳ мақомлари шўбаларида фойдаланилган.

10 мисол " НАСРУЛЛОЙИДАН "



Мазкур намуд ва авжлар мақом шўбаларида қуй тузилишининг қонуний ривожланиши, куйнинг руҳи, қиёфаси, лад асосининг нарда тузилиши ва доира усулининг хусусиятларига мослаб олинади. Улар турли усулдаги ашулаларда ўзига хос бўлиб гавдаланади.

Намудлар мақомларнинг шўбаларида якка - якка ҳолда ёки гуруҳ - гуруҳ қилиниб ишлатилиши мумкин. Гуруҳ қилиниб ишлатилганда уларнинг бир - бирига силлиқ уланиши ҳисобга олинади. Намудлар қуйидагича тартибда уланиши мумкин.

Уззол намуди - Мухайяри Чоргоҳ намуди;
 Ушшоқ намуди - Уззол намуди - Мухайяри Чоргоҳ намуди;
 Ушшоқ намуди - Мухайяри Чоргоҳ намуди;
 Сегоҳ намуди - Ушшоқ намуди - Турк авжи;
 Сегоҳ намуди - Турк авжи;
 Сегоҳ намуди - Наво намуди - Ораз намуди;
 Зебо пари авжи - Мухайяри Чоргоҳ намуди;
 Зебо пари авжи - Наво намуди;
 Ораз намуди - Наво намуди ёки аксинча;
 Баёт намуди - Наво намуди ёки аксинча;
 Мухайяри Чоргоҳ намуди - Дугоҳ намуди;

Бу тартиб барқарор бўлмай, хонандалар шўбалар таркибидаги баъзи намуудларни тушириб қолдирилари ёки янги намуудлар киритиб ижро этишлари мумкин. Масалан: Наврузи Сабо шўбасига одатда Сегоҳ, Наво ва Ораз намуудлари киритилади. Домла Ҳалим Ибодов эсан уни биргана Сегоҳ намуудини кенгайтириб ижро этган. Шундай қилиб, намуудлар турлича шаклда қўлланила берган. Улар йирик шаклдаги халқ куй ва ашула йулларидан ҳам турлича фойдаланилган. Машҳур хонанда ва бастакор Ҳожи Абдулазиз Абдурасулов узи ижро этган "Гулузорим" ашуласи Савти Ушшоқ пардалари оҳангларида иборат бўлсада, унга Авжи Турк қушиб айтган, Бебоқча ашуласига эса /асли Ростдаги Савти Сабога оҳангдош/ Зебо пари билан Наво намуудини киритган ва ҳоказо.

Мақомлар ашула бўлиши шўбаларининг таркибидаги куй тузилмалари ҳар хил бўлиши мумкин. Масалан: улар одатда чолғу муқаддима билан боғланади. Кейин даромад қисми жумлалари ижро этилади ва Миёнхат /урта пардалардаги ашула жумлалари/ га утилади. Урнига қараб, Дунаси /даромаднинг иқори пардаларида тикрорланиши/ жумлалари ижро этилади. Кейин маълум шўбага хос намуудлар /биттадан туртtagача келиши мумкин/ айтилиб, миёнхат ёки усиз уланиб кетадиган Фурувард /туширим/ қисми билан якунланади.

Уларда бир байт шеър билан ўқиладиган ашула тузилмаси бир хат саналади. Ташмақом нота ўзувлари китобида хатлар рим рақамида I - II - III каби кўрсатилиб, ярим /ним/ хат I.2. каби қилиб берилган/.

АШУЛА БУЛИМИНИНГ БИРИНЧИ ГУРУҲ ШУЪБАЛАРИ.

Шашмақомнинг биринчи гуруҳ шуъбаларига Сарахбор, Талқин, Наср, уларнинг тароналари ва Уфар қисилари киради. Ҳар бир мақом туркуми Сарахбор билан бошланади. Уларнинг қисқача тавсифи қуйидагичадир:


САРАХБОР – Сар – тожикча бош, ахбор – арабча "хабар" сузининг куплиги, яъни бу ибора ашула туркумлари тузилишидан дарак берувчи бош ашула йули, қисқаси, ашула булимининг бош мавзуи маъносидадир. Олти мақомнинг ҳар бирида улар мақомлар номи билан қушиб, Сарахбори Бузрук, Сарахбори Рост, Сарахбори Наво, Сарахбори Дугоҳ, Сарахбори Сегоҳ ва Сарахбори Ироқ – деб номланади.

Уларнинг доира усули:  / анъанавий иборалар билан: бак – бум/

Улар Музореъ Мужтассо, Мутақориб, Рамал вазнларидаги II – I4 – I5 бўғинли шеърлар билан ўқилади.

Сарахборлар вазмин доира усулида ижро этилсада, турли мақомларда ўзига хос оҳанг ва куй мавзуйига эга. Уларнинг тароналари олтигача етиб, 3/4, 4/4 вариантлари билан, 3/8 3/4 ёки 3/4 3/8, 3/4 4/4, 3/4; такт улчовларидаги доира усуллари жўрлигида ижро этилади.

ТАЛҚИН. номи шуъбалар Ироқдан ташқари ҳамма мақомларда учрайди ва Талқинни Ўззол, Талқини Ушшоқ, Талқини Баёт, Талқини Чоргоҳ, Талқини Сегоҳ деб яритилади.

Талқин сузи арабчада "тушунтириш", "насиҳат этиш" маъноларини билдиради. Бу ибора доира усулининг ҳам ифодаси:  / анъанавий иборалар билан: бум – бак – бум – бака.

Унга мос шеърлар Рамал баҳридан: Фойлотун – фойлотун – фойлотун – фойлун.

Талқин йуллари. Ўззол, Ушшоқ, Баёт, Чоргоҳ, Сегоҳ, Наср ва Уфар йуллари билан ҳамоҳанг ва бу шуъба қисмлар бир – бирининг ритмик вариантларидир. Уларнинг тароналари эса, Сарахборлардаги каби вазифани бажаради.

НАСР – Сочма, қумак, зафар маъносида улар Шашмақомда унтўрттадир: Бузрукда – Насруллои, Насри Ўззол;

Ростда – Насри Ушшоқ, Наврўзи Сабо;

Навода – Насри Баёт, Орази Наво, Ҳусайний Наво;

Дугоҳда – Насри Чоргоҳ, Орази Дугоҳ, Хусайний Дугоҳ;
 Сегоҳда – Насри Сегоҳ, Наврузи Хоро, Наврузи Алам;
 Ироқда – Мухайяри Ироқ.

Улар $6/4$ такт улчовидаги доира усулида ижро этилади:



Уларга айтиладиган шеър вазни Ҳазоҳ бахридан:

Мафойилун - мафойилун - мафойилун - мафойилун.

Насрларда ҳам бир нечадан тароналар мавжуд $/3 - 4$ тадан ошмайди баъзиларида эса, умуман учрамайди/ масалан: Хусайний Наво ва Дугоҳ/.

У Φ А Р - мақомларнинг якунловчи қисми бўлиб, шухроқ доира усулида ижро этилади.

/ бум - бака - бум - бак; бум - бака - бак - бум - бак /.

Уларни ижроси учун турли вазндаги / Рамаз, Ҳазоҳ, Разаж/ шеърлардан фойдаланилади. Ҳар бир мақомнинг шўбалари ва уларнинг тароналари туркум тарзида ижро этилиб, Уфр билан тамомланиб, охириги супориш билан якунланади. Бу супоришлар сарахборларнинг ашула бошидаги жумлаларидир. / Супориш - топширув маъносида туркумни Сарахборга узатади ва у билан якунланади.

АШУЛА БУЛИМИНИНГ ИККИНЧИ ГУРУҲ ШЎБАЛАРИ.

Иккинчи гуруҳ шўбалари Савт ва Мурулчалар усулида ижро этиладиган ашула йулларидир. Фақат Наво мақомида Мустазоди Наво шўбаси "талқин" доира усулида ижро этилади.

Иккинчи гуруҳ шўбалари, асосан, беш қисили бўлиб, асосий ашула йулларидан ташқари шахобчалари - Талқинча, Қашқарча, Соқийнома ва Уфр, - деб номланади ва шу номи доира усуллари жўрлигида ижро этилади.

Савт ва Мурулчаларнинг асосий йуллари $5/4$.



Талқинчаси $3/4$ $3/8$.




Қашқарчаси $4/4$.



Соқийномалари $4/4$.





усулларида ижро этилади. Улар Рамал, Комил, Музореъ, Ражаз, Мутароқиб дейилган вазидagi шеърлар билан ўқилади. / Қаралсин: "Мақомлар масаласига доир", 227 - бет/.

Иккинчи гуруҳ шўбалари орасида Рок, Ироқи Бухоро, Мустазоиди Наво ўз тузилиши билан Савт ва Муғулча шўбаларидан фарқ қилади ва уларнинг биринчи /бош/ қисмлари Сарахбор ва Талқин усулларида ижро этилади.

Энди ҳар бир мақом ва унинг шўбалари билан қисқача танишиб чиқамиз.

Б У З Р У К М А Қ О М И !

Олтита мақомдан биринчиси "Бузрук" номи билан машҳур бўлиб келган. Бу мақом ҳақидаги маълумотлар жуда қадим замондан бери, Шарқ мусиқа илмий рисоаларида шарҳлаб келинган эди. Этмиш олимларининг мусиқий рисоаларида Бузрук муайян лад тузилмасини ва унга мос куй ва ашулаларни ифодалаган. Бузрук мақомининг жонли намуналарини бизгача Шашмақом таркибидаги куй ва ашула йуллари орқали маълумдир.

"БУЗРУК" ибораси форсча – тожикча "Бузрук" сузининг ўзгарган шакли бўлиб, "Катта", "Улуғ" маъноларини билдиради. Ҳар ҳолда бу мақом жуда кўп куй ва ашула йулларини ўз ичига олганлиги учун "катта", "улуғ мақом" – деб номланган бўлса керак. Бузрукнинг асосий қисмлари РЕ – "Миксолидий" ва "Дорий" ладларига мос келади. Мақомлар ижросида етакчи сўз саналган танбур асбоби Бузрук мақомининг ижро этилишида квартага созланади. Бузрукнинг чолғу ва ашула йулларини тинглар эканмиз, I, II, IV, V, VI лад пагоналари таянч нуқталари сифатида алоҳида акрालиб туради.



I. Шашмақом ва уларнинг шўбалари, мақом йулларини куй тузишлари ҳақида кўргазмалар тасаввур ҳосил қилиш учун, академик Ю.Ражабий туплаб нотага олган олти жилдлик "Шашмақом" китобига муроҷат қилинсин. Китобнинг VI жилдида сўнги сўз ва намудлар жадвали мақом йулларини ва ашула қисмларини ажратиб олиб тушинишда ёрдам беради.

Бузрук мақоми ҳам чолғу ва ашула бўлимларидан ташкил топган. Унинг ~~чолғу~~ бўлими Таснифи Бузрук, Таржеи Бузрук, Гардуни Бузрук, Мухаммаси Бузрук, Мухаммаси Насруллои, Сақили Ислимий, Сақили Султон, — деб номланган чолғу асарларидан иборат. Тасниф ва Таржеи йулларида бир хил доира усули қўлланилади:



Таснифи Бузрук оҳанглари мазкур мақомнинг бош мавзуи сифатида унинг бошқа қисмларида ҳам намоён бўлиб туради ва унинг руҳий ҳолати яққол сезилиб туради. Айниқса Таснифи Бузрукдаги унсурлар ва бозғуйга ухшаш оҳанглар бошқа мақомларнинг қисмларида ҳам учрайди. Таснифи Бузрукнинг ҳиссий таъсир кучи юксак бўлиб, кишига умид, улугворлик, кутаринки руҳ бахш этади. Таржеи Бузрук эса тантанавор янграйди.

Таржеи Бузрукнинг пешрав аломатлари Насруллои, Аҳам тароналари, Чўли Ироқ каби қўллаб куй ва ашулаларда ҳам фойдаланилган.

Бузрук мақомининг Гардун йули мураккаб $8/4-2/4-3/4-3/4$ тактли доира усулида ижро этилиб, юксак профессионал мусиқа асари сифатида пухта яратилган. Уни доира усули:



Бузрук мақомининг Мухаммас ва Сақил қисмлари учун характерли нарса шуки, уларда хона ва бозғуйлар ҳажми бир хилдир. Мухаммасларнинг хона ва бозғуйлари 16 тактли, Сақилларники эса 24 тактли мураккаб доира усули жўрлигида ижро этилади. Мухаммас ва Сақилларда учрайдиган Насруллои, Ислимхон иборалари бу куйларни яратган бастакорларнинг таҳаллусидир. Булар орасида Ислимхон XVI асрда яшаб ижод этган шоир ва улкан бастакор бўлиб, турли мақомлар мавзусида куй ва ашулалар яратган эди.

Мухаммас ва Сақил йулларининг куй оҳанглари ва доира усули мураккаб бўлсада, тажрибали шинавандага осон этиб боради, чунки улар оддий халқ куйлари негизида яратилган.

Бузрук мақомининг ҳамма чолғу қисмлари куй тузилиши жиҳатидан мукамал ва бетакрор асарлар бўлиб, оҳангдорлиги билан кишини мафтун этади. Бузрук мақомининг чолғу ва ашула йуллари юксак бадиий қийматга эга. Улар асосида бастакорлар тамонидан куча кўп куй ва ашулалар яратилган.

Бузрукнинг чолғу бўлимидаги куйлар бирин — кетин ижро этилгандан сўнг шўбаларга утилади.

БУЗРУКНИНГ ашула булими биринчи гуруҳ шўбалари тарона-
лари билан яхлит ҳолда, туркум тарзида ижро этилади. Бу шўба-
ларининг асосий йуллари Сарахбори Бузрук, Талқини Уззол, Насрул-
лоий, Насри Уззол яқунловчи қисми эса Уфари Уззол – деб ном-
ланади.

Улар орасида Насруллоий ва Насри Уззол – Бузрукнинг "наср"
дейилган шўбаларидир. Уларнинг авжларида асосан, Ушшоқ, Уззол,
Мухайяри Чоргоҳ намудлари, Насруллоийда эса Турк –деб аталган
авждан фойдаланилган.

Биринчи гуруҳ шўбалари туркуми Сарахбори Бузрукдан бошла-
нади. У икки чорак такт улчовига мос доира усули билан ижро
этилади. Сарахбори Бузрукка айтиладиган шеър "Музореи аҳраби
мақфуфи маҳзуф", – дейилган вазида бўлиб, "Мафоилун – фоилотун
мафоилун – фоилун" тарзида талаффуз этилади.

Сарахбори Бузрук куй тузилиши жиҳатидан жуда ҳам иураккаб
ҳамда бир неча куй булақларидан таркиб топган. Бу асар чолғу
муқаддимаси билан бошланади. Кейин бир байт шеър билан айтила-
диган биринчи хати – даромад қисми айтилади. Сарахбори Бузрук-
нинг иккинчи хати – мийбихат, учинчи хати – дунаер, тўртинчи
хати – Уззол намуди, бешинчи хати, ~~ва~~ олтинчи ва еттинчи хатлар
Мухайяри Чоргоҳ намуди ва саккизинчи хат – Ғуровард қисиларидан
таркиб топган. I – II – III ва охири хатлар ундов сўзлар билан
айтиларкан, ханг ва оҳанглар билан ижро этилади. /Сарахбори
Бузрукни таҳлил этиб эшитиб кўриш тавсия этилади. /

Сарахбори Бузрук куй ҳаракати жараёнида терция, кварта,
квинта, октава даражасида сакрама ҳаракатлар ҳамда турли парда-
ларга чекинишлар тез – тез содир бўлиб туради. Шу сабабли унинг
лад қиёфасини ажратиб олиш қийинроқдир. Тоналликнинг ўзгариши
ҳолатларини Сарахбори Бузрукдан кейин айтиладиган олтита унинг
тароналарида ҳам кузатиш мумкин. Бу тароналарнинг куй тузилиши
лад қиёфаси, доира усули, уларга айтиладиган шеър улчовлари бир-
биридан тубдан фарқ этади. Бундай ҳол ашула туркумининг ранг-
баранглигини, ҳозирбадорлигини таъминлайди. Бинобарин Сарахбор-
дек йирик ашула йулини тинглашдаги жиддий ва оғир ҳолатни енгил-
лаштиради, ҳамда эшитув ҳиссиётига дам беради. Сарахбори Бузрук
тароналари кичик шаклдаги енгил ашула йулларидир.

Сарахбори Бузрукнинг VI – таронаси кейинги шўбага уловчи
вазифасини бажарадиган – супориш қисми деб ҳисобланади.

Бузрукнинг иккинчи шўбаси Талқини Уззолдир. Бу ерда "Талқин" /асл маъноси – тушунтириш, насиҳат/ ибораси доира усулининг номи бўлиб, "Уззол" эса маълум куй тузилмасини ифодалайди.

"Уззол" қадимий мусиқа рисоаларида кўрсатилишича ун икки мақомга кирган маълум шўбанинг номи. Шашмақомда эса Бузрук мақоми таркибига киритилган. Уззол ибораси эса X асрдан бошлаб маълум.

"Уззол" арабча сўз бўлиб, "тушиш", "пастга сакраш" маъноларини билдиради. Бундай маънони "Уззол" номли шўба ва унинг бошланish қисмларининг куй ҳаракатларидан ҳам билиб ола болади. Бундай куй, масалан, "соль" нотасидан бошланса, кварта даражасида пастга яъни "РЕ" нотасига тусатдан сакрайди. /фикримизнинг далили учун, Насри Уззолнинг бошланish қисмини тинглаб кўриш kifой/.

Шуни алоҳида таъкидлаш кераки, Бузрукдаги "Уззол" номи билан борлиқ шўба ва қисмларда, яъни Талқини Уззол, Насри Уззол ва Уфари Уззол куй мавзулари ва оҳанглари жиҳатидан деярли фарқ этмади. Булар орасидаги асосий фарқ – доира усулининг турлича бўлишидандир. Уззол кули турли доира усулига туширилганда, баъзи ўзгаришларга учрайди ва бир – бирининг ўзгача нусхаси бўлиб, янгича тус олади ва янгича таъсир кучини касб этади. Шу боисдан Уззол намуналари ҳақида шу ерни ўзида умумий фикр ғиритамиз.

Масалан: Талқини Уззол, Насри Уззол /насролар усулида/ бошқача тусга киради, Уфар усулида эса қувноқ ва шўхчаи ашулага айланади.

Уззол шўбалари ва Уфар қисми қуйидаги куй булакларидан таркиб топган:

Чолғу куқалдима, I – хат – даромад; II ва III хатлар – миёнхат; туртинчи ва бешинчи хатлар – Ушшоқ намуди; олтинчи хат – мухайяри Чоргоҳ намуди; еттинчи хат – Фуровард, яъни тулириш қисмларидан иборат. Бу ерда Ушшоқ намуди яъни Ушшоқнинг кўриниши – Рост мақомининг Ушшоқ номли шўбалари асосида, Мухайяри Чоргоҳ намуди – йроқ мақомларининг шу номли шўбаси асосида яратилган.

Уззол шўбалари халқ орасида машҳур ашула куллари бўлиб ўзига хос оҳангдор ва поэтичалidir. Уларнинг машҳурлигини шундан ҳам билиш мумкинки "Уззол" оҳанглари асосида бошқа ашула ва куй куллари авжида кенг фойдаланиладиган Уззол намуди юзага келган эди.

Уззол намуди Шашмақомда Бузрук, Рост мақомлари шўбалари

авжида кенг фойдаланилган.

Талқини Уззолнинг биттагина таронаси бўлиб, у ҳам бўлса супориш, яъни кейинги шўбага утишда уловчи вазифасини бажар-
ади.

Бузрук мақомининг Наср — дейилган шўбаларидан бири Насруллойдир. Насрулло — шу номли куй ва ашулани яратган бастакорнинг тахаллусидир. Узоқ ўтмишда бу чолғу ва ашула йул-
лари махсус мақом ҳисобланган, ҳамда "Роҳавий" номи билан маш-
хур бўлган.

Насруллои асари Бузрукнинг бошқа шўбаларидан тубдан фарқ қилади. Унинг тузилиши ҳам анча мураккаб ҳамда бир неча куй булакларидан иборат. Бу шўба ҳам чолғу муқаддимаси билан бошланади. Биринчи ва иккинчи хатлар — даромад; учинчи ва тўрт-
инчи хатлар — миёнхат; бешинчи хат — даромаднинг оқори парда-
ларидаги такрорланиши, яъни "дунаср"; олтинчи ва саккизинчи хатлар — Турк авжи, тўққизинчи хат тушуриш қисмларидан ташкил топган. Насруллоининг куй ва ашула йуллари ўзига хос оригинал ва жозибалик бўлиб, тингловчиларга анча яқиндир.

Насруллоининг кетидан унинг учта таронаси ўқилади. Унинг биринчи таронаси жуда мураккаб — 13 такт ўлчовидаги доира усули билан ижро этилади. Иккинчи таронаси $3/4$ $4/4$, учинчи таронаси $3/4$ такт ўлчовида ижро этилади. Уларнинг куй мавзулари жуда ҳам ранг — баранг, кишида ажойиб ҳис — туйғулар уйғотади. Шунинг айтиш керакки, турли шўбаларнинг тароналарида қандайдир умумий-
лик борлигини англаб олиш мумкин, масалан: Сарахбори Бузрук билан Насруллоининг тароналари бир — бирининг маълум ритмик вариант-
лари сифатида эшитилади.

Насруллои халқ мусиқа ижодиётига қучли таъсир қўратган. Унинг асосида туркум тарзида ижро этиладиган "Насруллои" номи билан машҳур бўлган беш қисмли куйлар, "Фарғона Насруллоси" дейилган ашула йуллари яратилган эди.

Шундай қилиб Бузрук мақомининг чолғу йуллари ижро этилган-
дан кейин, туркум Сарахбори Бузрукка ўлашиб кетади. Бу шўба тароналари билан айтилгандан сўнг супориш воситаси билан Талқини Уззол ҳамда унинг таронасига ўтилади. Кейин Насруллои тарона-
лари билан ўқилиб, Насри Уззол ижро этилади. Бузрук мақомининг яхлит туркуми Уфари Уззол билан якунланади.

Шашмақом шаклланиши жараёнининг дастлабки даврларида биринчи гуруҳга кирган "Сарахбор", "Наср" дейилган, шўбалар ва Уфарлар яратилган эди. Кейинги йилларда эса "Шашмақом" тобора бойиб борди. Унинг таркибига бастакор санъаткорлар тамонидан янгидан – янги шўбалар киритилди. Натижада, Савт ва Муғулчалар тарзида бир қанча шўбалар яратилди ҳамда "Шашмақом" иккинчи гуруҳ шўбалари жумласига киритилди.

Бу шўбалар сўнги давр маҳсулоти эканини ёзма манбалар ҳам тасдиқлайди. XIX асрда ёзилган ҳамда "Шашмақом" йулларига айтиладиган шеър текстлари келтирилган тупламларда "Савт" ёки "Муғулча" – деган номлар асосан учрамайди. Бундан бир қўлёзма туплам истисно бўлиб, унда келтирилган Савтга айтиладиган шеър тексти ҳозирги Савтлардагига мос келмайди. Манбаларда, бошқа номлар билан айтиладиган шўбалар ҳам эслатилиб утирмайди. Хоразм мақомлари таркибига улар умуиан киримай қолган, бу нарса Савт – Муғулча туридаги шўбалар ва уларнинг шахобчалари XIX аср охири XX аср бошларида юзага келганлигини кўрсатади.

Бузрук мақоми таркибида бундай шўбалар тўртта бўлиб, "Муғулчаи Бузрук", "Савти Сарвиноз", "Ироқи Бухоро" ҳамда "Рок" деб номланади.

Бу уринда "Муғулча" ибораси шу номли доира усулининг ифодаси "Савт" эса – товуш, ақс садо маъноларида маълум куй ёки ашулага тақлид қилиб яратилган мусиқа асаридир. Иккинчи гуруҳ шўбалари биринчи гуруҳ шўбаларидан тубдан фарқ этади. Биринчи гуруҳ шўбалари "Сарахбор", "Талқин" ва "Наср"лар тароналари билан яхлит туркум тарзида ижро этилади. Иккинчи гуруҳ шўбалари эса, куй мавзулари нуқтаи назаридан бири – бирига ҳеч ўхшамайди, шу сабабдан ҳам улар ўз шахобчалари "Талқинча", "Қашқарча" "Соқиннома" ва "Уфар" қисмлари билан алоҳида туркум тарзида ижро этилади.

Иккинчи гуруҳ шўбаларидан бири "Муғулчаи Бузрук" куй тузилиши диҳатдан "Сарахбори Бузрук"нинг маълум ритмик ва мелодик вариантыдир. Энди уни "Муғулчаи Бузрук"нинг бошланиш жумлаларига таққослаб доира усулига ҳам эътибор беринг. "Муғулчаи Бузрук"нинг куй булаклари ҳам Сарахбори Бузрукдаги кабидир. Шу шўбалар таркибида даромад, урта пардаларда айтиладиган Мләнхат, УЗЗол намуди ва Мухайяри Чоргоҳ намудлари, ғуровард қисмлари мавжуд. Муғулчаи Бузрукнинг асосий йули беш чорак такт улчовида бўлиб, "Рамали мусаммани махзур", – дейилган шеър вазнада ижро этилади.

Фоилотун -фоилотун - фоилотун - фоилун.

Муғулчаи Бузрукнинг асосий йули айтилгандан сўнг, унинг шаҳобчалари бўлган "Талқинча", "Қашқарча", "Соқийнома" ва "Уфар" ижро этилади, улар эса мазкур шаҳобчалар номи билан боғлиқ доира усулидаги ритмик вариантлари сифатида гавдаланади. Шу сабабли уларнинг биттаси таҳлил этилса, бошқа шаҳобчаларининг ҳам куй тузилишини тасаввур этиш мумкин. Лекин улар турли доира усули, ҳар хил шеър матнлари жўрлигида ранг - баранг тус олади, бошқача руҳий таъсир кучини касб этади. Масалан, Муғулчаи Бузрукнинг Қашқарчасини олиб кўрайлик. Унинг биринчи хати "Даромад", иккинчи - учинчи хатлари "Миёнхат", тўртинчи - бешинчи хатлари "Дунаср" - яъни ашула бошланиш жумлаларининг иқори пардалардаги такрори, олтинчи - еттинчи хатлар Уззол намуди, саккизинчи - туққизинчи хатлар "Мухайяри Чоргоҳ" намуди ва "Фуровард" қисмларидан иборат.

Муғулчаи Бузрук машҳур ашула йулларидан бўлиб, ўзига хос жозибадорлиги ва таъсирчанлиги билан алоҳида ажралиб туради. Унинг "Қашқарча" ашула йули қисқароқ шаклда Ъалилов ва Бровцинларнинг "Тоҳир ва Зуҳра" операсида Хоразм маликаси Моҳим арияси сифатида фойдаланилган эди, бунда воқеликни ва лирик кайфиятни дурустгина фойдалай олган.

Бузрук мақоми иккинчи гуруҳ шўбааларидан бири "Савти Сарвиноз" номи билан машҳур. "Сарвиноз", баъзи мақомчиларнинг фикрича, бастакорнинг тахаллуси, яъни савти Сарвиноз - шу санъаткор басталаган савт йулдир. Савтларнинг асосий йули бир хил, беш чоракли такт ўлчовидаги доира усули билан ижро этилиб, Муғулчалар доира усулидан фарқ қилмайди. Лекин шеър ўлчови "Ҳазакчи мусаммани солим" - дейилган вазнда. Мафойилун - мафойилун - мафойилун - мафойилун - тарзида талаффуз этилади. Савт йуллари орасида Савти Сарвинознинг куй ҳаракати фаол бўлиб, мураккаб куй тузилиши ва ноёблиги билан алоҳида ажралиб туради.

Савти Сарвиноз чолғу муқаддима билан бошланади. Унинг таркибида: I - хат "Даромад", II - III хатлар "Миёнхат", IV V хатлар Ушшоқ намуди бўлиб, Миёнхат VI хат билан ашула бошланган парда - тоникага қайтиб тушади. Сунгра ашула йули чолғу нақорат орқали 7 - 8 хатлардан иборат Турк авжига уланиб кетади. Турк авжи ҳам Миёнхат жумлалари боёнтаси билан бош пардага қайтиб тушади ва туширим қисми билан якунланади.

Савти Сарвиноз тузилиши мураккаб бўлсада, куй оҳангларига боғлиқ ашула йулларидандир. Бу ашула оҳанглари асосида

XIX асрнинг охириги чорагида Шаҳрисабзлик машҳур бастакор, мақомдон ҳофиз Абдурахмонбек уч қисмли жозибадор ашулалар туркумини яратган эди. Улар "Абдурахмонбеги" номи билан машҳур бўлиб ҳозирги кунгача халқимизнинг сеvimли ашула йуллари бўлиб қолмоқда.

"Абдурахмонбеги" ашулаларини тингласак, уларнинг куйи "Савти Сарвиноз" йули экани яққол сезилиб туради. Лекин бастакор Савит Сарвиноздан фойдаланиб, пухта ва жозибали ашулалар яратган эди. Бу ашула "Сарахбор" усулининг тезлаштирилган туридир.

"Абдурахмонбеги" ашула йуллари сермазмун, тингловчиларга осон етиб борадиган оромбахш асарлар даражасида ишланган. Бастакорнинг маҳорати шундаки, "Абдурахмонбеги" I ашуласига Наво намудидан усталлик билан фойдаланган бўлиб, бундай ҳол мақомчиликда кам учрайди. Чунки, Бузрукда паво намуди ҳеч қачон фойдаланилмаган эди.

Савти Сарвинознинг асосий йули ижро этилгандан кейин унинг Талқинча, Қашқарча, Соқийнома ва Уфар шохобчалари биринкетини ўқилади.

Бу ашула йуллари ҳам Муғулчалардаги каби, турли доира усулларида янгича сайқал топади. Улардаги куй қиёфаси, таркибий қисмлари Савти Сарвинознинг бош йулидаги куй матнларининг худди ўзидир.

"Бузрук" мақомининг II гуруҳдаги шўъбаларидан яна бири шинавандаларга маълум бўлган Ироқи Бухородир.

Ироқи Бухорий Шалмақомга кирадиган VI мақом бўлмиш Ироқнинг Сарахборига оҳангдош. Бунда Сарахбори Ироқ бутунича олиниб, Бузрук мақоми ладига мосланган. Ашула бошланадиган парда Сарахбори Ироқдагига кура турт паронага баланд кўтарилган ҳамда авжидаги баъзи қайтариқ жумлалар қисқартирилган ёки баъзи ўзгаришлар билан олинган.

Ироқи Бухоро таркибида Талқинча, Чапандоз, Соқийнома ва Уфар қисмлари бўлиб, уларда тоналлик ўзгариб туради, куй булаклари ҳам баъзан бир — бири билан мос келмайди. Масалан, ироқнинг асосий йулида Зебо пари авжи билан Мухайяри Чоргоҳ намуди фойдаланилган бўлса, унинг Талқинчаси ва Чапандозиди Мухайяри Чоргоҳ ўрнига Турк авжи келади. Соқийнома ва Уфар қисмларида эса Зебо пари авжининг ёлғиз ўзи фойдаланилган. Бу ашула йулларида бошқа пардаларга ўтиш каби куй ҳаракатлари куплаб содир бўлади.

Ироқи Бухорийнинг шохобчаларидан умумий тушуна олиш

учун унинг энгилроқ йулларидан Соқийномаи Ироқни олиб қарайлик.

Бу ашула йулининг № I хати "Даромад", II – III хатлари урта парда жумлалари – Миёнхат, IV – V хат Зебо пари авжи, охири VI – хат туширим қисмларидан иборат.

Бу жозибали ашула йули кишида нозик лирик кайфиятлар қўзғайди, эзгу ҳаёлларга чўмдиради. Узининг куй тузилиши билан бош ашула йулидан анчагина фарқ этади. Зебо пари авжида эса Ироқ билан ҳамоҳанг бўлиб қолади. Фурӯвард қисмида яна узгача шакл олади.

Ироқ йуллари асосида купгина халқ ашулалари, чолғу ва сурнай йуллари яратилган бўлиб, бу нарса Ироқнинг мусиқа санъатимизда нақадар кенг урин тутгани ва машҳур бўлиб кетганидан далолат беради. Ироқ йуллари асосида "Чули Ироқ", "Суворий" каби машҳур чолғу асарлари, "Тошкент Ироқи" каби ашулалар юзага келган эди. "Чули Ироқ" куйида ҳатто Мухайяри Чоргоҳ намуди бутунча сақланган. Тошкент Ироқи эса Ироқи Бухородаги "Даромад" билан бошланиб, авж қисми эса Мухайяри Чоргоҳнинг маълум вариантларининг такроридир.

"Соқийномаи Ироқ" асосида "Сузора" ашуласи ва шу номи икки қисмдан иборат куйлар юзага келган. Сузора куйлари Соқийнома ва Уфар усулларида чалиниб авжидаги Зебо пари қисми тушириб қолдирилган.

Сузора сузи – чавндоз, отлиқ маъноларида бўлиб, чавандовнинг от устидаги ҳаракати ва атрофдаги гузал манзараларни мусиқий воситалар орқали тасвирлайди ва кишини чуқур ҳаёлга чўмдиради.

Энди Уфари Ироққа келсак, у Ироқ шаҳобчаларининг Уфар доира усулидаги вариантдир. Уфари Ироқ Фарғонада хотин – қизлар тамонидан жуда кўп айтиладиган "Фарғонача" ашула йулини эслатади. Бу жозибали, роҳатбахш ашула йулида айнан бир вақтда хотин – қизларнинг ички ҳис – туйғулари, орзу – умидлари ва истаклари, интилишлари ҳам уз ифодасини топган.

Бузрук мақомининг шўбаларидан яна бири "Рок" номи билан машҳур. Рок ибораси ҳиндча "Rag", "Raga" сўзидан олинган бўлиб, Урта Осиё халқларининг ҳинд халқлари ўртасидаги қадимдан мавжуд бўлган мусиқий алоқаларининг ифодаси бўлса керак. Бунда Рокнинг куй тузилиши ҳинд мусиқасига алоқаси бор деб уйлаш ҳатодир. Назаримизда бу ерда номигагина ҳиндчадир. Шунинг ҳам айтиш керакки, уйғур халқида ҳам "Шашмақом"даги каби Рок чолғу ва ашула йуллари бўлиб, оиздаги Рок шўбасига ўхшайди. Булар ўртасидаги фарқ икки услубнинг турли эканлигидир.

Бузрукдаги Рок шўъбаси учун ан ҳос нарсаси шуки, унинг асосий йули Савт – муғулчаларига ухшамайди, балки Талқин доира усулида ижро этилади. Бинобарин, куй тузилиши ҳам анча ихчам. Унинг асосий йули, талқинчаси, қашқарчаси ва соқийномаси ҳамда уфари, даромад, миёнхат, намуди уззол ва фурувард қисмларидан иборат бўлиб, ҳамма шохобчаларда авжлар қисқартириб олинган. Лекин бу қисмлардаги куй оҳанглари бир – биридан анча фарқ қилади. Рок шўъбасининг қисмлари халқ орасида жуда ҳам машҳур бўлиб, рақсбоб ашула йулларидандир. Бу ашула йулари халқ йигинларида, туй ва базмларда қўпчилик тамонидан рақс жўрлигида айтилиб келинган.

Шуни ҳам алоҳида айтиш керакки, Рок қисмлари сурнай йуллари сифатида ҳам машҳур. Баъзан шоду хуррамлик кайриятини ифодалагани учун сурнай, ногора ва карнай ансамблларида ижро этилиб, "Шодиёна" куйлари деб атаганлар. Лекин "Шодиёна" ногора усуллари ва уларга чалинадиган куйлар ундан ортқ саналади ва орасида Рок қисмлари ҳам ижро этилаверади. Рокнинг қашқарча ва уфар қисмлари ўзбек халқ чолғу оркестрига мослаб қайта ишланган бўлиб, куйчилар давомида оркестр репертуаридан тушмай келади.

Р О С Т М А Қ О М И .

Бу мақом Утмиш мусиқа рисолаларида ун икки мақомлардан бири саналган. Дарқ мусиқа назариясига оид китобларда Ростнинг энг қадимий мақом экани тўғрисида гапирилиб бу ҳақда афсона келтирилади. Афсонага қўра, "Рост" Одам Атодан қолган. Гуё **Одам Момо Ҳаво** билан жаннатдан ерга қувилади, Худо уларнинг бирини Мағрибга, иккинчисини Мазриққа жўнатади. Одам Ато Момо Ҳаво ишқида сарсон – саргардон бўлиб, уни ахтаради. Гуё Одам Атонинг чеккан моласи, "оҳу воҳи" Рост мақоми пардаларидаги куйдан иборат эди. Шунинг учун мусиқа китоблари муаллифлари Рост мақомини "Умуми – адвор" яъни мақом лад доираларининг онаси деб ҳисоблаганлар. Мазкур афсонани кетириш билан, мусиқа олимлари Ростни энг қадимий ва ilk мақом йули эканини исботламоқчи бўлганлар.

"Рост" ибораси эса "мос келадиган", "тўғри тушадиган" маъноларини билдиради. Мусиқа рисолаларида айтилишича, бу мақомнинг ладиға жуда қўп куй ва ашулалар мос келгани учун "Рост" деб номланган. Дарҳақиқат, Ўзбек ва Тожиқ халқлари мусиқасида ҳозирда ҳам бу мақом ладиға мос мусиқа асарлари сон – саноқсиз,

"Рост" мақомининг асосий иуллари бошланадиган парда, яъни тоникаси "ДО" товуши булиб, Ун икки мақом таркибида "Миксолидий" ладига яқин булган, Шашмақомда эса, "Миксолидий ва Ионий" дейилган лад қушилмасига мос келади. Бунинг сабаби бор албатта, чунки Ун икки мақомдаги Рост ва Ушшоқ мақомлари Шашмақомда Рост мақоми шаклида бирлаштирилган эди. Мазкур миксолидий ва Ионий пардалари бир-бирига бирмунча яқин булиб, улардаги фарқ товушқаторнинг еттинчи пағонасидадар.



Мақомлар ихросида етакчи созлардан ҳисобланган танбур торлари "Рост" мақомида катта октаванинг "ДО - Соля" ноталарига созланиб, унинг I - II - IV - VI поғоналари куйнинг таянч пардаларидир.

"Рост" мақоми ҳам чолғу ва ашула булимларидан иборат. Дастлаб унинг чолғу қисмлари яхлит ҳолда бирин - кетин икро этилади. Бу чолғу қисмлари "Таснифи Рост", "Гардуни Рост", "Мухаммаси Рост", "Мухаммаси Ушшоқ", "Мухаммаси Панжгоҳ", "Сақили Вазми" "Сақили Раг-Раг" деб номланади.

Таснифи Ростда бу мақомнинг бош мавзуи баён этилиб, куй оҳанглари жиҳатидан халқ куйларига ухшайди. Унинг хоналари пешрав воситаси билан ҳаракат қилади, ва кичикроқ ҳажимдаги бозғуйлар билан якунланиб боради. Таснифи Рост уз тузилиши билан "Усмония" куйига жуда яқин. Унинг пешрав оҳанглари эса жуда қўпгина халқ чолғу куйларида учрайди.

Таснифи Ростнинг хоналари борган сари иқори пардаларга кўтарила бориб, кейинги 6 - 7 хоналар ҳажми жуда ҳам кенгайиб кетади. Масалан, биринчи хона 16 такт булгани ҳолда, еттинчи хона 94 тактга етади. Хоналар кенгайиб бориши билан куйнинг мазмуни ҳам чуқурлаша боради.

Рост мақомининг бошқа чолғу йулларидаги Гардуни Рост оҳанг эътибори билан Таснифи Ростга яқин. Лекин, Мухаммас ва Сақиллар оҳанглари тубдан фарқ этади. Мухаммаси Рост билан Мухаммаси Ушшоқ йуллари бир-бирига оҳангдош. Улар икки турли ладга мослаб олинган битта куйнинг вариантларидир.

Мухаммаси Ушшоқ эса, шинавандаларга жуда ҳам яқин куй булиб, килида чуқур ҳам нозик ҳис-туйғулар уйғотади. Айниқса Хоразм намунаси энгилроқ, шўхроқ услубда икро этилиб, шоду - хуррамлик, хурсандчилик кайфиятини ҳам қўзғатади.

Рост мақомида учта Мухаммас иуллари орасида Мухаммаси Панжгоҳ ажралиб туради. Унинг куй тузилиши ҳам узига хос, бошқа мухаммаслардан тубдан фарқ этади. Панжгоҳ ибораси Ун икки мақом маъмуасида маълум шўбанинг ифодаси бўлган ва беш поронали товушқаторни англатган. Шунинг учун унинг лад асоси ҳам асл мақомдан фарқ этади.

Рост мақомида иккита "Сақил" асари мавжуд. Улар Сақили Вазмин ва Сақили Рағ – Рағ дейилиб, вазмин ибораси арабча "Сақил" сузининг узи, Рағ – Рағ эса ҳиндча мақом маъносини билдиради. Гардун, Мухаммас, Сақил иборалари доира усуллари ифодаси экани айтиб утилган эди. Бу ерда шунини айтиш керакки, номаълум сабабларга кўра Рост мақомида Таржеъ дейилган чолғу қисми учрамайди. Ростнинг чолғу иуллари куй мавзуи узига хос бўлиб, доира усуллари бошқа мақомлардаги қабидир. Уларнинг ҳаммаси жозибали, ёқимли, оҳангларга бой. Рост мақомининг чолғу иуллари ижро этилиб, ашула бўлими иуллариға утилади.

Ростнинг ашула иуллари ҳам куй мавзуси жиҳатдан хилма-хилдир. Улар биринчи ва иккинчи гуруҳ шўбалардан таркиб топган. Биринчи гуруҳ Сараҳбори Рост, Талқини Ушшоқ, Насри Ушшоқ, Наврузи Сабо шўбалари ва Уфари Ушшоқ қисмидан иборат. Бу шўбалардан кўринадики, Рост мақоми асосий иуллари уч хил куй мавзуидаги ашулалардан, яъни Рост, Ушшоқ ва Наврузи Сабо ашула иулларидан иборат. Рост мақомининг биринчи гуруҳ шўбалари туркумининг бош мавзуи бўлган Сараҳбори Рост билан бошланади. Ундан сўнг унинг туртта таронаси ўқилади. Ростнинг туркуми кейинги шўба билан уловчи вазифасини бажарувчи супориш воситаси билан Талқини Ушшоқ шўбасига уланади.

Талқини Ушшоқдан кейин унинг таронаси айтилади. Бу тарона айнан бир вақтда супориш вазифасини ўтайди ҳамда Насри Ушшоқ шўбасига ўланиб кетади. Насри Ушшоқнинг биринчи, иккинчи тароналари ижро этилиб, супориш билан наврузи Сабо шўбасига утилади. Унинг кетидан Наврузи Сабонинг талқинчаси айтилиб, Ростнинг охириги гуруҳ шўбалари туркуми Уфари Ушшоқ ва охириги супориш билан якунланади.

Рост мақоми ашула бўлимининг бош мавзуи бўлган Сараҳбори Рост узининг куй тузилиши жиҳатдан бетакрор ашула иулларидан бўлиб, жуда мураккаб қиёфага эга. Сараҳбори Рост чолғу муқаддима ва даромад қисми билан бошланади. Сўнгра шеър матнсиз ижро этиладиган оҳанглар орқали ўрта пардаларда ижро этиладиган миёнхат

қисмига утилади. Миёнхат қисми ҳам шеърӣ матнсиз айтиладиган оҳанглар билан тоникага қайтиб тушади. Сарахбори Ростнинг такт улчови содда, икки чорак бўлиб "Музореи мусаммани ахроби макруфи маҳзуф" дейилган вазндаги шеърлар билан ижро этилади, яъни Муниснинг:

Қадди кўзим қаро мени ғам тийра ҳол этиб,

Хуршиддек ёруғ ани арзи жамол этиб —

каби шеърлар мос келади. Сарахбори Ростнинг авх қисмида Сегоҳ, Ушшоқ, Уззом ва Мухайяри Чоргоҳ намудлари бирин — кетин ижро этилади. Бу намудлар бир — бирига оҳанглар воситаси билан уланади. Ашула йули эса, туширим қисми "Ғуровард" билан якунланади. Сарахбори Ростнинг мураккаб куй тузилишининг тулиқ англашда мазкур намудларни ажрата билиш асосий омиллардандир.

Сарахбори Ростнинг мураккаб куй қиёфаси тингловчига осон етиб боради, кишида юксак лирик кайфиятлар уйғотади, ажойиб манзараларни тасвирлаб, воқеликни мусиқий бадиий воситалари билан тушунтиради. Намуд, авжлари эса куй мазмунининг ранг-баранг бўлишини таъминлайди ва унинг ривожланишида муҳим аҳамият касб этади.

Сарахбори Ростни тинглаш жараёнида киши ҳиссиётида жиддий ҳолат пайзага келади. Бундай ҳолат эса, тарона қисмларига утилиши билан енгиллашади ва кишида янги ҳис туйғулар ҳосил бўлади. Тароналар ҳам мақом туркумларидаги куй мавзунининг ранг-баранг бўлишини таъминлайди. Сарахбори Ростнинг биринчи таронаси ўн олти тактли мураккаб доира усули жўрлигида ижро этилишига қарамай, енгил ва хушчақчақ кайфият уйғотади. Куй ҳаракатида оҳанглар эса равон янграйди. Бу шўбанинг ошқа учта таронаси янада шўхчанг ва жозибали.

Рост мақомининг иккинчи шўбаси "Талқини Ушшоқ" деб номланади. Шунини айтиш керакки, Рост мақомида Ушшоқ номи билан машҳур бир неча шўба ва қисмлар мавжуд. Унинг биринчи гуруҳ шўбаларида яна Насри Ушшоқ ва Уфари Ушшоқ дейиладиган ашула йуллари мавжуд. Уларнинг ҳаммаси бир — бири билан ҳамоҳанг, куй тузилиши ва таркибий қисмлари ҳам бир хил. Талқини Ушшоқ Насри Ушшоқ ва Уфари Ушшоқ маълум ашула йулининг Талқин, Наср ва Уфар доира усулларида ижро этиладиган вариантларидир. Лекин, уларга ўқиладиган шеър улчовлари турлича бўлади.

"Ушшоқ" исораси арабча "Ошиқ" сўзининг кўплиги бўлиб Ошиқлар деган маънони англатади. Ҳеч шўба йўқки, Ушшоқ чолғу ва ашула йуллари, уларга айтиладиган шеърлар ҳам ишқий лирик

характерда булган. Ушшоқ шўбалари ва унинг Уфар қисми куй тузилишини тасфавур этиш учун улардан биттасини қараб чиқилса kifоя.

Масалан, Насри Ушшоқни олиб қараймиз. Бу ашула иули 6/4 такт Улчовидаги доира усули жўрлигида ижро этилиб, "Ҳазажи мусамани солим" — дейилган вазнадаги шеър Улчовида ижро этилади. Насри Ушшоқ Нодиранинг:

Агар гулданга кирса сарв гулруйим хиром айлаб
Агургай сарву гул аз марҳабо бирла салом айлаб —

деб бошланадиган газали Улчовида айтилади.

Насри Ушшоқнинг даромад қисми икки байт шеър билан айтилади, яъни бир хат /бир байт/ шеърга мос ашула жумласидир. Насри Ушшоқнинг авж қисмида учта: Ушшоқ, Уззол ва Мухайяри Чоргоҳ намуналари мавжуд. Булардан Ушшоқ ва Уззол намудлари қисқа берилган бўлиб, бу намудлар Мухайяри Чоргоҳга ўтишда узаро уловчи вазифасини ўтайди. Ашула йули тушурим қисми билан тугалланади.

Насри Ушшоқнинг таркибидаги ҳамма куй қисмлари Талқини Ушшоқ ва Уфари Ушшоқ ашула йулларида мавжуд. Шу сабабли улар устида алоҳида тўхталиб ўтирмаймиз.

Насри Ушшоқдан кейин унинг иккита таронаси ижро этилади. Бу тароналар кичик ҳақимидаги жозибали ва ёқимли енгил ашула йуллари бўлиб, оддий халқ қўшиқларига яқиндир. Насри Ушшоқнинг биринчи таронаси Хоразмда машҳур булган "Ҳануз" ашуласининг ўзидир. Хоразм мақомлари таркибида эса "Нақши Рост", деб номланади.

Рост мақомининг яна битта шўбаси Наврузи Сабо ашуласидир. Ўтмиш мусиқа рисолаларида Навруз байрамига аталган ва навруз сузи қўшилиб номланадиган бир неча мақом шўбалари мавжуд эди.

Улар Наврузи Араб, Наврузи Хоро, Наврузи Бағтий, Наврузи Аҳам, Наврузи Сабо каби аталарди ва Навруз байрамига нисбат бериларди. Наврузи Сабо эса, шундай шўбалардан бири сифатида баҳор манзараларини тасвирлайдиган Роҳавий мақомининг шўбаси саналган. Шашмақомда эса, Рост мақоми таркибига киритилган. Шу сабабли, Наврузи Сабонинг куй мавзуи, куй қисмлари Рост мақомининг бошқа шўбалари матнларидан бутунлай фарқ этади. Ҳатто бунда Рост мақомига хос булмаган Наво ва Ораз намудларидан фойдаланганлиги фикримиз далили була олади. Наврузи Сабонинг таъсир этиш кучи ҳам ўзига хос.

Наврузи Сабо жуда мураккаб тузилган бўлиб, унинг бир байт шеър билан айтиладиган хатлари, мазкур ашула йулининг қуйидаги қисмларини ташкил этади:

I - хат - даромад; II - III хатлар - урта пардаларда ижро этиладиган миёнхат; IV хат - даромаднинг юқори пардалардаги такрори бўлмиш Дунасро; V - VI хатлар - Сегоҳ намуди; VII хат Наво намуди; VIII хат Ораз намудидан иборат. Ашула йули туширим қисми "Фуровард" билан тугалланади.

Наврӯзи Сабо айниқса машҳур мақомдон устоз Домла Ҳалим Ибодов ижросида мароқли чиқарди. Домла Ҳалим Сегоҳ намуди авжини жуда ҳам кенг айтирилган шаклда айтарди. Бу ашула йулидан Юнус Ражабий "Фарҳод ва Ширин" мусиқали драмасида Шопур арияди сифатида фойдаланилган бўлиб, Шопурнинг Фарҳодга садоқати, улардаги чуқур самимий дўстлик туйғулари тулақонли ифодалай олган эди.

Наврӯзи Сабодан кейин унинг талқинчаси ижро этилади. Шунинг ҳам айтиш керакки, биринчи гуруҳ шўъбалари таркибида Талқинча дейилга шахобчалар бўлмади, балки талқинчалар иккинчи гуруҳ шўъбаларига хосдир. Наврӯзи Сабо шўъбаси эса, бундан мустаснодир. Наврӯзи Сабо талқинчасининг куй тузилиши асосий шўъбанинг йулидан фарқ этади. Унинг кичик булаклари ҳам бутунлай бошқа, катта авж сифатида "Зебо пари авжи келади.

Наврӯзи Сабо талқинчаси ҳам асосий шўъба йули каби куй оҳангларга бой, ажойиб ашула йулларидандир. Наврӯзи Сабо асосида жуда кўп куй ва ашулалар яратилган. Жумладан, унинг Талқинчаси оҳанглари асосида Тухтасин Жалилов "Тоҳир ва Зухра" операси учун "Ишқ сели" - деб бошланадиган ария, Комилжон Жабборов эса "Лайли ва Мажнун" мусиқали драмасида қахрамонларнинг "Мубтало бўлдим сенга деб бошланадиган дуэтнинг яратган эдилар.

Умуман Ростнинг биринчи гуруҳ шўъбалари жуда ҳам машҳур ашула йулларидир. Улар асосида Урта Осиёнинг турли воҳаларида Савтлар, уларнинг шахобчалари, Ушшоқнинг тўртта варианты, Гулери Шаҳноз ва унинг шахобчалари, сурнайда чалинадиган қатор мусиқа асарлари юзага келган эди. Бу шўъба ва ашула йулларини кўпи иккинчи гуруҳ шўъбалари жумласига киритилган.

Шундай қилиб, Рост мақомининг биринчи гуруҳ шўъбалари Сарахбори Ростдан бошланиб, унинг тўртта таронаси айтилади. Туркум эса Талқини Ушшоққа улашиб кетади. Унинг таронаси ижросидан сўнг Насри Ушшоқ ижро этилади. Сўнгра унинг иккинчи таронаси ўқилиб, Наврӯзи Сабо ва уни талқинчасига утилади. Биринчи гуруҳ шўъбалари эфари Ушшоқ ва охириги Сулорини билан якунланади.

Рост мақоми иккинчи гуруҳ шўбаларига Савти Ушшоқ, Савти Калон, Савти Сабо киради ва Ростнинг биринчи гуруҳ шўбалари асосида яратилган, уларнинг вариантларидир. "Рост" мақоми иккинчи гуруҳ шўбалари Савт йўлларидагина иборат бўлиб, уларда Муғулча учрамайди. Савтлар "Талқин" ва "Наср" шўбаларига назира қилиниб ишланган ашула йуллари экани тўғрисида айтиб утилган эди. Лекин Савти Ушшоқ бу уринда мустаснодир. Ҳатто унинг лад қиёфаси, куй тузилиши ҳам биринчи гуруҳдаги Ушшоқ шўбаларидан фарқ этади. Масалан, Насри Ушшоқ билан Талқини Ушшоқ ионий ладига мос келган ҳолда, Савти Ушшоқ товушқатори фригий ладига тўғри келади. Тоника "Рост" мақомида биринчи октаванинг ДО нотаси бўлиб, Савти Ушшоқда "МИ" ёки "СИ" пардасига тўғри келади. Мақомлар ижросида танбурнинг мазкур пардалари Савти Ушшоқ ижроси учун қулай бўлиб, тоника "СИ" нотаси бўлгач "ФА" нотаси олди-га диез қўйиш билан товушқатор жўнлаштирилади.

Савти Ушшоқнинг ҳамма шохобчалари ҳам жозибали ва дилрабо ашула йулларидандир. Улар турлича доира усулларига туширилганда янгича сайқал топади, куй мавзуи узгача гавдаланади. Айниқса, қашқарчаи Савти Ушшоқ ёрқин ирода воситаларига бой, таъсирчан, нафтунокор ашула йулларидандир.

Савти Ушшоқнинг Соқийномаси бошланиши Бухоро Ироқининг Соқийномасини эслатади. Лекин унинг урта парда ва авж қисмидаги ашула жумлалари Савти Ушшоққа хос янграйди. Савти Ушшоқ уфариси "Фарғонача" хотин — қизлар қўшиғининг ўзи. Улардаги тафбурут шуки, Ушшоқ уфаридаги авжлар фарғоначада тушириб қолдирилган.

Савти Ушшоқнинг куй оҳанглари, лад асосига мос жуда кўп халқ куй ва ашулалари маъжуд. Халқимиз орасида маъжур "Гулузорим" "Фарғонача тановар", "Тонг отгунча", Хоразм дostonларида айтилдиган "Пайлайин" ашуласи, "Излайман" ва бошқа фарғонача қўшиқ ва яллалар фикримизнинг далалидир.

Композитор ва бастакорларимиз ижодига ҳам Савти Ушшоқ йуллари ўзининг баракали таъсирини кўрсатган. Мухтор Ашрафийнинг "Дилором" операсидаги Дилором арияси, Дони Зокировнинг Навоий газалига басталаган "Қурмадим" романи, Дадаали Соатқуловнинг Муқимий газалига ёзган "Навбаҳор" романи, Тухтасин Жалилов басталаган бир неча ашула йуллари, Ғанижон Тошматовнинг "Истадим" каби кишида ажойиб кайфиятлар қўзғотувчи мусиқа асарлари Савти Ушшоққа ҳамоҳангдир.

"Рост" мақомининг иккинчи гуруҳига кирган шўбалардан бири Савти Сабодир. Савти Сабонинг лад асоси "Рост" мақомининг асосий товушқаторига мос келади. Савти Сабо Ростнинг биринчи гуруҳ шўбаларидан Наврузи Сабо асосида юзага келган. Уларнинг орасида баъзи тафовутлар булиши табиий бир ҳолдир. Чунки "Савти Сабо" "Наврўзи Сабога" тақлид қилиниб ишланган ва қисқартириб олинган. Савти Сабода Наврузи Сабодаги куйнинг пағонама – пағона силлиқ ҳаракати сакрама ҳаракатга алмашинган. Уларнинг дастлабки 3 хати оҳанглари деярли бир хил бўлиб, Савти Сабода Наврузи Сабодаги "Сегоҳ", "Наво" ҳамда "Ораз" намудлари урнига "Зебо пари" авжи-дан моҳирона фойдаланилган. Савти Сабо ва унинг Талқинча, Қашқарча, Соқийнома ва Уфар дейилган шохобчаларида бир хил куй қисмлари мавжуд, яъни биринчи хат икки марта такрорланадиган даромад қисми, иккинчи хат ўрта пардаларда айтиладиган Миёнхат, учинчи ва тўртинчи хатлар Зебо пари авжи ва охириги хат туширим қисмларидан ташкил топган. Савти Сабо йуллари улар асосида юзага келган ашула йуллари орқали ҳам машҳур бўлган.

"Рост" мақоми иккинчи гуруҳ шўбаларидан яна бири Савти Калон дейилади. Бу ерда Калон сузи бастакор таҳаллусидир. Савти Калон ҳам беш қисмли ашула йули бўлиб унинг шохобчалари Талқинча, Қашқарча, Соқийнома ва Уфардир. Савти Калоннинг намуналари Ўзбекистон ва Тожикистоннинг турли воҳаларида кенг тарқалган бўлиб, улар асосида жуда кўп куй ва ашулалар яратилган, чунки Савти Калоннинг тузилиши, куй оҳанглари халқ мусиқа асарлари заминидадир. Улар асосида яратилган Қаландар I – II, унинг вариантлари "Қим десун", "Раққосасидан", "Фарҳод ва Ширин" мусиқали драмасидаги Ширин арияси каби ашула йуллари халқимизнинг севимли мусиқа асарлари бўлиб келган.

Савти Калон ва унинг шохобчаларининг куй тузилиши, куй ҳаракати ва таркибий қисмлари бир хил. Шу сабабли улар ҳақида умумий тушунча бериб утамиз. Савти Калоннинг икки хати – иккита турли услубда айтиладиган Даромад қисми. Учинчи хат – ўрта пардаларда ижро этиладиган Миёнхат, тўртинчи, бешинчи хатлар – Зебо пари авжи, олтинчи хат эса, туширим қисмларидан иборат.

Савти Калон шўбасини тинглар эканмиз, кишида қандайдир умид ва орзуга эришиш ҳиссиётлари акс этади, инсонга хушчақчақ кайфиятлар бахш этади. Унинг бош йули Талқинча ва Қашқарчаси тингланганда, бу ашула куйи кишини гўё мақсадга қараб талпингандек тўрлади. Соқийнома ва Уфари эшитилганда, беихтиёр поду хуррамлик соҳланади, рақсга тақлиф этилгандай сезилади.

Умуман Рост мақоми йулларига мос куй ва ашулалар халқимиз мусиқа меросида муносиб урин эгаллайди. Бундай асар мусиқа бойликларимиз олтин жавонидан салмоқли жой олади.

НАВО МАҚОМИ.

НАВО – Шашмақом мажмуасидаги учинчи мақомдир. Унинг тарихи ҳам узоқ Утмиш замонларга бориб тақалади. "Наво" атамаси арабча – ёқимли куй, оҳанг маъноларини билдиради. Бадиий адабиётда булбулнинг сайрашини мақтаб, шоирлар булбулнинг навоси, нола чекиши, – дейдилар. Буюк Навоий ҳам уз тахаллусини шу сўздан олган ва "Наво чекувчи, куйловчи" маъноларида қўллаган. Утмиш мусиқа рисолаларида Наво мақоми Нағмаий Довудий, яъни Довуд пайгамбар куйи деб ҳам аталади. Бу ҳақда купгина афсоналар келтирилади. Довуднинг ўзи диний афсоналарда мусиқа рамзи сифатида қаралади. Бир афсонада нақл қилинишича, гўё Худо Одам Ато танасини тупроқдан яратиб, унга жон киритмоқчи бўлади. Фаришталар қанча уринмасинлар, бу ишни удалай олмабдилар. Жон эса Одамнинг қоронғу қалбига киришга ҳеч унамабди. Худога хабар қилибдилар. Худо шу Одамнинг булажак зурриёидан, Довуднинг инсонлар жони сақлан-адиган омборида қандайдир идишда сақланиётган руҳни олиб келишни буюрибди. У гўё идиш ичидан танбурни олиб, Наво мақоми йулларида ажойиб бир ашулани хонини қилибди. Бундан завқланиб, эриб кетган жон одамнинг танасига қандай қилиб кириб қолганини билмай қолибди. Наво мақоми шу сабабли "Нағмаи Довудий" деб номланган экан. Бундай афсоналар, мусиқани "ҳаром" – деб, санъат аҳллари хурлаб, камситган ҳамда уларни таъқиб этган диний ақидаларга қарши тўқилган эди. Бинобарин бу ривоятлар Утмиш мусиқа ҳаётида маълум даражада ижобий таъсир курсатган. Утмиш мусиқа рисолаларидан маълумки "Наво" ун икки мақом мажмуасида ионий ладиға мос келади. Шашмақомда эса, Навонинг асосий йуллари РЕ золий – ФА ионий ладларига монандир. Наво мақомининг айрим шўбалари авжида миксолидий ладида ижро этиладиган ашула қисмлари учраб туради. Мақомлар ижросида етакчи сўз ҳисобланган танбур Наво мақомига секундага /соль-фа-соль/ созланиб, мақом тоъушқаторининг I – III – IV – VI пароналари таянч пардалари ҳисобланади.



Наво мақоми йўллари айниқса танбур ижросида тўлақонли ва жозибали янграйди. Чунки, танбурнинг пардаларини мослаб созлан-иши Наво куйларига мувофиқ тушади, унинг жўр торлари куйга ҳам-оҳанг ва ҳамсадо қўшимча товушлар воситаси билан уйғунлашиб, куй-нинг таъсирчанлигини ва янгроқлигини таъминлайди, кишида энг нозик ҳис – туйгулар уйғотади. Ўтмишда Наво мақоми йўллари асо-сида юзага келган куй ва ашулаларнинг кўпи танбур асосида яра-тилар, ҳамда танбурда ўринлашиб чалинади.

Наво мақоми ҳам чолғу ва ашула бўлимларидан иборат. Ашула бўлими эса, биринчи ва иккинчи гуруҳ шўъбаларидан таркиб топган.

НАВОНИНГ чолғу қисмлари саккизта бўлиб, Таснифи Наво, Таржеи Наво, Гардуни Наво, Нағмаи Орази Наво, Мухаммаси Наво, Мухаммаси Баёт, Мухаммаси Ҳусайний, Сақили Наво – деб номланади. Бу ўринда, аввал айтганимиздек, "Тасниф" ибораси мақомнинг бош куйи, асари, Таржеъ – қайтарма оҳангларидан иборат куй. Гардун, Мухаммас ва Сақил иборалари – доира усулларининг ифодаси, Нағмаи Орази Наво – Ораз тахаллуси билан машҳур бўлган бастакорнинг нағмаси, яъни куйи, Баёт – Ўрта Осиёда яшаган қадимий турк қаби-ласига нисбат берилган куй, Ҳусайний – бастакорнинг тахаллусини ифодалайди. Наво мақомини бу чолғу қисмларининг куй оҳанглари бир – биридан фарқ этади. Навонинг чолғу қисмларини тинглар экан-миз, улар никоҳ маросимларида сурнайда чалинадиган куйларни эс-латади, ҳамда инсонда тўй – ҳашамларда ҳосил бўладиган кайфият-ларни уйғотади. Масалан, Таснифи Наво ва Таржеи Навонинг усул суръатини бироз тезлаштириб, сурнай, карнай, ноғораларда ижро этилса, сурнай куйларидек садоланади.

Навонинг чолғу йўллари оҳангларга бой, кишида нозик ҳис-туйгулар қўзғатадиган таъсирли куйлардан иборат. Наво мақоми йўл-лари ўзбек ва тожик халқларининг узоқ ўтмиш замонлардан бошлаб тўплаб келган бой ички маънавий дунёсини ҳаққоний равишда акс эттирадиган мусиқа дурдоналаридандир. Наво мақомининг чолғу қисм-лари турли доира усулларида ижро этилсада, туркум тарзида чалинган-да улар бир – бирининг севосита давомидек туюлади.

Наво чолғу йулларида асосий лад - тоналлик сақлансада, Мухаммаси Наво, Мухаммаси Хусайний, Сақили Навода баъзи узғаришлар содир бўлади. Лекин Навонинг асосий куй мавзуи Наво мақомига хос руҳий ҳолат ҳамма чолғу йуллари бўйлаб сақланиб қолади. Наво оҳанглари турли чолғу қисмларида ҳар хил намоён бўлиб туради. Баъзи чолғу йуллари, масалан, Нағмаи Орази Наво, Мухаммаси Наво, Мухаммаси Хусайний, Сақили Наво, мақом бошланадиган тоникага кўра юқори пардалардан бошлангани учун, алоҳида ижро этилганда, бошқа куйнинг давомидея туюлади. Бу нарса мазкур чолғу йуллари туркум тарзида ижро этишга мўлжалланиб яратилганини кўрсатади. Масалан, Мухаммаси Хусайнийни тинглаганда шундай ҳолатни кўраман.

Наво мақоми чолғу қисмлари асосида анчагина чолғу куйлари, жумладан сурнай йуллари яратилган бўлиб, улар Наво куйлари ва "Сурнай Наво йуллари" дейилади. Бундай куйлар Навонинг халқ орасида жуда ҳам машҳур бўлиб кетишига сабабчи бўлган эди.

НАВО мақоми ашула бўлимининг биринчи гуруҳ шўбалари Сараҳбор, Талқин, учта Наср ва битта Уфр қисмларидан таркиб топган.

Наво мақомининг биринчи гуруҳ шўбалари - Сараҳбори Наво, Талқини Баёт, наср шўбалари - Насри Баёт, Орази Наво, Хусайний Наво - деб номланади. Уларнинг қўлчилиги бир нечтадан тароналарга эга. Бу тароналар шўбалар асосий йулларидан кейин ижро этилиб, йирик шаклдаги мураккаб ашулалар айтилгандан кейин ҳосил бўладиган жиддий кайфиятний енгиллаштириб боради ва баъзи тароналар бир шўбадан иккинчисига улашиб, мақом йулларининг туркум тарзида ижро этилишида уловчи /супорист/ вазифасини ҳам ўтайди.

Мазкур мақом Сараҳбори Наво шўбасидан бошланади. Унинг куй тузилиши жуда мураккаб, шунга қарамай, уни тинглаганда жон-кишида нозик лирик ҳис - туйғулар уйғотади ва унга катта шавқ-завқ бахш этади.

Сараҳбори Наво чолғу муқаддима ва бир байт шеър билан айтиладиган биринчи хат - даромад қисми билан бошланади ва шеър матнисиз айтиладиган оҳанглар билан якунланади. Иккинчи хат ўрта пардаларда ижро этилиб, биринчи мисра шеър иккита ашула жумлаларида такрорланади ва иккинчи мисра шеър ўқилиб, тоника, яъни "Фа" пардасига қайтади. Иккинчи хат ҳам шеър матнисиз "Ҳай ёр, эй ёр" каби ундов сўзлар билан ижро этиладиган оҳанглар билан якунланади. Сараҳбори Навонинг учинчи хати Орази Наво шўбаси

бошланиш қисмидан олинган Ораз намуди авж сифатида фойдаланган ашула қисми, унинг тўртинчи ва бешинчи хатлари эса Наво намуди, яъни Навонинг маълум кўринишини авж таризида фойдаланилган шаклидир. Ораз намуди ҳам ҳанглар билан айтилиб, фуровард, яъни /туширим/ қисмига уланиб кетади.

Сарахбори Наво 2/4 такт улчовидаги "бак - бум", бак, бум" каби талаффуз этиладиган доира усулида ижро этилиб, Музореъ вазнидаги шеърлар туридан Саккокийнинг:

Сентек жаҳонда кўзлари айнаи боло қани,

Ментек анинг балоси бирла мубтало қани? -

деб бошланадиган ғазалига мос улчовдаги шеърлар билан уқилади.

Сурнай Наво йулларидан хабардор киши, ҳар қандай ўзгаришлар билан айтилмасин, бошқа куйлар таркибида уни ажратиб олиши қийин эмас. Наво намуди турли кўринишларда куй ва ашулалар авж-ида бирдек оҳангдор ва жозибадор янграйди, тингловчини нозик ҳис туйғулар ва эзгу ҳаёللарга чўмдиради.

Масалан, "Абдурахмонбеги" ашуласи авжидаги Наво намуди-ни олиб қаралса кифоя. Наво намудини устозлардан Ҳожи Абдуллазиз, Ота Ғиёс, Домла Ҳадим, Леви Бобохонов, Уса Шоди Азизов каби мақомдонлар жуда ҳам зўр ихтиро билан айтардилар ва ўзлари ижро этиладиган ашула йулларида фойдаланишга ҳаракат этардилар.

Сарахбори Наводан кейин унинг иккита таронаси ижро этилади. Улардан биринчиси турли улчовдаги маълум вазнга мос келувчи ёки арузга турри тушмайдиган тожик халқ шеърлари билан ижро этилади. Иккинчи таронаси эса биринчи таронанинг бевосита давоми сифатида янграйди. Сарахбори Наво тароналари ижро этилиб, талқин усулида айтиладиган "Супориш" орқали Талқини Баёт шўбасига утилади. Талқини Баёт, Насри Баёт ва Ўфари Баётга ҳамоҳанг ҳамда улар маълум Баёт ашула йулининг талқин, наср ва ўфар доира усулларида ижро этиладиган турли кўринишларидир. Уларнинг таркибида даромад, урта пардаларда айтиладиган миёнхат, баёт оҳанглари-нинг ёқори пардаларидаги такрори /дунаси/ ёки Баёт намуди ва тушуриш қисмлари мавжуд. Мазкур ҳамоҳанг ашула йулларидан Талқини Баёт ва Ўфари Баёт "Ғамали мусаммани маҳзуф" дейилган вазндаги ғазаллари билан ижро этилади:

Оташн гул баргидин хилъатки жононимдадур,

Хилъат эрмас ул бир ўтдирким, менинг жонимдадур.

Насри Баётга айтиладиган шеърлар "Ҳажажи мусаммани солим" улчовида яъни:

Рафиқо, менга бир дām дўстлиғ расмини бунёд эт;
Ки мен бордим ўзимдин, ёр агар келса хабардор эт.

Талқини Баётнинг асосий йули ижро этилиб, унинг таронасига утилади. Шу шўба Насрлар доира усулидаги "супориш" воситаси билан Насри Баёт шўбасига уланиб кетади. Насри Баёт, Талқини Баётнинг ритмик варианты булсада, ўзига хос янграйди. Ашула йули наср усулида янгича оҳанг, бошқача куй ирода воситалари касб этади. Ўзининг сеҳирли оҳанглари билан эшитувчига завқ бағишлайди. Насри Баётни таҳлил этиб тинглаб кўрилса фикримизнинг далили булади.

Насри Баётнинг таронаси 3/4 такт улчовидаги доира усули жўрлигида ижро этилади. Бу ашула йули утиишда Нақши Наво ёки Нақши Баёт, - деб ҳам аталган. Нақш ибораси "Нақш", "безак" маъ - носида мақом шўбаларига борланадиган, тароналарга кўра йирикроқ шўбадаги ашулаларни ифодалаган. Дарҳақиқат бу нақш йули Насри Баётдан кейин тингланса, кишида ҳосил буладиган жиддий кайфият енгиллашади, у қандайдир нозик ҳис - туйғуларни изага келтирадиган равои ашула йулини тинглаб, ором олади. Таронаи Баёт Урта Осиёнинг турли воҳаларида жуда кенг тарқалган. Тошкент ва Фарғонада машҳур булган Баёт туркумида "Баёт икки" деб номланиб, ҳофизлар тамонилан турли услубларда айтилиб келинган. Шу ашула йули таъсирида бастакорларимиз унлаб ашулалар яратганлар. Тухтасин Жалиловнинг "Богаро", "Эй кўнгул", Комилжон Жабборовнинг "Келдик", "Наззора қил", Ёнус Ражабийнинг "Қошки" каби ашулаларини кўрсатиб ўтиш kifоя.

"Таронаи Баёт" айтилгандан кейин, туркум кейинги шўбага уловчи вазифасини ўтайдиган супориш орқали Орази Навога уланиб кетади. Орази Наво "Наср" дейиладиган шўбалар жумласидан булиб, унинг доира усули ва шеър.улчови Насри Баётдаги кабидир. Орази Навонинг куй мавзуи ва ҳиссий таъсир кучи Навонинг бошқа шўбаларидан бутунлай фарқ этади. Уни тинглаганда, жасоратбахш кайфиятлари уйғонади. Бундай ҳоллар "наср" шўбаларининг ҳаммасига ҳам хос. Чунки "Наср" сўзи "Қумак", "Зафар" маъноларини билдириб, мазкур ибораларга маънодош.

Орази Наво ҳам даромад қисми билан бошланади. Унинг кейинги икки байт шеър билан ўқиладиган икки хати ўрта пардаларда ижро этиладиган миёнхат, тўртинчи хати - Баёт намуди, авжи

у - VII хатлар бир неча қўринишларда такрорланадиган Ораз намуди ва охириги хат - даромад жумлаларига ўхшаш туширим қисмларидан таркиб топган. Орази Навонинг, айниқса унинг асосида яратилган Ораз намуди тингланганда, уни бошқа мақом йуллари таркибида осон ажратиб олиш мумкин. Чунки Ораз мавзuidaги ашула жумлаларида "Эр-ёр, ёрей" дейилган сўзлар билан ўқиладиган оҳанглар айтилади.

Орази Наводан кейин унинг учта таронаси ўқилади. Уларнинг биринчиси $3/4$ такт ўлчовидаги доира усулида, иккинчиси - Соқийнома доира усулида, учинчиси - Талқин доира усулида ижро этилади. Бу тароналар бир - бирининг қўринишлари бўлсада, турли кайфият бахш этувчи енгил ашула йулларидек эшитилади ва турли бўёқларда таран-нум этилади. Орази Наво тароналари ҳам чуқур лирик ҳис-туйғулар билан сўғорилган. Доира усули узгара бориши билан ашула йуллари янги тусга кира боради ва туркумининг ранг-баранглигини таъмин-лайди.

Орази Наво тароналари айтилгандан сўнг мақом туркуми супориш қисми орқали Ҳусайний Наво шўъбасига уланиб кетади.

Шуни алоҳида таъкидлаш керакки, Ораз ва Ҳусайний шўъбалари Дугоҳ мақомига ҳам киритилиб, улар Орази Дугоҳ ва Ҳусайни Дугоҳ - деб номланади. Бу шўбалар иккала мақомда бир хил куй тузилишида бўлиб, Наво ва Дугоҳ мақомлари лад - тоналлигига мос-лаб олинган.

Ҳусайний Наво Рост мақомидаги Наврўзи Сабо шўъбаси оҳанг-ларига ўхшаш йул жумлалари билан бошланади. Унинг кейинги хатлари ҳам Наврўзи Сабо йулига ўхшайди. Фақат унинг авжида Баётга ҳамоҳанг ханг куй қисмлари мавжуд. Уларни Ҳусайнийнинг октава даражасидаги ривожлантирилган тури дейиш ҳам мумкин.

Ҳусайний Наво огирроқ усулда ижро этилиб, уни тинглаганда киши бироз толиқиб қолиши мумкин. Шунинг учун туркумининг яқунловчи қисми - Уфари Баётга утилиши билан киши ўзида анча енгиллик ҳис этади. Уфари Баёт шўхроқ Уфар доира усулида ижро этилиб, рақс куйлари каби янграйди. Унга ҳамоҳанг шўбалар - Талқини Баёт ва Насри Баётдаги вазминлик бу ерда бутунлай сезилмайди ва тинглов-чини хушчақчақ, зинн - кулгу вазиятига олиб киради. Шундай қилиб, Наво мақомининг биринчи гуруҳ шўбалари туркуми Сарахбори Наводан бошланиб, унинг тароналари ўқилади сўнгра, Талқини Баётга супориш қилинади. Талқини Баёт таронаси билан айтилиб, Насри Баётга ула-ниб кетади. Унинг тароналари ижро этилгандан кейин, Наво мақоми туркуми Орази Наво ва унинг тароналарига ўтади. Бу шўъба қисмлари

ҳам супориш қисми орқали Ҳусайний Навога, ундан сунг шўбалар туркуми Уфари Баёт ва охирги супориш қисми билан якунланади. Наво мақоми таркибидаги шўбалар куй оҳанглари жиҳатидан жуда бой булган Сарахбори Наво, Баёт, Ораз ва Ҳусайний мавзӯидаги ашула йўлларида иборат. Бу ашула йўллари асосида жуда кўп туркумли шўбалар, куй ва ашулалар яратилган. Бу шўбалар Навонинг иккинчи гуруҳ шўбалари жумласига киритилган.

НАВОНИНГ иккинчи гуруҳ шўбалари Савти Наво, Мугулчай Наво, Мустазоди Наво – деб номланади. Уларнинг ҳар бири Навонинг биринчи гуруҳ шўбалари асосида яратилган. XIX аср ўрталарида Бухоро ва Хоразмда тузилган ва Шашмақом ашулаларига айтилган шеър матнларини ўз ичига олган тупламларда бу шўбалар умуман келтирилмайди. Бу эса Наво мақомининг иккинчи гуруҳ шўбалари ҳам XIX аср иккинчи ярмидан бошлаб машҳур була бошлаган дейишга имкон беради.

Уларнинг биринчиси Савти Наво, Наво оҳанглари таъсирида юзага келган. Лекин, негадир унинг асосий йўли узоқ йиллар давомида чапандоз доира усулида ижро этилиб келинган эди. Шу сабабли у Чапандози Наво – деб ҳам номланади. Шашмақомнинг сунги олти жилдлик нашрида Кнус Ражабий Савти Навонинг "Савт" доира усулидаги намунасини яратди. Бу уринда Чапандози Навонинг куй йўли, ҳаракати, унинг таркибидаги куй булаклари сақланган ҳолда оригинал ашула йўли юзага келтирилди. Дарҳақиқат, Чапандоз усули билан бошланган ашула туркумининг Савт, деб аталиши қондадан мустасно, иккинчи гуруҳ шўбалари ўз тузилиши нуқтаи назаридан Савт усулидаги ашулалар билан бошланиши лозим. Шундай қилиб, Савти Наво тулдирилди ва уни яхлит олти қисмли шакли юзага келди. Савти Навонинг бош ашула йўли ижро этилгандан сунг, Чапандози Савти Наво ва унинг Талқинчаси, Қашқарчаси, Соқийномаси ва Уфари айтилиб, туркум якунланади. Савти Навонинг бу қисмлари доира усули ва уларга айтиладиган шеър улчовлари этибори билангина бир-биридан фарқланади. Куй оҳанглари, куй ҳаракати ва унинг булаклари Савти Навонинг ҳамма қисмларида бир хилдир. Савти Наво ашула йўлларининг тузилишини тасаввур этиш учун Чапандози Навони ташкил этган ашула қисмлари билан танишиб чиқамиз.

Чапандози Наво чолғу муқаддима билан бошланади. Унинг даромад қисми, яъни бошланиш ашула жумлалари икки мисра шеър билан айтиладиган биринчи хатни ташкил этади. Чапандози Навонинг иккинчи ва учинчи хатлари тўрт мисра, /икки байт/ шеър

билан ўқилладиган миёнхат, яъни урта пардаларда ижро этиладиган ашула булагидан иборат. Икки байт шеър билан айтиладиган туртинчи ва бешинчи хатлар Дунаюр ашуланинг бошланишидаги куй жумлаларини октава даражасидаги баланд пардаларда такрор ижро этиладиган қисмини ташкил этади. Олтинчи ва еттинчи хатлар ашуланинг катта авжи бўлиш Наво намудидир. Саккизинчи хат ҷуравард, ашуланинг туширим қисмини ташкил этади. Чапандози Саъти Наво ўқилладиган шеър "Ҳазажи мусаммани солим", дейилган вазнда, Машрабнинг:

Датофатли бу бор ичра бўлг сарви хиромондур,
Қўнгул қумриси тинмай ким, доим шўру афшондур. -

деб бошланадиган газалига айтилади.

Бу ашула йўли жуда кўп мақомдон хонандалар репертуарида катта ўрин эгаллаб келган эди. Машҳур бастакор Тухтасин Далилов "Тоҳир ва Зухра" мусиқали драмасида ва шу номли операсида Чапандози Саъти Навонинг маълум кўринишидан Тоҳир арияси, унинг асл йўлдан эса Зухра арияси сиратида фойдаланган эди. Тоҳир арияси қаҳрамоннинг ички кечинмаларини ифодалайди, адолатсизлик, шафқатсизлик ҳуқум сурган замонда севги-муҳаббатни оёқ ости қилиниши натижасида юзага келган аянч аҳволни тўлақонли акс эттиради.

Саъти Наво йўлларининг машҳур эканини шундан ҳам билса бўладики, улар асосида Турк - дейилган авж юзага келган. Саъти Навонинг бошланишидаги оҳанг турли мақом йўллари ажида қўлаб ўчраб туради.

Шуни ҳам айтиш керакки, Саъти Навонинг бош куйи Наво йўлларини эслатсада, лекин ўзига хос ашула йўлларидандир. Айниқса унинг ўфари шўхчанг ва мароқли оддий халқ қўшиқ ва ашулалари сингарии янграйди. Саъти Наво куй йўли ўфари доира усулида аслича қолсада, бутунлай бошқача оҳангга ўхшаш эйилади ҳамда таъсирчанлиги ортади, равон ва енгил ашулага айланади.

Наво мақомининг иккинчи гуруҳига кирган шўбалардан бири Муғулчаи Наво деб номланади. Бу шўбанинг биринчи қисми Муғулча доира усулларида ижро этилгани учун шундай номланган. Муғулчаи Наво йўллари биринчи гуруҳ шўбалари бўлиш Талқини Баёт ва Насри Баёт асосида яратилганлиги яққол сезилиб туради. Унинг доира усули 5/4 такт ўлчовида бўлиб, Саъти йўлларидаги каби ижро этилади. Муғулчаи Наво беш қисми туркум ашула йўлларидан иборат бўлиб унинг таркибида ҳам Талқинча, Қашқарча, Соқийнома доҳобчалари ва ўфари қисмлари мавжуд. Улар Муғулчаи Наво асл йўлининг турли доира усулларидаги кўринишлари бўлиб, куй тузилиши, куйҳаракати ва

қисмлари бир хилдир.

Муғулчаи Навонинг ҳамма ашула йуллари чолғу муқаддима билан бошланади. Уларнинг биринчи ва иккинчи хатлари – даромад, учинчи хати – миёнхат, тўртинчи хати – Баёт намуди, бешинчи хати – Наво намуди, охириги хати – туширим қисмларидан иборат. Муғулчаи Навонинг бош ашула йули, унинг Талқинча ва Қашқарча ашула йуллари "Рамали мусаммани маҳфур" – дейилган бир хил шеър улчовида ижро этилади:

Кетди ҳушум ул париваш жилва оғоз айлагач,
Уртади жон пардасин мутриб Наво соз айлагач.

Шуниси диққатга сазоворки, Муғулчаи Наво Уфарининг даромад қисми тоникага нисбатан секста баландлигидаги товущдан бошланиб, пастга ҳаракат қилаверади. Муғулчаи Наво йуллари туркум тарзида ижро этилганда, бундай ҳол ашула йулларининг жозибадор ва оҳангдорлигини таъминлайди, худди уларга безақдек бўлиб тушади, туркум эса ранг – баранг янграйди.

Муғулчаи Наво – жозибали ашула йулларидан бўлиб, айниқса Уста Шоди Азизов ижросида ёқимли янграйди. Унинг бош ашула йулидан Мухтор Ашрафий ўзининг симфоник оркестр учун ёзилган "Удурбек" асарида муваффақиятли фойдаланган эди.

Наво мақомининг иккинчи гуруҳ шўъбаларидан учинчиси Мустазоди Наво – деб номланади. Мустазоди Наво ҳам Савт ва Муғулчалар режасида тузилган бўлиб, унинг таркибида ҳам Талқинча, Қашқарча, Соқийнома ва Уфар қисмлари мавжуд.

"Мустазод" арабча сўз бўлиб "Орттирилган" маъносини билдиради. Бу ибора шеър вазнининг ҳам ифодасидир. Мустазод шаклида шеърнинг ҳар бир мисрасига қофияланган мустақил кичик мисралар қўшилиб, шеър улчови кенгайтирилади, орттирилади. Купинча, мустазод шеър улчови "Ҳазаж" баҳри турларидан бўлиб, у қуйидагича ўқилади:

Жоно, қарашинг бирла шарафли назаринг бор,
мендан хабаринг бор,
Қуйингда неча вола-ю шайдо башаринг бор,
Қуп ғамзаларинг бор.

Мустазоди Навонинг куй йулида ҳам шеър шаклидаги каби орттирилган куй булагии мавжуд. Бунда ҳар бир куй жумласи кетидан уни якунлаб борувчи кичик бир куй булагии қўшилади. Бу қўшимча қисм эса, асосий куй жумласига нисбатан квинта даражасида баланд

пардадан бошланиб, пастга ҳаракат этади. Худди шундай куй тузилмаси Бузрук мақоми Рок шўбасининг Мустазод қисмида ҳам учрайди. Мустазоди Наво асосий йули талқин доира усулида айтилиб, унинг жумлаларида бошланғич 8 такт асосий куй жумласи бўлиб, кейинги беш такт мустазод яъни "орттирилган" қисмидир.

Мустазоди Навонинг биринчи хати – даромад, иккинчи хати – миёнхат, учинчи ва тўртинчи хатлар – Баёт намуди, бешинчи хат – Наво намуди, охириги хати эса – туширим қисмларидан иборат.

Мустазоди Навонинг мелодик тузилиши ва доира усули анча мураккаблигига қарамай, ўзининг ёқимлилиги, оҳангдорлиги ва улғворлиги билан акралиб туради. Уни ижро этишда ҳам хонандадан катта тажриба, ёксак ижро маҳорати талаб қилинади. Мустазоди Навонинг бош йули ижро этилгандан сўнг унинг шохобчалари – Талқинчаси, Қашқарчаси, Соқийномаси ва Ўфари ўқилади. Шуниси диққатга сазоворки, Мустазоди Навонинг Талқинчаси, Қашқарчаси ва Соқийномаси асосий шўбанинг бошқа доира усулларидаги қўринишлари бўлсада, "Мустазод" қисми уларда бутунлай учрамайди. Унинг Ўфарида эса, мустазод шакли яна тикланади. Мустазоди Навонинг Ўфарида доира усулигина ўзгаради, шеър ўлчови, куй тузилиши эса бутунлай сақланиб қолади.

Мустазоди Наво ва умуман "Мустазод" шаклидаги куй ва ашулаларнинг турлари ва намуналари созанда ва хонандалар репертуарида кенг ўрин тутади. Мустазоди Навонинг биринчи асл қисми Ҳамид Олимжон ва Ёнус Раҳабийнинг "Муқанна" мусиқали драмасида дуэт, унинг талқинчаси эса, Хуршиднинг газалига айтилаётган машҳур ашула эди. Айниқса Хоразм водийсида Мустазод йуллари кенг тарқалган бўлиб, улар рақс ва ашулачилар дасталари жўрлигида ижро этилади.

Умуман олганда Наво йирик мақомлардан бўлиб, унинг оҳанглари асосида жуда кўп куй ва ашула ҳамда сурнай йуллари яратилган. Бунга сурнай Наво йуллари қўшилса, бу мақомнинг қанчалик кўлами кенг эканини билиб олиш мумкин. Бу ўринда Тошкент, Фарғона ва Ўзбекистон ҳамда Тожикистоннинг бошқа воҳаларида кенг тарқалган Баёт ашулалар туркуми ҳақида эслатиб ўтиш кифоя.

Баётнинг йуллари шу қадар кенг тарқалганки, бастакорлар тамонидан улар асосида жуда кўп куй ва ашула йуллари язага кетирилган. Фақат Баёт иккинчи асосида унлаб унинг вариантлари ҳозирда ҳам яратилиб келинмоқда. Шубҳа йуқки, Наво мақоми оҳанглари бундан кейин ҳам кўплас мусиқа асарлари, симфоник оркестр учун ажойиб манзаралар язага келишида, сахна асарларининг яратилишида муҳим манба бўлиб хизмат қилади.

ДУГОҲ МАҚОМИ.

Шашмақом таркибидаги туртинчи мақом — Дугоҳ мақомидир.

Дугоҳ атамаси икки Урин, икки жой маъноларими билдиради. Урта асрлар мусиқа рисолаларида, Ун икки мақом мажмуасига кирган. Хусайний дейилган мақомнинг шўбаларидан бири булиб, назарий жиҳатдан у бутун тон оралиғидаги иккита пардани ифодалаган. Мусиқа амалиёти тажрибаларидан маълумки, Шарқ мусиқасида икки парда чегарасида ижро этиладиган куй ва ашулалар умуман учрамайди. Бу уринда, ўтмишдаги мусиқа олимлари бутун тон оралиғидаги иккита пардадан бошланадиган асарларни ҳисобга олган бўлсалар керак. Масалан, Дугоҳ мақомининг Хусайний шўбаси ёки Тошкент — Фарғонада машҳур Дугоҳи Хусайнийни тинглаб қурилса, куй бошланишидаги товушлар оралиғи бу фикрни далили булиши мумкин.


Мақомлар хусусида узоқ йиллар давомида тадқиқотлар олиб борган марҳум профессор В.М.Беляевнинг айтганидек Дугоҳ, Сегоҳ, Чоргоҳ номи билан машҳур бўлган мақом ва шўбаларнинг тузилиши ~~жа~~ чалкаш ва ноаниқ. Бу масала ҳалигача мавҳумлигича қолиб келмоқда. Шундай экан, Дугоҳнинг мусиқа рисолаларида бутун тон оралиғидаги икки поғонали товушлар бирикмаси — деб қурсатиш, мусиқа асарларининг диапозонини қурсатмайди, балки улар бошланишидаги икки пардани ифодалайди, — дейишга тўғри келади. Ўтмишда Дугоҳ жуда кўп мақомларнинг шўбаси сифатида машҳур бўлганлиги маълум. Шарқ мусиқа назариясида Дугоҳнинг бошқа маъноси ҳам бор. Маълум мақомнинг товушқатори сақланган ҳолда, унинг иккинчи пардасидан бошланиб, ижро этиладиган куй ва ашулалар ушш мақомнинг дугоҳи дейиларди. Масалан, Дугоҳи Хусайний, яъни Ун икки мақом таркибидаги Хусайний мақомининг иккинчи пардасидан бошланадиган куй ёки ашула, Дугоҳи Рост ۞ Рост мақомининг иккинчи пардасидан бошланадиган мусиқа асари ва ҳоказо.

Шашмақом таркибида Дугоҳ, мувтақил мақом булиб, ўтмишдаги шўба мавқеини бутунлай йўқотган. Шашмақомда Дугоҳ мақомига Чоргоҳ Ораз, Хусайний оҳанглари ва уларнинг ладиға мос куй-оҳанглари асосий куй мавзулари сифатида гавдаланади.

Дугоҳ ҳам Шашмақом таркибидаги бошқа мақомлар каби чолғу ва ашула бўлимларидан иборат. Унинг таркибида туркум тарзида ижро этиладиган чолғу қисмлар ва қатор шўбалар мавжуд.

ДУГОҲНИНГ ЧОЛҒУ БУЛИМИ.

Дугоҳнинг чолғу йуллари Таснифи Дугоҳ, Таржеи Дугоҳ, Гардуни Дугоҳ, Пешрави Дугоҳ, Самои Дугоҳ, Муҳаммаси Дугоҳ, Муҳаммаси Чоргоҳ, Муҳаммаси Хожи Ҳужа, Муҳаммаси Чор Сархона, Сақили Ашқулло — деб номланади. Бу ерда Дугоҳнинг Таснифи чолғу йулларининг бош мавзуи саналиб, бошқа чолғу куйлари ва баъзи ашула йуллари мазмунини ҳам акс эттиради. Гардун, Самои, Муҳаммас иборалари доира усуллари ифодасидир. Уларнинг тузилиши умуман мақомларга хос қиёфада бўлиб, хона ва бозғуйлар воситаси билан ривожлана боради. Дугоҳ мақоми чолғу йулларининг хоналари айниқса пешрав оҳангларига бой. Мақомлар ижросида етакчи соз ҳисобланган тамбур асосби Дугоҳ, мақомида квартага созланиб унинг асосий лад — тоналлиги "РР" миксолидий ладига мос келади.



Дугоҳнинг чолғу йулларининг ҳаммаси ҳам жозибали, таъсирчан ва диққат куйлардир. Улар ифода воситаларига бой, яхши ҳиссий таъсир кучига эга. Дугоҳнинг чолғу йулларини тингланса, гуё киши билан суҳбатлашаётгандек туюлади. Куй мавзуи жиҳатидан, Дугоҳнинг чолғу йуллари бир-бирига ҳудуд ҳам мос бўлиб, туркум тарзида ижро этилганда маълум куйнинг ривожлантирилган қуринишлари сифатида янграйди.

Дугоҳ мақоми чолғу йуллари куй тузилиши жиҳатидан мукамал асарлар бўлиб, улар бадиий бўёқларга бойдир.

ЧОЛҒУ бўлимидаги куйлар ижро этилгандан сўнг Дугоҳ мақомининг шўбаларига утилади. Унинг ашула бўлими биринчи гуруҳ шўбалари тароналари билан яхлит ҳолда, туркум тарзида ижро этилади. Бу шўбаларнинг асосий йуллари Сарахбори Дугоҳ, Талқини Чоргоҳ, Насри Чорғи, Орази Дугоҳ, Ҳусайний Дугоҳ шўбалари ва Уфари Чоргоҳ қисмидир. Мақом туркуми Сарахбори Дугоҳ билан бошланади. Сарахбори Дугоҳ мақом шўбаларининг асосий мазмунини акс эттиради. У икки чорак такт ўлчовида ижро этилиб, "Мухтасси мусаммани маҳбунӣ мақтуъ" — дейилган вазндаги шеърлар билан йтилади:

Холу хатинг ҳамадин, эй сарви гул узор,
Ғаҳи ҳузумга хол тушубдур, ғаҳи ғубор.

Сарахбори Дугоҳ ҳам куй тузилиши жиҳатидан жуда ҳам мураккаб, бир неча куй қисмларидан таркиб топган. Унинг бир байт шеър билан ўқиладиган биринчи хати чолғу муқаддима билан бошлан-адиган Даромад қисмини шеър матнисиз ижро этиладиган оҳанглар билан тугалланади. Иккинчи хат ўрта пардаларда ижро этиладиган Миёнхат қисми билан шеърӣ матнисиз айтиладиган оҳанглар орқали бош пардага қайтиб тушади. Учинчи хат Зебо пари авжи, туртинчи олтинчи хатлар - Чоргоҳ намуди, еттинчи хат туширим қисмларидан иборат.

Сарахбори Дугоҳни тинглаганда, у Тошкент - Фарғонада машҳур бўлган Чоргоҳ йулига жуда яқин эканини сезиш мумкин. Унинг куй ҳаракати кўпроқ паронама-парона ривожлана боради. Сарахбори Дугоҳ ижро этилгандан кейин туркум унинг олти таронасига уланиб кетади. Бу тароналарнинг лад тоналлиги турлича бўлиб, туркум тарзида бир-бирига уланиб, ижро этилганда, лад-тоналлик, куйнинг ритмик қиёфаси, оҳанглари, турли вазндаги шеър матнлари ўзгариши билан Сарахбори Дугоҳ шўбасининг жўзибадорлиги ортади, ашула йуллари турли мавзудаги куйлар билан сайқал топади, бойийди, туркумнинг ранг-баранглигини таъминлайди.

Сарахбори Дугоҳнинг олтинчи таронаси туркумни кейинги шўба Талқини Чоргоҳга уловчи супориш вазифасини ҳам бажаради. Шу сабабли у Талқин доира усулида ижро этилади. Бундай ҳол эса, иккита турли шўбанинг бир-бирига силлиқ уланишини таъмин этади. Дугоҳ мақомида ҳам куй мавзуи бир хил бўлган ашула йуллари мавжуд. Улар Талқини Чоргоҳ, Насри Чоргоҳ ва Уфори Чоргоҳ номлари билан аталади. Бу шўбалар ва Уфори Чоргоҳ қисми маълум ашула йулининг турли доира усулларида ижро этиладиган намуналаридан бўлиб, куй тузилиши ва ҳаракати жиҳатидан бир хил деса бўлади. Шу сабабли, улардан биттасини пухта ўзлаштириб олинса, бошқаларини билиб олиш қийин эмас.

Талқини Чоргоҳ чолғу муқаддима билан бошланади. Унинг таркибида Даромад, Миёнхат, Мухайяри Чоргоҳ намуди ва туширим қисмлари мавжуд.

Умуман Чоргоҳ шўбалари улғувор янграйди. Кишида энг назик лирик кайфиятлар уйғотади, ўзининг сеҳирли оҳанглари билан чуқур ҳаёлот донгизига чўмдиради. Талқини Чоргоҳ ўқилгандан сўнг унинг таронаси ижро этилади. Бу тарона олти чорак такт ўлчи-даги насрлар доира усулида айтилади, бинобарин, Талқини Чоргоҳ таронасини кейинги Насри Чоргоҳ шўбасига текис уланиб кетишини таъминлайди.

Насри Чоргоҳнинг куй қиёфаси, куй қисмлари ва унинг ҳаракат доираси Талқини Чоргоҳнинг айнан ўзи ҳамда улар бир-бирининг ритмик қуринишидир. Насри Чоргоҳга ўқиладиган шеър вазни "Ҳажажи мусаммани солим" – деб аталиб, унга Навоийнинг:

Ўлида тупроқ улдим, э сабо, етсанг ғуборимга,
Қуви бул, доғи элтиб садқа қилғил гулузоримга –

деб бошланадиган газалига мос келади. Насри Чоргоҳнинг таронаси ўн уч чорак такт ўлчовидаги мураккаб доира усулида ижро этилади. Лекин уни тинглаганда енгил ашула йулидек тўyllади.

Шуниси диққатга сазоворки, Насри Чоргоҳнинг таронаси доира усули ижроси қулай бўлсада, уловчи – супориш вазифасини утайверади.

Дугоҳ мақоми Наср дейилган шўьбалардан яна бири Орази Дугоҳ – деб номланади. Наво мақоми тарихида ҳам Ораз номи шўьба учрайди. Орази Дугоҳнинг куй тузилиши, таркибий қисмлари Орази Навоининг айнан ўзидир. Бу ерда фарқ шундаки, Ораз ашула йулининг лад – тоналлиги Наво ва Дугоҳ мақомларига мосланиб олинган. Орази Дугоҳга айтиладиган шеър ўлчови, доира усули Насри Чоргоҳдаги каби дидир. Шунини айтиш керакки, Наво ва Дугоҳ мақомларининг Ораз шўьбаларидан кейин учтадан тарона ижро этилади. Лекин уларнинг куй мавзуи бир-бирига мутлақо ўхшарди. Орази Дугоҳнинг куй тузилиши ўзига хос яратилган. Бунда Ораз мавзуи турли баландликларда такрорланиб, ривожлантирилади, ҳамда "Ёр-ёр-ёй" каби ундов сўзлари билан яқунланиб боради.

Хубоби ашқи хуниин хисмима элдин ниҳон этмиш,
Ғами ишқинг бани расвойи беному нишон этмиш.

Орази Дугоҳнинг асосий йулидан сўнг унинг учта таронаси ўқилади. Унинг биринчи ва учинчи тароналари талқин доира усулида ижро этилади. Биринчи ва учинчи тароналар куй мавзуини бир хил дейиш мумкин. Лекин улар ўртасида айтиладиган соқийнома усулидаги тароналар мавзуини турли-туман бўлишини таъминлайди ҳамда турли мазмундаги шеърлар билан айтиладиган бу икки тарона бошқача мазмун касб этади.

Орази Дугоҳнинг учинчи таронасининг охирида олти чорак такт ўлчовидаги супориш айтилиб, мақом туркуми наср шўьбаларидан Ҳусайний Дугоҳга уланиб кетади. /Ҳусайний бастакорнинг тахаллуси эканини айтиб ўтган эдик./ Ҳусайний Дугоҳнинг куй мавзуи Тошкент-

Фарғонада машҳур Дугоҳ Хусайнийга ухлаб кетади. Хусайний Дугоҳ ҳам Орази Дугоҳ каби ривожлантирилади. Унинг куй мавзуи турли баландликларда такрорланади ва Дунаسر тарзида ривожлана боради. Хусайний Дугоҳ ҳам оҳангларга бой ашула йулларидан бўлиб, улғувор қиёфага эга, унинг асосида жуда кўп куй ва ашулалар яратилган. Улар орасида аниқса Тошкент – Фарғона водийсида машҳур бўлган ашулалар туркуми – Дугоҳ Хусайний, Сурнай Дугоҳи йулларини. Уйин Дугоҳи куйини курсатиб ўтиш мумкин. Дугоҳ Хусайний туркуми олти қисмдан иборат ашула йулларини ўз ичига мужассамлаштирган. Улар бир-биридан рақамлар воситаси билан ажратилиб, Дугоҳ Хусайний I, II, III, IV, V, VI, деб аталади. Дугоҳ Хусайний биринчи 2/4 такт ўлчовидаги Сарахборларга ўхшаш усулда ижро этилади. Дугоҳ Хусайнийнинг иккинчиси 5/4 такт ўлчовидаги Савтлар доира усулида, бешинчиси ҳам Қашқарча усулида, олтинчиси Уфар доира усулида ижро этилади. Дугоҳи Хусайний туркуми асар сифатида анча мукамал яратилган.

Шашмақомдаги Хусайний Дугоҳ ижро этилгандан сўнг Дугоҳ мақоми Уфари Чоргоҳ қисми ва охириги супориш билан якунланади.

Шундай қилиб, Дугоҳнинг ашула бўлими шўъбалари Сарахбори Дугоҳ билан бошланиб, кейин унинг олтита таронаси ўқилиб, супориш воситаси билан Талқини Чоргоҳга уланиб кетади, ашулалар туркуми супори орқали Насри Чоргоҳ ва унинг таронасига, сўнгра Орази Дугоҳ ва унинг учта таронасига уланиб кетади. Яна супориш орқали Хусайний Дугоҳга ўтилади. Дугоҳ мақомининг биринчи гуруҳ шўъбалари билан туширилади. Охириги супориш Сарахбори Дугоҳнинг маълум қисмидан олинган бўлиб, туркум шу билан тугалланади.

ДУГОҲ мақомининг иккинчи гуруҳ шўъбалари жумласидан Савти Чоргоҳ, Муғулчаи Дугоҳ, Оромижон – деб номланган ашула йуллари ва улар асосида юзага келган ашула намуналари киради.

Дугоҳ мақомининг иккинчи гуруҳ шўъбалари биринчи гуруҳ шўъбалари каби жозибали, таъсирчан, дилпазир ва мафтункор оҳанглардан иборат. Уларнинг лад-тоналлиги, куй тузилиши, ҳаракати, доира усули, шеър ўлчови ва куй мазмуни мос бўлгани сабабли ҳам кишида яқсак бадиий эстетик завқ уйғотади. Дугоҳнинг иккинчи гуруҳ шўъбаларининг куй мавзуи биринчи гуруҳдаги Чоргоҳ ва Сарахбори Дугоҳ шўъбалари асосида яратилганидан далолат беради. Хусусан Савти Чоргоҳ ва Насри Чоргоҳ шўъбаларига ҳамоҳанг бўлса, Муғулчаи Дугоҳ Сарахбори Дугоҳнинг муғулча доира усулидаги кўринишидир. Оромижон шўъбаси қисмлари эса Савти Чоргоҳ оҳанглари асосида яратилган.

Иккинчи гуруҳга кирган шўбаларнинг ҳар бири бошқа мақом йуллари каби мураккаб қиёфага эга. Масалан, Савти Чоргоҳни олайлик. Бу шўба туркум тарзида ижро этиладиган Талқинча, Қашқарча, Соқийнома ва Уфар дейилган шохобчалардан иборат бўлиб, Савти Чоргоҳнинг асосий ашула йули беш чорак такт ўлчовидаги доира усулида ижро этилади. Унинг биринчи хати — даромад ҳисобланади. Кейинги икки байт шеър билан ўқиладиган икки хат ўрта пардаларда ижро этиладиган Миёнхат қисми бўлиб, тўртинчи хат — баъзи ўзгаришлар билан Дунаسر шаклида яратилган ашула булаги, бешинчи, олтинчи хатлар — Мухайяри Чоргоҳ намуни ва схири еттинчи хат — туширим қисмларидан таркиб топгандир. Савти Чоргоҳга "Ҳазажи мусаммани солим" дейилган ўлчовдаги ғазаллар мос келади. Шуниси эътиборга сазоворки, Савти Чоргоҳга Мнус Ражабий Мусуф Сарёинининг таркибидан шаклидаги ғазалини боғлаган. Шеърининг радифи бир хил бўлишига қарамай, бу ашула йули дилрабо янграйди ва ўзининг оҳангдорлиги билан шеър мисраларидаги такрорланаётган оғузлар радифига ранг-баранг тус беради.

Мени ғам муңча ҳам тақлифи саҳройи жунун этма,
Ҳироқу ҳажр афғонимни кун-кундин қузун этма.

Савти Чоргоҳнинг талқинчаси бу ашула йулининг талқин доира усулидаги қўрғинчидир. Унинг қўй тузилиши ва ҳаракати, ашулани ташкил этган жумлалар Савти Чоргоҳнинг асл йулидан фарқ этмайди. Талқинчаи Савти Чоргоҳ Фарғона водийсида севилиб ижро этилиб келган. Айниқса, драматург Хуршиднинг Андижон театрида қўйилган "Дайли ва Махнун" мусиқали драмасида қордаланилганлиги бежиз эмас эди. Талқинчаи Савти Чоргоҳ ария сифатида бош қаҳрамон Махнун /Қайс/нинг ички кечинмаларини ифодалайди, адолатсизлик ва шафқатсизлик ҳукумрон бўлган жамиятда инсон қадр — қиммати хорлигини тасвирлайди. Шунга қарамай, бу арияда Қайснинг Дайлига бўлган соф муҳаббатини тўлақонли акс эттирилади. Бу ария "Рамали мусаммани маҳзўф" дейилган ўлчовдаги ғазаллар билан айтилади. Масалан Навоийнинг:

Не наво соз айлагай булбул гулистондин жудо,
Айламас тўти такаллум шакарстондин жудо. —

деб бошланадиган ғазали каби.

Савти Чоргоҳнинг Қашқарча, Соқийнома йуллари бир-бирига жуда ўхшашдир. Айниқса, унинг Соқийномаи Фарғона водийсида кенг тарқалган "Қурди мўзингни" деб бошланадиган ашула йулининг

узидир. Савти Чоргоҳнинг Уфари эса, Уфари, Чоргоҳ ва Уфари Ором-ижон билан оҳангдош.

Дугоҳ мақоми иккинчи гуруҳ шувбадаридан бири, Муғулчаи Дугоҳдир. Бу ашула йули машҳур мақомдон ҳофиз Домла Ҳалим Ибодов ижросида жуда ҳам мароқли янграб эди. Муғулчаи Дугоҳ улугвор ашула йулларидан бўлиб, Сарахбори Дугоҳ оҳангларига асосланган. Унинг куй бўлаклари, авж қисмлари ҳам Сарахбори Дугоҳдаги кабидир. Муғулчаи Дугоҳ чолғу муқаддима билан бошланади. Унинг биринчи ва иккинчи хати - Даромад, учинчи ва тўртинчи хатлар - Урта пардаларда ижро этиладиган Миёнхат, бешинчи ва олтинчи хатлар - Дуна-ор, етти ва саккизинчи хатлар Мухайяри Чоргоҳ намуди, охириги хати эса туширим қисмларидан иборат. Унинг доира усули савтларидаги каби бўлиб, "Рамали мусаммани маҳзуф" дейилган улчоҳдаги шеърлар билан ўқилади:

Бридин ҳикрон чекар ушшоқи зор, эй дўстлар,
Неча тортай ҳажр учун йуқ менда ёр, эй дўстлар.

Муғулчаи Дугоҳ ёқимли, назмин ашула йулларидандир. У жуда кўп хонандалар репертуарларидан кенг урин олган ва шинавандаларга жуда ҳам манзур бўлиб келган. Шунинг алоҳида айтиш керакки, Муғулчаи Дугоҳ шохобчалари орасида бошқа савт - муғулча туркумлари умумий қондасидан фарқланадиган ҳолатни учратиш мумкин. Унинг таркибида талқинча, қашқарча, соқийнома ва уфар йулларидан ташқари муғулчалар учун хос бўлмаган талқин доира усулида ижро этиладиган Қаландар ва Самандар - деб аталадиган ашула йуллари кири-тилган. Ҳар ҳолда бу номлар бастакорларнинг таҳаллуси ёки лақаби бўлса эҳтимол. Муғулчаи Дугоҳнинг Талқинча, Қашқарча, Соқийнома ва Уфар шохобчалари ўз тузилиши билан бир хил ашула йулининг тур-ли доира усулларида ижро этиладиган кўринишларидир. Унинг қаш-қарчаси ва соқийномаси машҳур халқ ашулаларидан Савти Муножотни эслатади ҳамда у Дугоҳнинг асосий куй йулига ҳамоҳангдир. Муғулчаи Дугоҳнинг Қаландари жуда ҳам таъсирли, оҳангларга бой; мунгли ашула йулларидандир. Халқ созандалари орасида унинг чолғу йули ҳам мавжуд. Бу куй мунгли бўлсада, улугвор янграйди, кишига гўё тасалли бераётгандай, насиҳат этаётгандай туюлади.

Муғулчаи Дугоҳ Самандарининг куй тузилиши, оҳанглари, бошқа шохобчалардан тубдан фарқ этади. У асли тоникадан олтин-ларда иқоридан бошланиб, пастга ҳаракат этади ва унинг лад - тоналлиги ижро жараёнида ўзгариб, бошқа пардаларга кўчиш каби ҳолатлар тез - тез учраб туради.

Шундай қилиб Муғулчаи Дугоҳ ҳамда унинг шахобчалари узининг ёрқинлиги, куй ифода воситаларига бойлиги билан алоҳида ажралиб туради. Улар турли доира усулларига туширилганда янгича оҳанг, янгича сайқал топади, инсонга турлича бадий эстетик завқ-шавқ бахш этади. Муғулчаи Дугоҳ бастакорларимиз ижодиётига ҳам баракали таъсир курсатган. Марҳум бастакор Саиджон Ҳалонов Муғулчаи Дугоҳ асосида "Бу Насимий", "Топмадим" ашула йулларини, Юнус Ражабий "Ёр келди" ашуласини басталаган эди. Бу уччала ашула йулида Муғулчаи Дугоҳнинг оҳанглари руҳий таъсирчанлиги бирдек сақланиб қолган.

Дугоҳ мақоми иккинчи гуруҳ шўбаларидан яна бири "Сарахбори Оромижон" – деб аталади. Бу ашула йулларида иккинчи гуруҳ шўбаларидан фарқли Улароқ, талқинча қашқарча ва соқийнома каби қисмлар учрамайди, балки уч қисмдир. Унинг биринчиси Сарахбори Оромижон, иккинчиси Оромижон, учинчиси эса Уфари Оромижон деб аталади. Мазкур ашула йуллари ижро этилаётганда Оромижон сузи баъзи байтлардан кейин қўшиб айтилади. Шу сабабли "Оромижон" деб аталган. Сарахбори Оромижон сарахборлар доира усулида ижро этилиб, мақомларнинг бошқа шўбалари каби мураккаб куй тузилишига эга. У ҳам чолғу муқаддима билан бошланади. Сарахбори Оромижон Даронад, ўрта пардаларда ижро этиладиган Миёнхат, Мухайяри Чоргоҳ, намууди ва туширим қисмларидан таркиб топган. Унга "Музореи мусаммани ахбари мақфӯфи маҳзӯф" вазнидаги шеърлар мос келади:

Донимдин ўзга ёри вафодор топмадим,

Қўнглимдин ўзга маҳрами асрори топмадим.

Сарахбори Оромижоннинг иккинчи қисми "Оромижоним, эй сиемисиз" каби сўзлар билан бошланиб, $\frac{3}{4}$ такт ўлчовидаги тароналар усулида ижро этилади. Унинг куй тузилиши Сарахбори Оромижон оҳангларида бутунлай фарқ этади. Лекин, биринчи гуруҳ шўбаларидаги тароналар каби ашула мавзунининг ранг-баранглиги таъминланади, салмоқли ашула йулидан кейин, Оромижон қисми янграйди. Уфари Оромижон эса биринчи гуруҳ шўбаларининг якунловчи Уфари Чоргоҳ билан ҳамоҳанг бўлиб, Сарахбори Оромижоннинг уфар доира усулидаги қўрилишидир. Бу ашула йули жозибали ва равшан янграйди, кишида зўр завқ – шавқ қўзғайди. Унга айтиладиган шеър вазни, "Рамали мусаммани маҳзӯф" – дейилади, унга Ғуфратнинг қуйидаги ғазали мос келади:

Икки ашуби чаманким, гул бири раъно бири,
Қилди ишқида мени мажнун бири, шайдо бири.

Умуман айтганда, Дугоҳ ҳам машҳур мақомлардан бўлиб, унинг асосида қатор жуда кўп ашула йуллари яратилган эди. Айниқса Ташкент ва Фарғонада Хусайний Дугоҳ асосида ёзага келган Дугоҳи Хусайний, Чоргоҳ шўбалари асосида яратилган Чоргоҳ туркуми ашула йуллари халқ орасида машҳур бўлиб келган. Улардан Дугоҳи Хусайний Шашмақомдаги Дугоҳ мақоми шўбалари асосида яратилган. Бунда бастакорлар Шашмақомдаги Хусайний Дугоҳ доира усулини ўзгартириб, Сарахбор усулига туширганлар. Бунини Дугоҳ мақомидаги Хусайний Дугоҳ ва Дугоҳи Хусайний туркумини таққослаб кўрилса аққол билиб олиш мумкин.

Дугоҳ Хусайнийнинг шохобчалари олтига бўлиб, бир-биридан рақамлар билан ажратилади ва Дугоҳ Хусайн I, II, III, IV каби ажратиб номланади. Уларнинг такт ўлчовлари турличадир. Дугоҳи Хусайнийнинг I си Сарахбор усулида; Иккинчиси Савт усулида, кейинги шохобчалари эса қашқарча усулида, ижро этилади. Уфари эса, Баёт йуллари ҳам эслатади. Дугоҳи Хусайнийнинг ҳамма қисмлари халқимизнинг севили ашула йулларидадир. Айниқса унинг Уфари тоғибали садоланади ва эшитувчига зўр шавқ бағишлайди.

Дугоҳ Хусайнийнинг сурнай йуллари ҳам машҳур бўлиб, улар Сурнай Дугоҳи, Мушкулоти Дугоҳ, Самаяи Дугоҳ деб номланган.

Ташкентда, Фарғонада машҳур бўлган Чоргоҳ туркуми ҳақида ҳам шунини айтиш мумкин. Чоргоҳ йуллари бир-биридан Чоргоҳ I, II, III, IV, V, VI тартибида ажратилади. Чоргоҳ номи Дугоҳ мақомининг турли шўбаларида учрайди. Чоргоҳ I ўзининг куй қиёфаси билан Сарахбори Дугоҳнинг маълум кўринишидир. Сарахбори Дугоҳнинг куй тузилишлари Чоргоҳ I да бироз қисқартирилган ва маълум ўзгаришлар билан олинган. Лекин бунда Сарахбори Дугоҳнинг доира усули, ижро суръати, унга мос шеър ўлчови асосан сақлангани ҳолда баъзи шеър матнисиз айтиладиган оҳанглари қисқартирилган.

Сарахбори Дугоҳнинг куй йуналиши ва ҳаракати Чоргоҳ I да охиригача деярли ўзгармайди, дейиш мумкин. Унинг миёнхат, дунасор ва намудий – Чоргоҳ I да ҳам мавжуддир. Чоргоҳ I нинг яратилишида Дугоҳ мақомининг бошқа шўбаларидан ҳам фойдаланилган. Чоргоҳ II эса 3/4 такт ўлчовидаги Савти Чоргоҳнинг ўзгача вариантыдир. Бунда намуд авж тушириб қолдирилган. Чоргоҳ III савтлар усулида бўлиб, сўнгги даврларгача хонандалар уни беқарор айтиб келганлар. Сўнгги йилларда Ёнус Ражабий тамонидан унинг барқарор шакли тикланди. Умуман олганда Савти Чоргоҳ ва Чоргоҳ III нинг куй тузилиши ва йуналиши бир хил деса бўлади. Чоргоҳнинг IV, V, VI шохобчалари куй мавзуйи жиҳатидан бир-бирининг ритмик вариантларидир.

Унинг туртинчиси қашқарча доира усулида бўлиб, катта авжида Мух-айяри Чоргоҳ намуни фойдаланилган. Чоргоҳнинг айниқса охириги ноҳобчаси узгача бўлиб, уфар усулида ихро этилади. Тонкент - Фароналик хонадалар ихро услубида мослаштирилган. Чоргоҳ ва Дугоҳи Хусайний йуллари атоқли ҳофизлар Мадумар Ҳофиз, Абдуқаҳҳор Ҳофиз, Мулла Туячи Ҳофиз, Шораҳим Ҳофизлар репертуарида кенг урин олган эди. Чоргоҳ йуллари асосида куплаб чолғу йуллари, патнисаки ашулалар, сурнай йуллари яратилган бўлиб, улар халқимиз мусиқа меросининг бойитилишида жуда катта қийматга эга.

С Е Г О Ҳ М А Қ О М И .

Сегоҳ ноораси купчилик Шарқ халқлари мусиқасида жуда қадим замонлардан бери қўлланилиб, турлича маъноларда ифодаланган. Шарқ мусиқасига доир манбаларда Сегоҳ "уч урин", яъни торли асбобларнинг бутун ва ярим тон оралиғидаги учта пардалардан ҳосил этиладиган товуқлари ифодалаган. Шаммақом таркибида эса, олти мақомлардан бири сифатида гавдаланади.

Утинда Сегоҳ - Ироқ ладиға мос келадиган қамда унинг шўбаларидан саналган. Масалан, Уи икки мақом тизимига кирган мақомларнинг учинчи пардасидан бошланиб ихро этилган куй ва ашулалар мазкур мақомларнинг сегоҳи, яъни учинчи пардасидан бошланган асарлар ҳисобланган. Уи икки мақом тизимидаги Дугоҳ, Чоргоҳ, Шанигоҳ шўбалари каби Сегоҳнинг ҳам моҳияти ва аталиш сабаблари аниқланмаган. Мусиқа амалиётимиздаги текириқлар, ўзбек ва тоjik халқ мусиқасида уч паронали товуқатор чегарасида ихро этиладиган куй ва ашулалар йўқлигини тасдиқлайди. Шундай экан, ҳозирча Сегоҳ атамаси мазмунда куй ва ашула йулларини учта бошланғич пардалари ҳисобга олинган бўлса керак, деган хулоса қўқаринга туғри келади. Сегоҳ мақомининг чолғу ва ашула йуллари халқ орасида жуда кенг тарқалган. Сегоҳнинг патнисаки йули ҳам мавжуд.

Сегоҳ мақоми товуқатори дорий ва эолий ладиға мос пардаларда ихро этилиб, унинг олтинчи паронаси вақти-вақти билан ярим парда атрофида паст ёки баландга чиқиб, узгариб туради. Шундай ҳол Сегоҳнинг ҳамма чолғу йуллари учун ҳосилдир. Лекин, Ўзбекистон ва Тожикистонда нафр этилган Шаммақом китобларида бунга эътибор берилмаган, куйда содир буладиган парда ўзгарувчанлигига доир ҳолатлар ҳисобга олинмаган.

Сегоҳ мақомининг лад - тоналлиги, қуйидагичадир:



Сегоҳ мақоми ҳам чолғу ва ашула бўлимларидан иборат.

Сегоҳнинг чолғу бўлимида Таснифи Сегоҳ, Таржеи Сегоҳ, Ҳафифи Сегоҳ, Гардуни Сегоҳ, Мухаммаси Сегоҳ, Мухаммаси Аҳам, Мухаммаси Мирзо ҳакии, Сақили Баста Нигор деб номланган қисмлар мавжуд.

Сегоҳ мақоми чолғу қисмларидаги куй йуллариининг ҳаракати юқорида айтганимиздек парда узғаришлари билан боғлиқ. Унинг бош мавзуи бўлмиш Таснифи Сегоҳ - куй таркибидаги қисмлар ҳисобланган турт хона ва такрорий куй қисмлари - туртта бозғўйдан иборат.

Сегоҳнинг чолғу йуллари Ушшоқ мақомидаги каби лирик кай-фиятлар уйғотувчи куйлардан иборат. Уларни тинглаганда ҳижрон, фироқ, аламланиш билан бир қаторда умидворлик, келахакка ишонч садолари баралла янграйди. Масалан, Сегоҳ оҳанглари асосида яратилган уларнинг маълум вариантини Сегоҳ мақомлари интонациясининг асосини акс эттиради. Шуниси диққатга сазоворки, бу ашула икки хил доира усулида ижро этилади. Дастлаб, Сарахбор доира усулида бошланган ашула йулига Уфар усулидаги оҳанглар уланиб, яна Сарахборлар доира усулида якунланади.

Сегоҳ мақоми туркум тарзида ижро этилганида Таснифи Сегоҳдан бошланади. Унинг доира усули содда бўлишига қарамай, оҳангдор янграйди, Сегоҳ оҳанглариини яққол ифодалайди. Куйнинг йуналишида терция, кварта ва бошқа ораликдаги пағоналарга булади-ган сакрама ҳаракатлар тез-тез содир бўлиб туради.

Таснифи Сегоҳнинг куй мавзуи Сегоҳнинг бошқа чолғу қисмлари ва шўъбаларида тез-тез намоён бўлиб туради.

Таржеи Сегоҳ қисмига келсак, унинг хоналари Таснифи Бузрукдаги пешравларни эслатади. Бозғўи эса, Бузрукнинг мазкур чолғу йулининг маълум қуриниши сифатида садоланади. Бу ерда куй оҳанглари Сегоҳ мақоми ладида мослаштирилиб олинган. Ҳафифи Сегоҳ чолғу йули Таснифи Сегоҳнинг маълум вариантидир. Ҳатто уларнинг доира усули ҳам бир-биридан фарқ этмайди. Бу куй саккиз чораклиқ такт улчовидаги доира усулида ижро этилсада, унинг мураккаб куй тузилмаси эшитувчига осон етиб боради. Гардуни Сегоҳ узбек халқ чолғу асбоблари оркестри ижросига мослашиб ҳам қайта

ниланганлиги бекиз эмас. Бу куй уз тузилиши ва ёқимлилиги билан тингловчийи нафтуи этади.

Сегоҳ Мухаммасидаги хона ва бозгуиларнинг ҳар бири турттадан бўлиб, 16 тактдан иборат. Шуниси эътиборлики, унинг авжида Сегоҳ намудиниинг маълум варианти фойдаланилган. Сегоҳнинг мухаммаси Аҳам, Мухаммаси Мирзо Ҳаким, Сақил. Баста Нигор чолғу қисмлари куй тузилиши жиҳатидан ранг-баранг оҳанглардан иборат.

Уларнинг пастдан ёқори пардаларга ёки аксинча буладиган ҳаракатлари, интерваллар нуқтан назаридан кенг бўлишига қарамай, энтилишида ўзига хос равои ва енгил турлади. Шунини айтиш керакки, Сегоҳнинг чолғу йуллари жуда ҳам ихро этилганлиги сабабни, шинавадаларимизга унчалик таниш оҳанглар бўлиб турмаслиги мумкин. Лекин Сегоҳнинг ашула йуллари, купинча чолғу йуллари сифатида ҳам машҳур бўлиб келган.

СЕГОҲ мақоми чолғу қисмлари ихро этилгандан сунг унинг ашула бўлим шўбаларига утилади. Ашула бўлим шўбалари икки гуруҳдан иборат. Биринчи гуруҳ шўбалари жумласига Сарахбори Сегоҳ Талқини Сегоҳ, Насри Сегоҳ, Наврузи Хоро, Наврузи Аҳам ҳамда Уфари Сегоҳ қисмлари киради. Сегоҳ мақоми шўбалари бир нечадан тароналари билан туркум тарзида ихро этилади. Бу шўбалар орасида, Сарахбори Сегоҳда еттита тарона, Талқини Сегоҳда, Насри Сегоҳ ва Наврузи Аҳамда биттадан тарона Наврузи Хорода учта тарона машҳур. Бу шўбалар орасида учтаси Наср дейилган шўбалар бўлиб, улар Насри Сегоҳ, Наврузи Хоро ва Наврузи Аҳам номлари билан машҳур. Бу ерда "Хоро" сузи арабларда тоғли тоғли жой, Аҳам ибораси эса, араблардан бовқа Шарқ халқларининг ифодасидир.

Ашула бўлими Сарахбори Сегоҳ шўбаси билан бошланади. саккиз байт шеър билан ўқиладиган ун олтига куй жумлаларидан таркиб топади.

Сарахбори Сегоҳ чолғу муқаддима билан бошланади. Унинг биринчи хати - даромад, иккинчи хати - Урта пардаларда ихро этиладиган Миёнахат бўлиб, газалдаги сузларга тааллуқли бўлмаган "О - О" каби ундов ҳарфлар билан айтиладиган оҳанглар воситасида туширилади. Сарахбори Сегоҳнинг учинчи ва туртинчи хати Даромад ва Миёнахатнинг ёқори пардаларида тақрорланадиган Дунаسر қисмидир. Бешинчи олтинчи ва еттинчи хатлар Наво намуди ва охириги саккизинчи хат эса, оҳанглар билан бирга айтиладиган туширим

қисиларидан иборат.

Бу ашула йули "Музореи мусаммани аҳраби макфуфи максур" дейилган вазндаги шеърлар билан ўқилади.

Бағримни тиғи ҳажр ила өз пора қилдилар.

То ёр куйидин мани оввора қилдилар.

Сарахбори Сегоҳнинг биринчи таронаси Таржеи Сегоҳнинг доира усулини тезроқ суръатда ижро этиладиган хили бўлиб, $\frac{4}{4}$ такт ўлчовида ижро этилади. Унинг иккинчи, учинчи, бешинчи, олтинчи тароналари $\frac{3}{4}$ такт ўлчовида, туртинчиси $\frac{13}{4}$, охиригиси уч чорак ва тўрт чорак такт ўлчовидаги мураккаб доира усулида ижро этилади. Уларнинг куй мавзуи турлича бўлиб, мафтункор, оҳангдор ашула йулларидан иборат.

Шуниси қизиқарлики, Сарахбори Сегоҳ тароналари вариантлар сифатида эмас балки ўзига хос янграйди, ҳамда мураккаб шаклдаги Сарахбори Сегоҳнинг ижросидан кейин, унга ҳусн ва малоҳат бағишлайди.

Сарахбора Сегоҳнинг охириги, еттинчи таронаси Супориш деб ҳам аталади ва туркумдаги кейинги шўба – Талқини Сегоҳ доира усулида ижро этилади. Бу эса, Сегоҳнинг Сарахбори ва Талқин шўбаларини бирин – кетин, узлуксиз яхлит ижро этилишини таъминлайди. Сарахбори Сегоҳга Талқини Сегоҳ шўбаси улашиб кетади. Талқини Сегоҳ, Насри Сегоҳ шўбаси ва Уфари Сегоҳ қисми билан ҳам оҳанг бўлиб, улардан бирортаси эсда олиб қолинса, қолганларининг куй тузилишини ажратиб олиш мумкин. Уларнинг куй тузилиши халқ орасида машҳур бўлган "Фигон" ашуласини эслатади, "Фигоннинг" авжида Авжи Турк фойдаланиб, ихчамлаштирилиб олинган:

Талқини Сегоҳ, Насри Сегоҳ ва Уфари Сегоҳ турли доира усулларида ижро этиладиган маълум куй қуринишлари бўлиб, бу ашула йуллари Сегоҳнинг асосий лад – тоналлигига кура кварта даражасида ошанд пардаларда ижро этилсада, туркум тарзида ижро этилиш жараёнида ҳеч сезилмайди.

Талқини Сегоҳ чолғу муқаддима билан бошланади. Унинг биринчи ва иккинчи хатлари бир-бирининг маълум қуриниши бўлган сархат, учинчи ва туртинчи хатлар Баёт оҳангларига ухшаб ишланган. Урта пардаларда ижро этиладиган Миёнхат, бешинчи хати – Наво намуди, олтинчи хати ва еттинчи хати Ораз намуди, саккизинчи хати миёнхатнинг такрори ҳамда охириги хат Фурувард қисмидан иборат. Бу ашула йули ўзига хос бетакрор ашула йулдир, купрок Хусайний Наво оҳангларини эслатади. Талқини Сегоҳ ҳам "Рамали

мусаммани маҳзуф" вазнидаги шеърлар билан ижро этилади.

Эи сочинг занжирининг ақлу хирад девонаси,
Қиссаси "Дайлию Мажнун" камтарин афсонаси.

Талқини Сегоҳнинг таронаси Наср доира усулида ижро этилиб кейинги Насри Сегоҳ шўбасига уловчи вазифасини бажарувчи супориш ҳамдир. Унинг беш оҳанглари ҳам бешқа Сегоҳ йулларига ухшайди.

Насри Сегоҳ Наср доира усулидаги шўбалардан бўлиб, Талқини Сегоҳ билан ҳамоҳангдир. Лекин бу шўба наср усулида бутунлай ангинача оҳанг ва мазмун, ёксак бадиий таъсир кучи касб этади. Унинг авжида Наво ва Ораз намудлари учрайди. Насри Сегоҳ "Қазаки мусаммани солим" - дейилган вазнидаги разаллар билан ижро этилади:

Шароби ноб то бази ичра рухсорингми ол этмиш,
Ўйжолат барги гулни поймоли ифисол этмиш.

Насри Сегоҳнинг таронаси унинг 3. 4 такт ўлчовидаги қурийи ширатида гадаланади. Авжида тароналарида кам ишлатиладиган Наво намуди фойдаланилган. Сегоҳ мақоми наср шўбаларида бири Наврузи лоро - деб номланади, унинг оҳанглари Рост мақомидаги Наврузи Сабога ухшайди. У фақат Сегоҳ мақоми лади ва қуй йулларига мослаштириб олинган. Наврузи Хоро ўқилгандан кейин унинг учта таронаси айтилади ва Наврузи Аҳам шўбасига уланиб кетади. Шунинг алоҳида айтиш керакки, Наврузи Хоро, Наврузи Аҳам, Наврузи Сабо - номли шўбаларнинг ҳаммаси узоқ ўтмишда уи икки мақом тизимига кирган шўбалар номи эди. Наврузи Аҳам шўбасининг қуй мавзуи, тузилми бунча бешқа шўбалардан бутунлай фарқ этади. Унинг авжида Турк авжи фойдаланилган. Наврузи Аҳам ўғарга тарона воқитаси билан уланиб кетади. Наврузи Аҳам таронасининг садолари Хоразмда машҳур "Хуш келдингиз" ашуласи оҳангларига ухшайди. Фақат унинг доира усули 3. 4 ва 4/4 такт ўлчовида ижро этилади ва супориш орқали ўғари Сегоҳга уланиб кетади.

Шундай қилиб, Сегоҳнинг биринчи гуруҳ шўбалари Сарахбори Сегоҳ билан боғланиб, унинг етти таронаси ўқилиб, супориш орқали Талқини Сегоҳга ўтилади. Талқини Сегоҳ Супориш билан Насри Сегоҳга уланиб кетади. Унинг таронаси айтилгандан сунг, Наврузи Хоро ва унинг учта таронаси ва супориши ижро этилиб, Наврузи Аҳам ва унинг таронасига ўтилади. Сегоҳ мақомининг туркуми ўғари Сегоҳ ва охири супориш билан якулланади. Сегоҳ мақоми йуллари асосида жуда кўп халқ қуйлари ва ашула йуллари яратилган бўлиб,

якка созларда, халқ чолгу дасталари, ашулачилар дасталари тамонидан мароқ билан ижро этилади.

Сегоҳ йулларининг машҳурлиғи шундан ҳам билиш мумкинки, уларнинг оҳанглари ўзбек халқ куй ва ашула йулларида авж сифатида куплаб фойдаланилган. Бу авж Сегоҳ намуди номи билан яритилади.

СЕГОҲнинг иккинчи гуруҳ шўбалари Муғулчаи Сегоҳ ва Сегоҳ оҳанглари асосида яратилган куй ва ашулалардан иборат.

Муғулчаи Сегоҳ ўз оҳанглари, куй тузилиши ва ҳаракати жиҳатидан Сегоҳ йуллари садоларига асосланган бўлсада, узига хос янграйди. Муғулчаи Сегоҳ ўз шохобчалари билан бошқа мақомлардаги муғулчалардан фарқ этади. Унинг таркибида Талқинча, Қашқарча, Соқийнома ва Уфар йулларида ташқари Чапандоз доира усуллари ижро этиладиган Нимчупоний дейилган шохобчаси ҳам бор.

Муғулчаи Сегоҳнинг асосий қисми кишида кайфият бахш этувчи узига хос оҳанглardan иборат. Уни машҳур мақомдон ҳофиз Домла Ҳалим Ибодов юксак маҳорат билан ижро этган. Муғулчаи Сегоҳнинг асосий йули мураккаб ашула жумлаларидан таркиб топган. Чолгу муқаддима билан бошланади. Муғулчаи Сегоҳнинг бир байт шеър билан айтиладиган биринчи хати – Даромад, иккинчи ва учинчи хатлари урта пардаларда ижро этиладиган – Миёнхат, тўртинчи ва бешинчи хатлари Сегоҳ намуди, олтинчи хати – Миёнхатнинг такрори, олтинчи ва саккизинчи хатлари Турк авжи, охириги хати эса туширим қисмларида ташкил топган. Муғулчаларнинг доира усули беш чорак такт улчовида эканини юқорида эслатган эдик. Уларда айтиладиган шеър "Рама-ли мусаммани маҳзуф" – улчовида бўлиб, сунги йилларда Навоий ра-зали билан ўқилиб келинмоқда.

Кунглим олғач ул пари мажнуни шайдо қилдило,
Ақлу ҳушумни жунун даштида яғмо қилдило.

Муғулчаи Сегоҳнинг асосий йули тингланганда чуқур севги ноласи, оҳу дигон, айрилиқ, ҳижронни тасаввур эттирувчи кайфиятлар юзага келади. Бундай кайфият фақат Сегоҳ мақомига хос ладтоналлик хусусиятларига боғлиқ бўлмай, ашула йулини ташкил этган куй тузилмалари оҳанглариининг мазмунига ҳам боғлиқ. Шу боисдан ўтмишда бастакорларимиз Сегоҳ йулларидан саҳна асарларида кучли драматик ҳолатларни акс эттирувчи ариялар, мусиқавий ифодалар сифатида фойдаланганлар. Мазкур Муғулчаи Сегоҳ эса "Муқанна" мусиқали драмасида трио сифатида халқ бошига тушган мудҳиш аҳволни тулақонли акс эттирган. Муғулчаи Сегоҳ шохобчалари Талқин-

-чаи Мурулчаи Сегоҳ, Нимчупоний, Қашқарча, Соқийнома ва Уфорлари жуда пухта яратилган. Мазкур шохобчалар Мурулчаи Сегоҳнинг асосий куй тузилмалари негизида юзага келганлиги яққол сезилиб турса-да уларни Мурулчаи Сегоҳнинг талқинча қисми, асосий лад - тонал-ликийнинг олтинчи пардасидан ашуланинг асосий йўлидаги каби ривож-лана боради. Талқинчаи Мурулчаи Сегоҳ чолғу муқаддима билан бош-ланади. Унинг бошланишидаги бир байт шеър билан ўқиладиган қисми - даромад кейинги хати - Миёнхат, учинчи ва тўртинчи хати Сегоҳ намуди бўлиб, бешинчиси - Миёнхат оҳанглари билан тоникага яъни куй бошланишидаги пардага қайтиб тушади. Олтинчи ва еттинчи хат-лар Турк авжи, кейинги хати Сегоҳ йўлларига оҳангдош янграйди. Мурулчаи Сегоҳнинг талқинчаси яна урта пардаларда ихро этиладиган миёнхат воситаси билан туширим қисмига уланиб, шу билан ашула йўли тугалланади. У уч чорак ва уч нимчорак такт улчовидаги му-раккаб доира усулида "Қомили мусаммани солим" - дейилган шеър вазнида ихро этилади:

Не ажаб шикаста қўнғил иши туму куй фиғон ила ноладур,
Ки не ғам томи ки фалак отар, анга лаҳза-лаҳза ҳаволадур.

Бу ашула йўли халқ орасида жуда ҳам машҳур бўлиб, Тошкент ва Фарғона vodiysida "Қаримқулбеги иккинчи" деб номланиб келинган. "Дашмақомида" эса "Қаримқулбеги" аксинча, Мурулчаи Сегоҳнинг талқин-часи кетидан уланиб айтилади. Бу иккала шохобча чолғу йўллари си-фатида ҳам машҳур бўлган. Аниқса тамбурда баъзи узгарилар билан махсус ихро этилади.

Мурулчаи Сегоҳнинг Нимчупоний шўбаси ҳақида ҳам шуни айтиш мумкин. Нимчупоний тузилиши Мурулчаи Сегоҳ талқинчаси каби бўлсада, у Сегоҳнинг бош пардасидан бошланади. Унинг авж-ида ҳам Сегоҳ намуди ва Турк авжи фойдаланилган. Нимчупоний халқ орасида Қаримқулбеги - деб номланади. Қаримқулбеги XIX асрнинг иккинчи ярми ва асримиз бошларида яшаган машҳур хонанда ва баста-кор эди. У Нимчупонийнинг ихро этибгина қолмай, унинг янги талқини-ни яратган эди. Шуни алоҳида таъкидлаб ўтиш керакки, Нимчупоний-нинг маълум қўрилишида Сегоҳ намуди сақлангани ҳолда, унинг авж-ида Турк авжи ўрнига Ўшшоқ намуди фойдаланилган. Лекин бу ҳол ашула мазмунига ҳеч қандай зарар етказмайди.

Нимчупоний ўзининг оҳангдор, жозибадор ҳамда ифода вос-с-таларига бой бўлгани учун йирик хонандалар ихрочилигида кенг ўр-ин эгаллаб келган. Ёнус Ражабий "Фарҳод ва Ширин" мусиқади драм-масида дуэт сифатида фойдаланган. Мухтор Ашрафийнинг "Дилором"

операида эса бу ашула йули Моний арияси сифатида янграйди. Бу арияда Нимчупонийдаги Сегоҳ намуди тушириб, Турк авжи сақлаб қолдирилган.

Шуниси қизиқки, мазкур мусиқали драма ва операда бу ашула йули мазмунан бутунлай ухшамайдиган шазаллар билан айтилади. Лекин, иккала ҳолда ҳам вазиятни ва воқеликни аҳо эътира беради.

Муғулчаи Сегоҳнинг қашқарча ва соқийномаси, Нимчупоний шохобчалари Сегоҳнинг турли доира усулларидаги вариантлари бўлиб, машҳур ашула йулларидандир. Улар чолғу муқаддима билан бошланади. Ашула таркибидаги қисмлари ҳам бир хил. Муғулчаи Сегоҳнинг соқийномаси узига хос жозибали, оҳангларга жуда ҳам бой. Бу соқийнома йули Даромад қисми билан бошланади. Иккинчи хат урта пардаларда айтиладиган миёнхат, учинчиси - куй бошланган ҳулаларининг такрорий қисми бўлиш Дунаер, туртинчиси ва бешинчиси - Сегоҳ намуди олтинчи хати - Турк авжи, еттинчи хати - Дунаернинг такрори, охири хат туширим қисмларидаги иборат. Муғулчаи Сегоҳ соқийномаси шу номли бошқа шохобчалардан фарқли улароқ, "Қомили мусаммани солим" дейилган вазндаги шеърлар билан ижро этилади:

Санамо, ғамингда ёқиб фалакни фирону нолау - оҳимиз,
Дили саҳтинга асар этмади, нечук эрди бахти сиёҳимиз.

Муғулчаи Сегоҳнинг соқийномаси созанда ва хонандалар орасида жуда ҳам машҳур. Бу ашула чолғу куйи сифатида қўлаб ижро этилади ҳамда созандалар орасида Насри Сегоҳ - деб ҳам яритилади. Бу турри эмас албатта. Чунки, "Сегоҳ" нақони таркибида махсус Насри Сегоҳ шўъбаси мавжуд. Мазкур соқийноманинг чолғу йулида дунаер ва Сегоҳ намуллари сақлангани ҳолда Турк авжи тушириб қолдирилган. Баастакорларимиз Муғулчаи Сегоҳ соқийномаси асосида Мушкулоти Сегоҳ дейилган махсус куй яратганлар. Унинг куй тўзлиши эса бутунлай сақлангани ҳолда, Сарахбор доира усулида ижро этилади. Мушкулоти Сегоҳни қашқарча доира усулида ҳам бирдек ижро этиш мумкин. Илгари вақтларда бу куй яққа созларда ва баъзан кичик чолғу дасталар тамонидан чалиниб келинган.

Муғулчаи Сегоҳнинг охириги шохобчаси унинг Уфар қисмидир. Уфари Муғулчаи Сегоҳ узига хос нодир ашула йулларидан бўлиб, шухчан янграйди. Уни тинглар эканимиз, ошиқ - машуқаларнинг савол жавобларини эслатади ва кишида яксак лирик кайфиятлар қўзғатади. Бу Уфар йули кичик чолғу муқаддимаси билан бошланади. Унинг биринчи ва иккинчи хатлари - Даромад, учинчи ва туртинчи хатлари Урта пардалардаги Миёнхат, бешинчи ва олтинчи хатлари -

Дунаор қисми, еттинчи ва саккизинчи хатлар Сегоҳ намуди, охириги хат - туширим қисмларидаи ташкил топган. Уфари мурулчаи Сегоҳ "Ҳазахи мусаддаси ахраби мақбузи мақсур" - дейилган вазндаги шеърлар билан ихро этилади:

Эй лутфи каму мафоси чух ёр,
То чанд чекай гамингда озор!
Йукдур кечалар кўзимда уйқу,
То субҳ улиб гамингда бедор.

Шундан қилиб, Мурулчаи Сегоҳ шохобчаларининг қуй мавзудари бир-биридан амчагина фарқланади. Бу эса уларнинг туркум тарзида ихро этилганда ашулаларнинг ранг-баранглигини таъминлайди. Мурулчаи Сегоҳ шохобчалари ҳаммининг ички ҳаракатида асосий лад - тоналлика нисбатан, парда узгарилари /модуляция/ рўй бериб турадиган ҳоллар тез-тез учраб туради ва ашула кўлларининг мафтунок чиқишини, жозибадорлигини таъминлайди.

Қисқаси, "Сегоҳ" нинг чоғу қисмлари жуда ҳам ашула қисмлари ҳам жуда таъсирли ва ёқимли мусиқа асарларидандир. Улар халқимиз орасида машҳур бўлиб кетганлиги бу фикрни яна бир бор тасдиқлайди. Сунгги йилларда Сегоҳ оҳанглари асосида купгина янги қуй ва ашула кўллари яратилган эди.

Бу уринда "Гиря" /биринчи ва иккинчи/ ашуласини эслатиб ўтишга тўғри келади. "Гиря" ашуласи Сегоҳ оҳанглариининг Чапандоз домра уюларидаги варианти бўлиб, кичикроқ шаклдаги ашула кўлларидандир. Унинг ажида намудлар тушириб қолдирилган. "Гиря бир" муҳаммас шаклидаги шеърлар билан айтилади.

Унга "Ҳазахи мусаммаси солим" - дейилган вазндаги шеърлар мос келади:

Ўзингни курсатиб аввал ўзингга бандалар қилдинг,
Яна қўнглим олиб из номи бирла хандалар қилдинг.

Гиря иккинчининг қуй тузилиши, биринчидан фарқ қилади ва ҳадалароқ суръатда ихро этилади. Гиря ашула кўллари Мулла Тўйчи Тошмухаммедов, Нораҳим Шоумаров, Бобоқул Ҳайруллаев каби машҳур ҳофизлар репертуарида кенг ўрин тутган. Булардан ташқари "Фирон", "Сувора", "Гулдўрри" каби аjoyиб ашула кўллари ҳам Сегоҳ садоларига асосланган.

Сегоҳ кўллари заминда жуда қўн чоғу кўллари, махсус сурнада, чалинадиган куйлар ҳам яратилган эди.

Мушкилоти Сегоҳ ва унинг Уфари, Патнисаки Сегоҳ, Сайқал, Наврузи Ажам, Ажам ва унинг тароналари, Уфари Ажам шу кунгача созадаларимиз репертуаридан катта урин эгаллаб келмоқда. Улар композиторларимиз ижодида ҳам кенг фойдаланишда бўлиб, халқ чолғу оркестри ва симфоник оркестрларга мослаб қайта басталанган. Сегоҳ йуллари Хоразиди ҳам кенг тарқалган.: "Норим - Норим", куйи "Феруз" ашуласи, аиниқса "Эшвой" қушиги узининг оҳанглари жиҳатидан Сегоҳ йулларининг узгача қўринишидир.

Шундай қилиб, Сегоҳ мақомининг чолғу қисмлари ва ашула йуллари ҳамда улар асосида язага келган намуналар ҳам узининг бадий - эстетик қиммати билан мусиқа меросимизда сезиларли урин эгаллайди. Сегоҳнинг қисм ва шўбаларидан мусиқали драмаларда, операларда ва халқ чолғу ва симфоник оркестрларида концерт репертуарларида кенг фойдаланилмоқда.

И Р О Қ М А Қ О М И .

Ироқ мақоми ҳам жуда қадим замонлардан машҳур бўлиб келган мақомлардан бўлиб, у ҳақидаги маълумотлар тахминан бундан минг йил муқаддам ёзилган, мусиқамизнинг ёзма намуналарида тилга олинган. Урта Осиё халқлари мусиқа маданияти тараққиёти жараёнида Ироқ мақоми лад қўрилмаси ва унга мос куй ва ашула йуллари бир неча бор узгартишларга учраганлиги табиийдир, албатта. "Шашмақом" таркибидаги Ироқ мақоми эса, мазкур мақомнинг асрлар оша такомиллаштирилиб, ривожлантирилиши натижасида язага келган эди.

"Ироқ" ибораси Шарқда машҳур бўлган араб мамлакати ва унга нисбатан берилган мақом номидир. Шарқ халқлари мусиқа асарлари, хусусан кўпчилик мақом йуллари машҳур мамлакатлар, шаҳар ва вождийлар, турли халқлар ҳамда бастакорлар номи билан аталиб келинган. Масалан: Хижоз; Исфаҳон; Чули Ироқ, Чули Курд, Баёт, Ажам, Мурулча, Қашқарча, Хисор, Зовулий, Хусайний, Насруллоий, Исломихон, Ораз, Калон, Ҳожиҳўжа, Мирзаҳаким каби номлар шулар жумласидан. "Ироқ" мақоми йуллари мусулмон Шарқи халқлари мусиқасида машҳур мақомлардан бири бўлиб, турли халқларда бир-бирига ҳеч ухшамайди ва ҳар бир халқнинг узига хос мусиқа оҳанглари асосида язага келган. Шашмақомдаги Ироқ мақоми эса, ўзбек ва тожик халқлари мусиқасининг куй тузилиши хусусиятлари, лад-тоналлиги, ҳамда вазн асослари билан чамбарчас боғлиқдир. Унинг таянч пардалари I, IV, V, VI чи босқичлардир:



"Ироқ" мақоми ҳам чолғу ва ашула буюмларидан таркиб топган. Унинг чолғу буюмида Таснифи Ироқ, Таржеи Ироқ, Мухаммаси Ироқ, Сақили Ироқ I, 2, Сақили Калон дейилган куй йуллари мавжуд.

Таснифи Ироқ мазкур мақомнинг беш куй мавзуи сифатида унинг оҳанглари ва ички характериини тулиқ акс эттиради, ҳамда машҳур Ироқ сурнай йуллариини ҳам эслатади. Ироқнинг Тасниф йули ҳам хиҳатидаи аича кенг, саккизта хона ва бозғудан иборат. Унинг иккинчи қисми – Таржеи Ироқ Таснифи Ироққа нисбатан бир октава ёқори пардалардан бошланиб куй мавзуи бутунлай бошқа оҳанглардан ташкил топган. Ироқ мақомида Гардун қисми умуман учрамайди. Шу сабабли, Таржеи Ироқдан сунг оёвосита Мухаммаси Ироққа ўтилади. Ироқ мақоми таркибида учта Сақил йуллари бўлиб, уларнинг куй мавзун турлича, бетакрор оҳанглардан таркиб топган. "Ироқ"нинг чолғу йуллари орасида айниқса Мухаммаси Ироқ ёқими, таъсирчан ва қозибдор янграйди, кишида нозик ҳис туйғулар уйғотиб, уни чуқур ҳаёлот оғушига етаклайди. Айниқса унинг бозғу қисми ажойиб оҳангдор хоналардан кейин орзу умид, келахакка ишонч туйғуларини уйғотади.

Ироқ мақомининг Тасниф, Тарже, Мухаммас ва Сақил йуллари яхлит ҳолда бирин – кетин ижро этилгандан кейин, унинг ашула буюм шўбаларига ўтилади. Улар Сарахбори Ироқ, Мухайяри Ироқ, Чамбари Ироқ ва Уфари Ироқ – деб номланади. Бу ашула йуллари орасида Мухайяри Ироқ "наسر" усулидаги шўба бўлиб, Чамбари Ироқ "талқин" доира усулида ижро этилади. "Ироқ" мақоми шўбалари "Шашмақом"даги бошқа мақомларга нисбатан анчагина кам бўлиб, бунга тегишли сабаблар ҳам бор албатта.

Биринчидан Ироқнинг Сарахбори оҳанглари асосида яратилган Бухоро Ироқи Бузрук мақоми иккинчи гуруҳ шўбаси сифатида фойдаланилган эди. "Ироқ"да иккинчи гуруҳ шўбалари учрамайди. Баъзи мақомдонларнинг айтишларича, "Ироқ" мақоми шўбаларининг куй тузилиши ва ижро этилиш услуби мураккаб бўлгани учун қўпчилик хоналар ижро эта олмаганлар. Шу сабабли унинг шўбалари тулиқ мақомида бизга етиб келмаган, иккинчи гуруҳ шўбалари эса умуман яратилмай қолган. Лекин профессор Фитратнинг ёзишича, машҳур Бухоролик мақомдон ҳофиз Ота Малол Мухайяри Ироқ асосида беш қисмли Савт шўбасини яратган ва "Савти Малолий" – деб номлаган, унинг Талқинча, Қашқарча, Соқинома, Уфар шохобчалари бўлган. Ироқ мақоми туркуми

чолғу ва ашула йуллари орасида севилиб ижро этилиб келган.

Ироқнинг ашула йуллари туркуми Сарахбори Ироқ билан белгиланади. Бу ашула йуlining куй тузилиши жуда ҳам мураккаб. Аввало у кичик октаванинг "ля" пардасидан бошланиб, иккиярим октавагача яъни учинчи октаванинг "ре" пардасигача кутарилади. Бу мақом йуlining диапозони эса купчилик эркак хонандалар овози учун баландлик қилади.

Шунинг учун ҳозирда ансамблларда ашуланинг баланд қисмини хотин-қизлар ижро этиб тўлдирадилар. Ўтмишда овоз қўлаи кенг хонандаларгина Сарахбори Ироқни ижро эта олардилар. / Мн: Ота Малол, Домла Ҳалим, Левича каби атоқли мақомдон устозлар./

Сарахбори Ироқ, Ироқ шўбаларининг бош мавзуи булиб, чолғу муқаддима ва икки хатдан, яъни икки байт шўр билан айтиладиган ашула жумлалари билан бошланади. Сарахбори Ироқнинг учинчи хати урта пардаларда айтиладиган Миёнхат, тўртинчи ва бешинчи хатлар Зебо пари авжи, олтинчи ва еттинчи хатлар – Мухайяри Чоргоҳ намуди, охириги хат туширим қисиларидан иборат. Бу ашула йуlining ҳар бир хати шўр матнисиз айтиладиган оҳанглар билан якунланиб боради. Сарахбори Ироқ "Мужтаси мусаммани махбун Махзўф" – дейилган вазндаги ғазаллар билан ижро этилади. Унга Навоийнинг қуйидаги шўри мос келади:

Сиришми қонин аёғинг учун хино қилайин,

Қабул/и/ тушса қароғим эзиб қаро қилайин.

Сарахбори Ироқ халқимиз орасида Ироқ номи билан машҳур ҳамма куй ашулаларининг асоси булиб хизмат этган.

Сарахбори Ироқ ўқилгандан сўнг унинг олтита таронаси бирин-кетин ижро этилади. Унинг биринчи ва иккинчи тароналари ун уч чорак такт улчовидаги доира усулида ижро этилади. Қолган тўртта таронаси эса уч чорак такт улчовидаги усулда, Супориш эса Наср доира усулида ижро этилади. Унинг тароналарида лад – тоналикнинг узгарishi, /модуляция ҳоллари/ тез-тез содир булиб туради. Бу эса ашула йулларининг турли-туманлиги ва ранг-баранг янграшини таъминлайди. Шуниси эътиборга сазоворки, Сарахбори Ироқ тароналарида Зебо парига ўхшаш кичик авжлар фойдаланилган. Тўртинчи ва олтинчи тароналарда Мухайяри Чоргоҳ намудига ўхшаш авжлар учрайди. Тароналарга айтиладиган шўрлар ҳам ранг-баранг, турли вазнлардадир. Бундай булиш ҳам Сарахбори Ироқнинг тароналарига мазмундорлик ва бадий эстетик куч бахш этади.

Сарахбори Ироқ, тароналари билан биргаликда ижро этилгандан сунг Мухайяри Ироқ шўъбасига утилади. Мухайяри Ироқ бу мақомнинг Наср – дейилган шўъбаси бўлиб, Мухайяри Чоргоҳ намудининг турли баладликларда такрор ижро этиладиган вариантдир. Мухайяр "таълаб олинган" деган маънони билдиради. Шунинг алоҳида айтиш керакки, Мухайяри Чоргоҳ намуди – Мухайяри Ироқ асосида яратилган, дейилса уринли бўлади. Мухайяри Ироқ Дугоҳ мақоми ладиға мос бўлиб, унинг Чоргоҳ шўъбаси билан ҳам оҳангдош янграйди. Шунинг учун унинг асосида яратилган мазкур намуд "Мухайяри Чоргоҳ" деб атаган бўлса керак. Мухайяри Ироқ мунгли, дардли, таъсирчан янграйди. Мухайяри Ироқда Мухайяри Чоргоҳ намудининг бошланиш ашула жумлалари иқори пардаларда такрорланадиган дунаер тарзида келади ва у анча кенгайтириб ишланган. Унга "Қазажи мусамман солими" – дейилган улчовдаги ғазаллар мос келади:

Ниҳоли сарвдур қаддинг, қошинг нун ул ниҳол узра,
Мисоли нуқтаи нун, ҳодинг ул мушкин ҳилол узра.

Мухайяри Ироқ ижросидан кейин унинг тўртта таронаси ва супориши ўқилади. Унинг биринчи, учинчи ва тўртинчи тароналари уч чорак, иккинчи таронаси 13 чорак такт улчовидаги доира усулида ижро этилади. Мухайяри Ироқнинг биринчи таронаси Тошкент ва Фарғонада машҳур бўлган Чоргоҳ иккинчининг худди ўзи. Лекин Мухайяри Ироқ таронаси авжида Мухайяри Чоргоҳ намуди киритилган. Иккинчи тарона ҳам Чоргоҳ нуллариини эслатади. Учинчи ва тўртинчи тароналарнинг куй мавзуи бутунлай бошқа ва бетакрор оҳанглардан иборат. Мухайяри Ироқнинг супориши Сарахбори Ироқ куй жумлаларидан иборатдир.

Ироқ мақомининг яна бир шўъбаси Чамбари Ироқ деб номланиб, биргина ашула нулидан иборат. Чамбари Ироқнинг тинглаб кўрилса, Тошкент ва Фарғона водийсида машҳур бўлган Сувора ашула сини эслатади. Аммо Чамбари Ироқ, талқинча доира усулида яратилган. Онус Ражабий "Шашмақомнинг" олтинчи жиддида унинг Савт усулидаги намунасини келтиради. Ҳар ҳолда, Чамбари Ироқ иккинчи гуруҳ шўъбаларидан бўлиб, дастлаб беш қисми ашулалар туркуми бўлгани эҳтимолдан холи эмас. Мазкур Мухайяри Ироқ эса унинг талқинчаси бўлиши мумкин. Бухоро Ироғининг Талқинча, Ўшқарча, Соқийнома ва Уфар қисмлари Чамбари Ироқ оҳанглари ўхшаш. Бироқ уларда Зебо пари авжидан сунг Турк авжи киритилган. Чамбари Ироқ чоғу муқаддима билан бошланади. Унинг биринчи хати – Даромад, иккинчи

ва учинчи хатлар - урта пардаларда ижро этиладиган Миёҳат жумлалари, туртинчи хат - Зебо пари авжи, бешинчи, еттинчи хатлар Миёҳатнинг янгилашиши, охири хати эса туширим қисмларидан иборат. Унга "Қомили мусаммани солим" - дейилган вазндаги шеърлар ўқилади:

Не жафоки, ийгласам олдида, мани хаста арзи ниёз этиб,
Ситам устига қиладур ситам неча қотило уза ноз этиб.

Ироқ мақомининг Уфари Мухайяри Ироқ билан оҳангдош ва унинг уфар доира усулидаги қурилишидир. Лекин унинг авжи жуда ҳам қисқартириб ёборилган.

Шундай қилиб Ироқ мақоми туркуми бошқа мақомларга нисбатан анчагина ихчам, унинг таркибида Сарахбор ва биттагина Наср шўбаси ҳисобланган Мухайяри Ироқ мавжуд. Унда "талқин" ёки "чапандоз" йуллари умуман учрамайди. Ироқда иккинчи гуруҳга кирадиган "Савт" ва "Муғулча" тарзидаги шўбалар ҳам йўқ. Бу мақом йуллари бунчалик ихчамлигининг сабаби, унинг баъзи шўба ва қисмларининг бизгача бизгача етиб келмаганлигида бўлса керак. Лекин Ироқ йуллари асосида жуда кўп қуй ва ашулалар яратилган. Масалан, Чули Ироқ, Уфари Мушкулоти Ироқ. Тошкент Ироғи, Бозургоний, Сурнай Ироғи ва бошқаларни кўрсатиб ўтиш мумкин.

Бу уринда Тошкент Ироғини олиб қараймиз. Тошкент Ироғи Бухоро Ироғидаги шеър матнисиз айтиладиган оҳанглар билан бошланади. Кейинги хатлар эса, Мухайяри Ироқнинг оҳанглари такроридан иборат. Баъзи авж қисмидаги жумлалар орасида ёқимли ва жозибали чолғу нақорати бир неча бор такрорланади. Тошкент Ироғи мухаммас шаклидаги "Ҳазажи мусаммани солим" вазнидаги ғазаллар билан ўқилади.

Ироқ мақоми асосида яратилган чолғу йуллари ҳам узига хос оҳангларга бой, чуқур ҳиссий таъсир кучига эга. Уларда Сарахбори Ироқнинг қуй тузилиши, ҳаракат йули яққол сезилади. Аниқроқ сурнай ва қўшнаи Ироқ йуллари жозибадор эшитилади.

Шундай қилиб Ироқнинг чолғу йуллари ижро этилиб, унинг Сарахбори ва Наср шўбалари тароналари билан ўқилгандан сўнг Уфар қисми ва Супориш билан туркум тугалланади.

Х О Р А З М М А Қ О М Л А Р И .

Матрсуф Хорратовнинг айтишича, Хоразм мақомлари Шашмақомнинг худди узидир. XIX аср бошларида Хоразмлик созанда ва бастакор Ниёзжон Хужа Бухорога бориб шашмақомни урга-иб келади ва Хоразмга олиб келиб тарқатади. Бинобарин Хоразмда мақомларнинг кенг ёйилиши учун қулай замин мавжуд эди. Бу ўлкада жуда қадимий мусиқа анъаналари ва мақом ижрочилигида бой тажрибага эга бўлган жуда кўп созанда, хонанда ва бастакорлар яшаб ижод этиб келганлар. Ал - Хоразмий /X аср/, Абул Вафойи Хоразмий, XV аср, каби унлаб олимлarning мусиқа рисолаларида мақомлар назарий жиҳатдан асослаб берилган эди.

Умуман, мақомларнинг тарихий тараққиётига Хоразмлик мусиқачилар ҳам салмоқли улуш қўшганлар.

Шашмақом Хоразм шароитига мосланиб олинди ва жуда катта узгартишларга учради. Хоразмлик машҳур бастакорлар Ниёзжон Хужа, Феруз, Комил, Муҳаммадрасул Мирзо ва бошқалар мақомларга янги чолғу қисмлар басталаб мақомларни шаклан ва мазмунан бойитдилар. Тасниф қисмлари ўрнига ҳар бир мақом номи билан аталадиган чолғу йуллари яратдилар. Мақом йулларининг қуй тузилишида ҳам жиддий узгаришлар содир бўлди. Улар кенгайтирилиб ёки қисқартирилиб қайта ишланди. Лекин, Шашмақом оҳанглари асосан сақланиб қолди. Хоразм мақомларининг чолғу йуллари кейинги йилларда жуда кам ижро этилган бўлиб, магнит ёзувлари ҳам саноқли даражададир. Шунинг учун бу ерда улар ҳақида муфассал тўхталиб ўтирмаймиз. Хоразм мақомлари чолғу қисмларидан умумий тасаввур олиш учун Бухоро мақом чолғу йулларига мурожаат этиш кифоя. Улар орасида баъзи тафовутлар бор ҳалос. /Масалан чолғу бўлимларида, Шашмақомдаги таснифлар ўрнига мақомлар номи билан аталадиган ва Сарахборларга оҳангдош шўба ва уфрлар киритилган. Чолғу қисмларининг қуй тузилиши эса асосан сақланиб қолingan ва Хоразмча мусиқий услубда ижро этилади/.

Хоразм мақомлари ашула бўлимлари таркибидаги шўбалар Шашмақом йулларининг кўп жиҳатларини асосан сақлаб қолган. Лекин, сўнгги йилларда Хоразм ашула ижрочилигидаги ўзига хос хусусиятларга боғлиқ ҳолда, баъзи ашула йуллари таниб бўлмаслик даражада ўзгариб кетган.

Хоразм мақомлари ашула бўлими шўбаларининг баъзи қисмлари бизгача етиб келмаган, баъзи тароналар унутилиб йборилган.

Куп ашула йуллари эса тарона номи билан эмас, махсус бошқа номлар билан аталади. Масалан, тарона қисмлари "Рост" мақомида, "Суво-ра" "Нақш", "Ғарёд"; Бузрукда эса - "Сайри гулшан"; Навода - "Суво-ра", "Ғарёд", "Нақш"; Дугоҳда - "Суво-ра"; Сегоҳда - "Нақш", ва "Муқаддима" деб номланади. Бу нарсa Хоразм мақомлари ашула йул-ларини "Шашмақом" шўбалари билан солиштиришда жуда катта қийин-чиликлар туғдиради. Бундан ташқари баъзи тароналар урни узгарти-рилган. Купинча Сарахборлар тароналари Наср шўбаларида ёки ак-синча фойдалана беради. Яна шуниси диққатга сазоворки, "Ироқ" мақомида ашула бўлими шўбалари умуман учрамайди ва аллақачон унутилиб ёборилган. Хатто Хоразм танбур чизигида, Матбусуф Харрат-овнинг "Хоразм мусиқий тарихчаси" китобида ҳам "Ироқ"нинг ашула бўлими шўбалари келтирилмаган. Мақомлар ашула бўлимларининг бош шўбаси бўлган сарахборлар Хоразмда мақомлар номи билан - Мақоми Рост, Мақоми Бузрук, Мақоми Наво, Мақоми Сегоҳ, Мақоми Дугоҳ, каби номланади. Худди шундай ҳолни чолғу бўлимларида ҳам учратамиз. Бунга сабаб Хоразм мақомларида чолғу ва ашула бўлимлари бош қис-ларининг куй тузилиши ва оҳанглари бир хиллигидир, яъни улар маъ-лум мусиқа асарининг чолғу ва ашула шакллари-дир. Мақомларнинг бош мавзуси бўлган биринчи шўбалардан умумий таасурот олиш учун Мақоми Дугоҳни таҳлил қилиб чиқамиз.

Мақоми Дугоҳнинг яъни Хоразмча "Сарахбори Дугоҳнинг" куй тузилиши шашмақомдаги каби оҳанглардан иборат бўлсада, биров узгартрилиб ижро этилади. "Ўзбек халқ мусикаси" сериясида босилиб чиққан олтинчи жилд бўлмиш "Хоразм мақомлари" китобида "Сарахбори Дугоҳ" - "Мақоми Дугоҳ" номи билан аталиб, ашула бошланадиган асл тоника - биринчи октаванинг "ре" пардаси урнига кичик октаванинг "ля" пардаси яъни тўрт парда пастга туширилган. Унинг биринчи хати икки марта такрорланадиган ашула жумлаларидан иборат. Ҳар бири бит-тадан байт шеърлар билан ўқиладиган иккита хати - Даромад қисми бўлиб, шеър матнисиз айтиладиган оҳанглар билан асл бошланғич пардага туширилади, учинчи хат ўрта пардаларда ижро этиладиган Миёнхат бўлиб, унинг ҳар бир ашула жумласи шеър матнисиз айтила-диган оҳанглар билан ашула бошланган пардага қайтиб тушади. Ашула-нинг тўртинчи хати - ашула бошланиш жумлаларининг юқори пардаларидаги такрори бўлмиш - "Дунаср", бешинчи ва олтинчи хатлари Мухайяри Чоргоҳ намуни, еттинчи хати - тушуриш қисмларидан иборат. Уларнинг ҳаммаси шеър сузларисиз ижро этиладиган оҳанглар билан якунланади. Хоразм мақомларидаги "Сарахбор" йуллари тахминан XIX аср-нинг охириги чорагидан бошлаб мақомлар номи билан атала бошлади.

Хоразм мақомлари шеър матилари тупламларида эса, улар Сарахбор деб қўрсатилган. Сарахборларнинг қуй оҳанглари, доира усули ва уларга айтиладиган шеър улчовлари Бухоро ва Хоразм мисолларида деярли бир хил деса бўлади.

Сарахборларнинг баъзи тароналари Хоразмда терма қилиниб ирилган. Уларга авжлар киритилиб, йирик шаклдаги ашула ҳолига келтирилган. "Сарахбори Рост"да учта тарона мавжуд бўлиб "Тарона" "Сувора", ва "Нақш" деб номланади. Унинг таронаси Шашмақомдаги "Сарахбори Рост" учинчи таронасининг ритмик вариантыдир. "Сувора" шули эса Шашмақомдаги Ростнинг учинчи, тўртинчи тароналари асосида яратилган бўлиб, Хоразмда жуда ҳам машҳур. Ҳозирда эса замон-авий мавзудаги "Ўзбекистон гуллари" ашуласи шу "Сувора" асосида яратилган. "Нақш" ашула Шули Насри Ушшоқнинг биринчи ва иккинчи таронаси бўлиб, унинг маълум қўриниши Хоразмда "Ҳануз" номи билан машҳурдир.

"Нақши Рост" шашмақомдаги шаклдан фарқ этади. Унга Хоразмлик оастакорлар "Ушшоқ" ва "Ўззол" намудларини киритганлар. "Бузрук" мақомининг тароналари – Сайри гулван, иккинчи ва учинчи тароналари ҳам Ўззол ва Мухайяри Чоргоҳ намудлари авжга киритилиб, ашула қўллари анча кенгайтирилган. Наво мақомининг биринчи таронаси Шашмақомдаги каби бўлиб, Хоразм ашула ижрочилигига мослаштирилган.

Наво мақомининг "Сувора"си Сарахбори Наво иккинчи таронасининг маълум қўринишидир. Сарахбори Дугоҳнинг тароналари асосида Хоразмда уларнинг бетақрор намунаси яратилган. Сарахбори Сегоҳнинг биринчи ва иккинчи тароналари Хоразмча мисолда анча йирик-лаштирилган. Сарахборлар ҳамма тароналарининг такт улчови, доира усули, улар бошланадиган пардалар бошқача қилиниб, олинганлиги ҳам уларнинг ўзгариб кетишига олиб келади.

Сарахборлар тароналари билан айтилгандан сўнг, Хоразм мақомларида ҳам Талқин дейилган шўбаларга ўтилади.

Мазкур "Хоразм мусиқий тарихчаси" китобида еттита талқинлар келтирилган бўлиб, Хоразм мақомлари тупламида тўрттаси берилади. Улар Талқини Рост, Талқини Бузрук, Талқини Наво, Талқини Сегоҳ – деб номланади. Қолган талқин қўллари Хоразмда унутилиб қўрилган бўлса керак.

Талқини Рост Шашмақомдаги Талқини Ушшоқнинг ўзидир. Унинг таркибида Талқини Ушшоқдаги ҳамма қисмлар мавжуд. Талқини Рост даромад қисми билан бошланади. Кейин Миёнхат, Ўззол ва Мухайяри Чоргоҳ намудлари маълум ўзгаришлар билан авж сиратида

фойдаланилиб, тушим қисми Ғуфуровард билан якунланади. Унинг доира усули ва шеър уллови Талқини Ушшоқдаги кабидир.

Бу шўба "Ғамали мусаммани маҳзўф" вазнидаги ғазаллари билан айтилади:

Гул керакмасдур менга мажлисда саҳбо бўлмаса,
Найлаин саҳбони бир гул мажлисаро бўлмаса.

Ботқа талқинлар ҳам Хоразм турида анча узғаришларга учраган. Масалан, Талқини Бузрук Талқини Уззолнинг маълум қурниши бўлиб, унинг қўп қиёфаси, таркибий қисмлари Шашмақомдаги кабидир. Уззол оҳанггининг кварта даражасидаги сакрама ҳаракати ўрнига паронама-парона ярилади. Талқини Наво - Талқини Баётнинг жуда узгартириб ёборилган йули. "Хоразм мақомлари" китобида қисқа ва нотўғри пардаларда берилган. Талқини Сегоҳ - Талқини Ушшоқ оҳангларига ўхшайди ва Шашмақомдагидан фарқ қилади. Шундай қилиб, Талқин йуллари ҳам Хоразм маҳаллий ижрочилик услубига мосланиб олинганлиги уларнинг қўп қиёфасида жиддий узғаришлар содир бўлишига олиб келган. Мазкур китобда "Рост" ва "Наво" мақомларини Талқин йуларида биттадан тарона келтирилиб, улар "Фарёд" деб номланган, Фарёд йуллари ҳам намуд авжлари билан кенгайтириб қайта басталанган.

Наср шўбаларининг баъзилари ҳам ҳозир унтилиб ёборилган. Харратов ўн бешта наср йулларини санаб ўтган. "Хоразм мақомлари" китобида эса саккизта наср шўбалари берилди. Улар "Рост" мақомида "Наврўзи Сабо", Бузрукда Насруллоҳи, Навода - Фарёд ва Орази Наво, Дугоҳда Чоргоҳ ва Баёт, Сегоҳда - Сабо, Наврўзи Хоро, Насри Аҳам деб номланади. Шунинг айтиш керакки, Наводаги Фарёд Хусайиний Дугоҳнинг узидир. Мазкур китобда Баёт негидир Наво мақоми таркибида берилмай, Дугоҳ мақомининг шўбалари тарзида келтирилган. Бундай узғаришлар Хоразм мақомларини ўрганишда қалқашликлар турдилади.

Энди Наср шўбаларидан умумий таасурот олиш учун уларнинг баъзилари билан танишиб чиқамиз.

Масалан, Насри Рост шўбаси Шашмақомдаги Насри Ушшоқнинг айни узидир. "Насри Рост" Даромад қисми билан бошланади. Кейинги хатлари - Миёнхат, Уззол ва Мухайяри Чоргоҳ намудлари ҳамда тушим қисмларидан иборат. Бу ашула йули Хоразмда "Шитоб айлаб" номи билан ҳам машҳур. У "Ҳазажи мусаммани солим" - дейилган вазнидаги шеърлар билан ижро этилади:

Тун оқшом келди кулбам сари ул гулрух шитоб айлаб,
лироми суръатидин гул уза ҳайдин гулоб айлаб.

Шуни алоҳида айтиш керакки, бу машҳур ашула йўли номаълум сабабларга қўра, "ҳоразм мақомлари" китобига киритилмаган.

Наср шўбаларидан яна бири - Насруллои, Ҳоразмда янги-ча шарҳ ва янги-ча сайқал топган. Шашмақомдаги Насруллоиға қўра, бошқача мазмун ва оҳангдорлик касб этган. Лекин унинг таркибидаги дунаسر ва авжи ҳамда Турк авжи сақлангани ҳолда кишида бутунлай янги ашула йўли билан тассурот қолдиради.

Наср йулларининг баъзиларида тароналар мавжуд бўлиб, улар "Сувора", "Нақш", "Тарона" номлари билан машҳурдир. Шуни алоҳида таъкидлаш керакки, "нақш" ибораси Темурийлар давридан бошлаб қўлланиб келинган. Лекин Бухоро мақомдонлари тамонидан унутилиб юборилган бўлсада Ҳоразмда бу ном ҳозиргача қўлланилади. Бухорода эса, нақш ашула йуллари тарона деб номлана беради. "Нақш" сузи арабча бўлиб, "безак", "сайқал" маъноларини билдиради. Бунда йирик шаклдаги ашулаларга оасталанган кичикроқ шаклдаги ашула йуллари кўзда тутилиб, улар мақом туркумларига ҳақиқатдан сайқал бўлиб хизмат қилади.

Насрларнинг тарона йуллардан яна бири суворалар ҳам нақшлар вазифасини ўтайди. Сувора ибораси тожикча отлик, чавандоз маъноларида ишлатилади. Сувора йуллари тингланса, отнинг ғириши билан отлик кишининг гавда ҳаракати кўз ўнгимизда намоён бўлади. Суворалар усули соқийнома ёки уфр доира усулларида бўлади. Ҳоразм мақомларида 13 чоракли такт ўлчовидаги доира усулида ҳам келади. Кейинги вақтларда улар сустроқ усулда ҳам ижро этилаберадиган бўлди.

Ҳозир Ҳоразмда Сувора йулларининг турли намуналари кенг тарқалган. Улар шакл жиҳатидан мақом шўбалари каби йирикдир. Ҳоразм мақомлари ҳам уфрлар билан якунланади. Уфрлар эса кўпинча Шашмақомдаги каби Насрлар билан эмас, балки сарахборлага оҳангдош.

Шундай қилиб Шашмақом Ҳоразм воҳаси шароитида муҳим ўзгаришлар билан ижодий фойдаланилган эди. Баъзи мақомларнинг куй йуллари, доира усуллари ихчамлаштирилди, усул суърати бироз тезлаштирилди. Намуд авжлари қисқартирилиб олинди, куй ва ашула йуллари қайта басталанди, баъзан янгидан-янги қисмлар яратилди. Шашмақом Ҳоразмда мустақил яшас келди. Шунинг учун Бухоро ва Самарқанд шаҳарларида сўнгги даврларда яратилган савт ва мўғулча

туридаги шўъбалар Хоарэм мақомларига кирмай қолди. Лекин Хоразм бастакорлари Шашмақом усулида чуқур ижодий ишлар олиб бордилар. Мақомлар услубида "Сувора" йулларининг ажойиб намуналари, "Феруз", "Илғор", "Эшвой", "Норим - Норим" каби ноёб куй ва ашулалар яратдилар.

Шулардан бири "Унутма" ашуласидир. Бу ашула йули насрлар усулида ижро этилиб, Хоразм дostonларида айтилади.

Мақом йулларининг халқ дostonларида ҳам фойдаланилганлиги Хоразмда мақомларнинг нақадар машҳур эканидан далолат беради.

Бастакорлар Хоразм шароитига мос келган баъзи мақом йуллари ўрнига янгидан-янги асарлар яратдилар.

Хоразм мақомларида лад-тоналлик масаласида чалкашликлар мавжуд. Уларни туғри аниқлаш ва Хоразм мақомлари тизимини тиклаш мутахассислар олдида турган яқин вазифалардан бири бўлмоғи даркор. Бу нарса эса мақомларнинг тарихий тараққиёт йулини туғри ёритишга, куй ва ашула йулларининг бадиий - эстетик қимматини тўла очиб беришга катта имконият туғдирарди.

ТОШКЕНТ - ФАРҒОНА

МАҚОМ ИУЛЛАРИ.

Маълумки, Тошкент, Фарғона водийси, Самарқанд, Қўқон ва бошқа шаҳарларда мақомларнинг турли шакллардаги чолғу ва ашула йуллари яратилган эди. Шулар жумласидан машҳур чолғу асарлар: беш қисмли Насруллои, Чўли Ироқ, Муножот туркуми, Навонинг бир неча чолғу намуналари, Наврузи Аҳам, Аҳам ва унинг тароналари, Илғор, Мискин ва Адойининг беш қисмли туркуми, иккиқисмли Мирзадавлат, Маъдалибек, Бексултон, Чўли Курд, Сайқал, Сувора йуллари, Мушкулоти Дугоҳ ва унинг Уфари, Дутор Баёти, Уйин Дугоҳи, Рост Пангёҳ Қашқарчаси, Дилхирож, Мушкулоти Сегоҳ ва унинг Уфари, патнисаки услубда чалинадиган Дугоҳ, Сегоҳ ва Ушшоқ намуналари, Қари Наво, сурнай йулларидан Бузрук, Наво, Ироқ, Дугоҳ, Дугоҳи Хусайний, Насуруллои, Чоргоҳ, Мустазод, Дашти Наво каби унлаб куйлар маҳаллий бастакорлар тамонидан мақомлар асосида яратилган бўлиб, мусиқамизнинг бебаҳо дурдоналаридандир.

Мақомларнинг мазкур чолғу мисолларининг баъзиларини ўқувчилар диққатига ҳавола қиламиз. Улардан бири - Насуруллои беш қисмли куйлар туркумидан иборат. Насуруллои Шаймақомдаги Бузрук мақомининг наср шўбадаридан Насуруллои оҳанглари асосида яратилган. Унинг биринчиси икки чорак такт ўлчовидаги куй бўлиб, шакл жиҳатидан анча мураккаб. Насуруллои биринчи Бузрукнинг Насуруллои бошланиш оҳанглари сингари куй жумлалари билан бошланади. Лекин куйнинг кейинги жумлалари бастакор тамонидан яратилган ажойиб бетакрор оҳанглардан таркиб топган. Чолғу асар сифатида унга қайтарма жумлалар, яъни бозгўйлар киритилган бўлиб, улар асосида ривожланиб борувчи жумлалар - хоналардан сўнг такрорланади. Насуруллоининг авжида Мухайяри Чоргоҳ намуди ва Турк авжининг оҳанглари аралаштирилиб олинган. Унинг куй жумлаларида пешрав оҳанглари асарни ривожлантиришда муҳим аҳамият касб этган. Насуруллои жозибали, ёқимли ва нолали куй бўлиб, тингловчида жиддий лирик кайфиятлар уйғотади, гўё киши билан ҳасратлашаётгандай туюлади.

Насуруллоининг иккинчи, учинчи ва тўртинчи, бешинчи шохобчалари унинг асосий йўлига нисбатан, анча қисқа ва ихчамлаштирилган. Улар бир-бирларининг турли доира усулида икром этиладиган намуналари бўлиб, иккинчи Насуруллои чапандоз доира усулида учинчиси уч чорак такт ўлчовидаги тароналар доира усулида,

туртинчиси олти чорақли такт улчовидаги доира усулида Уфарнинг сустлаштирилган тури, бешинчиси эса жонли суръатда чалинадиган Уфар усулида ижро этилади.

Насуруллоининг бу куриниши ўз тузилиши билан мақом чолғу қисилари каби мураккаб ва пухта басталанган бўлиб, мустақил куй туркуми тарзида яшаб келди.

Мақомларнинг яна бир варианты Сувора ва унинг Уфаридир. Сувори куйи Ироқ мақоми таркибидаги Чамбари Ироқ оҳанглари асосида яратилган бўлиб, Бухоро Ироғи шохобчаларини ҳам эслатади. Суворанинг бош йули 4/4 такт улчовидаги Соқийнома доира усулида ижро этилиб, жуда ҳам таъсирли оҳанглардан таркиб топган. Унинг авжида келиши лозим бўлган Зебо пари авжи туширилиб қолдирилган. Суворанинг Уфари эса куй тузилиши, ҳаракати ва куй жумлалари жиҳатида Уфар доира усулидаги куринишидир. Ўқорида таъкидлангандек Сувора сузи отлик, чавандоз маъноларини билдиради. Агар бу куйларни тинглаб курилса, отнинг яриши билан от устидаги чавандознинг ҳаракати куз унгимизда гавдаланади. Бунда Суворанинг бош йули от яришидаги табиий ҳаракатни ифодалайди. Суворанинг уфари эса гуё унинг жадаллаб чоғиб бораётганлигини акс этдиради.

Бу сувора куйи сурнай йули сифатида ҳам машҳур бўлган. Шунинг айтиш керакки, суворанинг ашула мисоли ҳам яратилган бўлиб, у чолғу оҳангларидан фарқ этмайди.

Мақомларнинг чолғу йулларидан Чули Ироқ айниқса диққатга эришарди. Чули Ироқ номатлум бастакор тамонидан яратилган. Бу куй Шашмақом жумласидан Ироқ мақомининг Сарахбор дейилган шўбаси оҳангларига асосланган. Ҳатто унинг катта авжидаги Мухайяри Чоргоҳ намуди ҳам сақланиб қолган. Чули Ироқ Сарахбори Ироқдан анчагина фарқ этади. Бастакор Чули Ироқ таркибига чолғу қисилар учун хос бўлган қайтарма жумлалар бўлмиш бозғуйлар киритган, куйнинг ривожлантиришда пешрав оҳангларидан фойдаланган.

Чули Ироқ таркибидаги булакларини тахминан қуйидагича тасаввур этиш мумкин: унинг иккита бош куй жумласи, куйнинг Даромад / кириш / қисми, учинчи хонаси – куйнинг такрорланадиган қисми бўлмиш бозғуй, туртинчи, бешинчи хоналар бозғуйлари билан урта пардаларда ижро этиладиган куй қисми, тўрт жумладан иборат бешинчи хати катта авж вазифасини утайдиган Мухайяри Чоргоҳ намуди ва туширим қисми вазифасини бажарувчи охириги бозғуйдан иборат. Утмишда Чули Ироқ айрим якка созларда ижро этиларди. Энди Чули Ироқ куйи ҳамма чолғу асбобларда ва дасталарда бирдек муваффақият билан ижро этилиши мумкин.

Мазкур номларини санаб утилган куйлар орасида Наврузи Ахам, Ахам ва унинг тароналари, Мушкулоти Сегоҳ ва унинг Уфари, Маъдалибек, Беги Султон каби чолғу йуллари Сегоҳ мақоми ладида ижро этилиб, турди – туман куй мавзуларига эга. Уларнинг авж қисмида Сегоҳ намуди авжи кенг фойдаланилган.

Мушкулоти Сегоҳ ва унинг Уфарини олиб қарайлик. Бу куй йулининг асосий мавзуи Сегоҳ оҳангларини патнисаки тури бўлиб, жуда ҳам таъсирчан ва мунгли янграйди. Куй тингловчиларда жиддий лирик кайфиятлар уйғотади. Сегоҳнинг Уфарга утилганда эса, кишида кутаринки руҳ ҳосил бўлиб, оғир вазиятни енгиллаштиради, киши ҳиссига катта завқ – шавқ оахе этади. Сегоҳнинг бу вариантлари авжида Сегоҳнинг намуди фойдаланилган. Ўзбек халқ мусиқасида Мушкулоти Сегоҳ номи билан машҳур бошқа чолғу асрлар ҳам мавжуд.

Шуни айтиш керакки, баъзи мақом ашула йуллари, чолғу асар сифатида ҳам машҳур бўлиб келган. Масалан, Сегоҳ мақомидаги Мурулчаи Сегоҳ шаҳобчаси бўлмиш Нимчупоний ашуласининг чолғу варианты "Сарпарда" номи билан машҳур бўлган. Сарпарда куйи ашула варианты каби даромад қисми билан бошланади. Унинг навбатдаги икки хати урта пардаларда чалинадиган Миёнхатни ташкил этади. Кейинги хатлар Сегоҳ намуди ва Ушшоқ намуди авжлари ва туширим қисмларидан таркиб топган. Сарпарданинг ашула мисолида Ушшоқ намуди урнига Турк авжи фойдаланилган.

Сарпарда мураккаб Чапандоз доира усулида ижро этилсада, енгил ва оҳанрабо янграйди, теран лирик кайфиятлар қўзғатади.

Сегоҳ мақоми чолғу йуллари қуринишларидан бири – Наврузи Ахам, Ахам ва унинг тароналаридир. "Наврўз" ҳаммамизга маълум қадимий янги йил байрами номи /"Янги кун"/. "Ахам" араблардан бошқа халқлар ифодаси бўлиб, "Ахамликлар" "Наврўзи" маъносига эга. Наврузи Ахамни тинглаб қўрилса, дарҳақиқат баҳор айёмидаги табиат гузалликлари кўм-кўк майсазорлар, гуллаётган мевалар, гулзорлар, қўшларни сайрали, кишини кўз унгида намоён бўлади. Наврузи Ахамни куй тузилиши учра мураккаб бўлмасада, унинг таркибида бошланиш қисми, урта пардаларда ижро этиладиган куй кумалари, авжида эса Сегоҳ намуди ва охирида туширим қисмлар мавжуд. Наврузи Ахамни йўналишида куй ўзига хос ҳуққий ҳаракат қилади. Бу эса тингловчига ажойиб ҳис-туйғулар бағишлайди ва ҳаёлот денгизига чўмдиради.

Мақом чолғу йулларидан яна бири – Бузрукдир. Бу куй Сарахбори Бузрук асосида яратилган бўлиб, ўзига хос таъсирчанлиги, улуғворлиги, ҳозибадорлиги билан ажралиб туради. Бузрук куйининг таркибида Сарахбори Бузрукнинг ҳамма оҳангларини учратиб мумкин.

Унинг авжида ҳатто Уззол ва Мухайяри Чоргоҳ намулларининг кўринишлари мавжуд. Бузрукнинг бу намунасига чолғу йули сифатида бир неча бор такрорланадиган бозғуй қисми ҳам киритилган. Бу куйнинг такомиллаштирилишида машҳур хонанда ва бастакор Ҳожи Абдулазиз ва Юнус Ражабийнинг хизматларини айтиб Утиш лозим.

Шуниси эътиборга сазоворки, Бузрук мақоми оҳанглари шижоатбахш, лирик кайфиятлар уйғотадиган улғувор мусиқа асарларидир. Лекин, халқ чолғу дастаси ижросида жуда ҳам мунгли ва дардли куй сифатида янграйди.

Мақомлар асосида юзага келган бошқа чолғу йуллар ҳам оҳангларга бой, ранг-баранг куйлардир. Уларнинг куй шакли худди мақом шўбаларида булгани каби намул авжлари воситаси билан ривожлантирилади. Шундай қилиб бастакорлар мақом йулларига янгидан-янги куй пардалари, авжлар киритиб, уларни таъсирчанлигини оширишга ҳамда шаклан ва мазмунан бойитишга муваффақ булганлар. Баъзан мақомларнинг мазкур мисоллари куй қиёфаси руҳий таъсири асл мақом йулларига нисбатан бутунлай бошқача тус олади. Бу жараёнда Урта Осиё воҳаларида ижро услубининг турлича булганлиги ҳам сезиларли таъсир кўрсатган эди. Шунга қарамай, бастакорлар мақомларнинг янги йулларини яратар эканлар, куйларни равонлиги таъсирчанлигини оширишга ҳаракат этиб уларнинг ижросини енгиллаштирганлар. Мазкур куйлар ранг-баранг лирик кайфиятлар уйғотади, уларда ҳижрон, фироқ, алам, нолиш, ҳасрат билан бирга умидворлик, ҳаётбахш садолар баралла янграйди. Бу уринда Сайқал куйи ўзининг жозибadorлиги, оҳанграболиги ва бадий – эстетик таъсирчанлиги билан ажралиб туради. Сайқал уч чорак такт улчовидаги Уфар доира ўсули журлигида ижро этилади. Унинг куй мавзуи Сегоҳ мақомига мансубдир. У кўпроқ машҳур "Гиря" ашуласига ҳамоҳангдир. Сайқалнинг авжида Мухайяри Чоргоҳга ухшаш намул киритилган.

Шундай қилиб, мақомларнинг чолғу йуллари туркумли ва якка-якка ижро этиладиган куйлардан иборат. Туркумли куйларнинг биринчи қисми купинча икки чорак такт улчовидаги Сарахбор доира ўсулида ижро этилади. Уларнинг шохобчалари эса, асосий бош куйга нисбатан кичикроқ шаклда бўлиб, Чапандоз, уч чорак такт улчовидаги тарона, Соқийнома ва Уфар доира усулларида ижро этилади.

Мақом намуналари туркумида доира усулларининг ҳар хил бўлиши шохобчаларнинг куй тузилиши ҳам анча таъсир этади, ранг-баранглигини таъминлайди. Куйларнинг таъсир этиш хусусиятлари ҳам бутунлай ўзгариб кетади, уланувчи тарзидаги куйлар бир-биридан тубдан фарқ этади.

Туркуми чолғу йуллари одатда Уфар қисмлари билан якунланиди.

Шуни алоҳида таъкидлаш керакки, мақом йулларининг юзага келиши утмидаги бастакорлик анъаналари билан чамбарчас боғлиқ, унинг мақсулдиридир. Бу мақом чолғу намуналари мақом йулларининг ҳалқ орасида нақадар кенг ёйилганлигидан далолат беради ҳамда мақом йулларини тарғиб қилишда муҳим восита бўлиб хизмат қилиб келган эди.

Мақом йулларини ашула вариантлари якка ва туркум тарзида ижро этиладиган ашулалар бўлиб, уларнинг жами жуда катта сонни ташкил этади.

Думладан, Бузрук мақоми шўбалари билан ҳамоҳанг Абдурахмонбеги I - II ва унинг Уфари, Куча боғи I - II, Алғор, Яланг даврон, Сувора, Бебоқча, Рост мақоми шўбалари асосида яратилган Ушшоқнинг беш хил йули, Шахнози Гулёрнинг беш қисмидан иборат туркуми, Қўйчинор, Гулзурим, Тонг отгунча каби ашула йуллари ва бошқа мақомлар шўбаларига ҳамоҳанг бўлган беш қисми Баёт туркуми, Бухоро Тулқини, "Бандалар қидинг", бешта ашуладан иборат Чоргоҳ туркуми, Муножаат Савти, Муножаат ва унинг Уфари, етти қисми Дугоҳи Хусайний туркуми, Бозургоний, Сегоҳ, Сайқал, Эшвоя, Адоий, Феруз, Норми - Норми, Алғор ва бошқа юзлаб ашула йуллари мақомларнинг лад асосларигина эмас, балки ўзининг куи тузилиши, шакли ва куи ҳаракати билан ҳам мақом йулларидан фарқ этмайди.

Мазкур мақом йулларининг баъзи намуналари билан танишиб чиқамиз. Уларнинг айримлари якка ашулалардир. Мақом йуллари намуналаридан бўлмиш Ушшоқ Ўзбекистон ва Тожикистон бастакорлари тамонидан турлича услубда яратилган эди. Улар Ушшоқи Тошкент, Ушшоқи Самарқанд ва Ушшоқи Қўқанд деб номланади. Улардан Ушшоқи Самарқанд машҳур ҳофиз ва бастакор Ҳоки Абдулазиз тамонидан яратилган бўлиб, "Ушшоқи Ҳоки" деб ҳам аталади. Баъзи хонандалар Даромади Ушшоқ деб ҳам атавади. Бунга сабаб, Самарқанд Ушвориға Ўззода шўбаси оҳанглари даромад қисми қилиб олинган. Ушшоқ оҳанглари эса анашу даромад қисмига улашиб кетган. Самарқанд Ушворининг авжига Ўззода ва Ушшоқ намуналари киритилиб, ривожлантирилган.

Ушшоқнинг яна бир намунаси машҳур Қўқандлик бастакор Содирхон тамонидан басталанган. Ушшоқи Содирхон Тошкент Ушвориға ҳамоҳанг бўлиб, ижро услубида анчагина фарқ бор. Шуниси диққатга сазоворки Ушшоқнинг ҳамма нисоллари Шашмақомдаги Ушшоқ шўбалари оҳанглариға асосланган бўлсада, уларнинг ҳар бири ўзига хос куи матниға эга, таъсирчанлиги ҳам ҳар хилдир.

Булар орасида Ушшоқи Қўқанд куй садоланиши жиҳатидан Ушшоқ йулларидан сезиларли даражада фарқ қилади, ўзбек ва тожик хонадалари тамонидан турлича ижро этилади. Баъзи хонадалар уларнинг авжида Ушшоқ намуди билан Зебо пари авжини ишлатса, Бухорода Ушшоқ, Ўззол ва Мухайяри Чоргоҳ намудларини ҳам киритиб ижро этилган.

Тошкент ва Фарғона водийсида машҳур бўлган туркумли йуллардан энг йириклари "Баёт" I, II, III, IV, V, беш қисмли Чоргоҳ йуллари, Дугоҳ Ҳусайнийнинг олти қисмли туркуми, Шахнози Гулёрнинг беш қисмли туркуми шулар жумласидандир. Бу туркумли мақом вариантлари орасида Баёт, Чоргоҳ ва Дугоҳ Ҳусайний куй тузилиши қоидалари жиҳатидан алоҳида ажралиб туради. Уларнинг бош ашула йули $2/4$ такт ўлчовидаги Сарахбор доира усулида, иккинчи қисми $3/4$ такт ўлчовидаги тароналар доира усулида, бошқа қисмлари эса беш чоракли савтлар доира усулида, мураккаб чапандоз ва энгил ўфар доира усулларида ижро этилади.

Масалан, Баёт ашула йулларини олиб кураимиз. Унинг асосий йули Баёт I – Наво мақомининг Баёт шўбалари асосида яратилган. Баёт I – да Шашмақомдаги шакли муҳим ўзгаришларга учрайди. Унинг куй ҳаракати қиёсий равишда кузатилса, наво мақомидаги чегарадан бутунлай чиқиб кетган ҳоллари яққол сезилади, ашуланинг руҳий таъсири, куй жумлаларининг умумий қиёфаси маълум даражада сақланиб қолади. Айниқса, Баёт I – да Навонинг Баёт шўбаларида учрайдиган авжлар – Баёт ва Наво намудларининг учраши бу фикримизнинг яна бир далилидир.

Баёт II Наво мақомидаги Насри Баётнинг II – III тароналарининг худди ўзидир. Улар бир оз фарқ қилсада, куй тузилиши ва ҳаракати мазкур иккала шаклда ҳам бир хилдир. Баёт III, IV, V куй тузилиши жиҳатидан олдинги қисмлардан фарқ этади. Улар Баёт шўбаларининг бошланиш ашула жумлаларини беш парда қўрига, яъни квинтага кўтариб, маълум даражада ўзгартириб яратилган шаклидир.

Баёт III савтлар доира усулида, унинг тўртинчиси қашқарча, бешинчиси талқин доира усулида ижро этилади.

Баёт III – IV – V шохобчалари кичикроқ шаклда бўлиб, уларда намудли авжлар учрамайди. Уларнинг ўзи Баёт намудининг ҳам маълум вариантларидир.

Тошкент ва Фарғона водийсида машҳур бўлган мақом йулларидан Чоргоҳ, Дугоҳ мақомидаги Сарахбори Дугоҳ, Талқини Чоргоҳ, Насри Чоргоҳ, Савти Чоргоҳ – деб номланадиган шўбалар асосида яратилган.

Чоргоҳ I – узининг улғуворлиги ва таъсирчанлиги билан Сарахбори Дугоҳдан фарқ этмайди, фақат унинг куй жумлалари бироз қисқартирилиб узгартирилган. Чоргоҳ I да Сарахбори Дугоҳнинг доира усули, ашула қисмлари, унга ўқиладиган шеър улчови ҳам асосан сақланиб қолган.

Сарахбори Дугоҳ таркибида даромад, миёнхат, Мухайяри Чоргоҳ намуди ва туширим қисмлари мавжуд.

Чоргоҳ II – уч чорак такт улчовидаги тароналар доира усулида икром этилиб, Шашмақомдаги Савти Чоргоҳ шохобчаларининг маълум қуринишидир. Унинг учинчи ашула йули яхлит ҳолда Савти Чоргоҳ оҳангларида иборат. Шунинг айтиш керакки, илгариги Чоргоҳ III – савт усулининг беқарор шаклида икром этилиб келинган. Чоргоҳ III Баёт III – дугоҳ III да ҳам худди шундай эди. Ўзбекистон радиоси мақом ансамбли кейинчалик уларни Савт усулига тушириб икром эта бошлади. Лекин, бу ашула йулларида намуд авжлари тушириб қолдирилган.

Чоргоҳнинг ҳам қолган IV–V–VI шохобчалари бир – бирининг турли доира усулидаги қуринишларидир.

Тошкент, Фарғона машҳур мақом йулларидан бири Дугоҳи Ҳусайинидир. Бу ашулалар туркуми Шашмақомдаги Ҳусайиний Дугоҳ асосида взога келган бўлиб, унинг кейинги шохобчаларида эса, Дугоҳ мақомининг бошқа шўбаларидан фойдаланилган. Дугоҳ Ҳусайиний I да доира усули соддалаштириб, икки чорак улчовидаги Сарахбор доира усулига туширилган. Дугоҳ Ҳусайиний шохобчалари Баёт ва Чоргоҳ йуллари каби бир-бирларидан рақамлар билан ажратилади, ва Дугоҳи Ҳусайиний I, II, III, IV, V, VI, VII – деб яратилади.

Унинг шохобчаларида Дугоҳ мақоми шўбалари қатори уларнинг тароналари ҳам фойдаланилган, Дугоҳ Ҳусайиний шохобчаларининг тузилиши режалари нуқтаи назаридан Баёт ва Чоргоҳ йулларига ўхшайди.

Дугоҳ Ҳусайинийнинг I – қисми – Сарахбор иккинчи қисми Савт, кейингилари қашқарча, доира усулида икром этилади. Дугоҳ Ҳусайин Уфар қисми билан яқуиланади ва кичик супорин билан тугалланади.

Дугоҳ Ҳусайинийнинг ҳамма шохобчалари ҳам халқ орасида кенг тарқалган.

Тошкент ва Фарғона водийсида Шахноз – Гулёр ашулалари туркуми ҳам машҳурдир. Шахнози Гулёр Рост мақоми таркибидаги ашула йуллари асосида яратилган. Унинг асоси биринчи қисми Гулёр, иккинчиси Шахноз, учинчиси Чапандози Гулёр, тўртинчиси Ушшоқ,

бешинчиси Қашқарчаи Ушшоқ номлари билан машҳурдир.

Унинг биринчиси Гулёр - Сарахбор доира усулида, Шаҳноз мураккаб такт улчовидаги тароналар усулида, учинчиси - Чапандоз, туртинчиси - Сарахбор доира усулида, бешинчиси Қашқарча доира усулида ижро этилади. Шаҳноз - Гулёр уз тузилиши жиҳатидан Баёт Чоргоҳ ва Дугоҳи Ҳусайний туркумларидан тубдан фарқ этади. Лекин, Шаҳноз Гулёрнинг шохобчалари уз тузилиши жиҳатидан анча мураккаб оригинал ашула йулларидир. Улар жозибали, ёқимли ҳам таъсирли оҳангларга бой. "Гулёри Шаҳноз" туркумида Ушшоқ ашула йуллари нуқтаи назаридан қараганда чалкашликлар кўзга ташланади. Дастлаб таркибий қисмларнинг лад асоси турлича, яъни Гулёр билан Шаҳнозда "До" пардасидан бошланган миксолидий лади, Чапандози Гулёрда ионий лади, Ушшоқ шаҳобчасида "соль" миксолидий лади асос бўлиб хизмат этади. Ушшоқнинг авжида товушқатор "До" лидий дейилган лад билан алмашинади.

Қашқарчаи Ушшоқ қисми ионий ладига мос бўлсада, куй мавзуи Ушшоқдан кўра "Дугоҳ" мақоми йулларига ҳамоҳангдир. Шундай қилиб, "Гулёри Шаҳноз", Рост мақоми иккинчи гуруҳ шўбалари тарзида эмас, ритм ва куй мавзуи турлича бўлган ашулалар туркумидан иборат.

Шуни таъкидлаш керакки, Рост мақомининг Ушшоқ шўбалари асосида Ўзбекистон ва Тожикистоннинг турли шаҳарларида унинг бошқа намуналари юзга келган эди. Булар Ушшоқи Самарқанд ёки Ушшоқи Ҳожи/Абулазиз, Ушшоқи Ҳўқанд, Ушшоқи Содирхон деб номланиб уларнинг ҳаммаси Ростнинг Ушшоқ шўбалари каби тузилган ва мураккаб куй қиёфасига эга. Фарғона водийсида унинг патнисаки йуллари ҳам яратилган. Ушшоқнинг бу мисоллари Рост мақоми йуллари халқ орасида нақадар кенг тарқалганлигини кўрсатади.

Рост мақомининг Наврузи Сабо ва Савти Сабо шўбалари устида гапирилганда, Ҳожи Абдулазиз Абдурасулов басталаган "Бебоқча" ашуласини эслатиб утиш зарур. "Бебоқча" сузи тожикча "бебок" яъни жасур, илдам маъноларида, жонлироқ суръатда ижро этиладиган ашула йули ифодаси. Бу ашула йулининг куй оҳангги Савти Сабо йулларига ухшайди. Лекин Тожикистон нашрида негадир "Бузрук" мақомига киритилган эди. Бебоқчанинг авж қисмида Ушшоқ намуди фойдаланилган, Ҳожи Абдулазиз унга Турк авжи басталаганлигини баъзи устозлар тан оладилар.

Шундай қилиб мақом намуналари жуда катта маҳорат билан яратилган ашула йулларидир. Уларнинг халқ орасида машҳур бўлганлиги, кенг ёйилганлиги тасодиқий ҳол эмас албатта.

Урта Осиёнинг турли воҳаларида узига хос ижрочилик услуби бўлган. Шунга мувофиқ турли шаҳарларда кенг тарқалган мақом йуллари у ерда ижро услуби ва тингловчилар таъбиға мослаштирилиб баъзи узгаришлар билан ижро этилиб келинди. Шу сабабли мақом йулларининг янгидан-янги намуналари пайзага келди. Бастакорлик санъатида маълум куй ва ашула йулларининг турли доира усулларига мослаштирилиб яратилган анъанаси мақомларнинг якка айтиладиган ва туркумли турларининг пайзага келишида асосий омиллардан бири бўлиб келди. Мақомларнинг мазкур мақом йулларини кенг халқ оmmasига тарғиб қилишида муҳим аҳамиятга эга бўлди.

МУНДАРИЖА.

СУЗ БОШИ	3
I. КИРИШ	6
2. ШАШМАҚОМ	8
3. МУШКИЛОТ БУЛИМИ	10
4. НАСР БУЛИМИ	12
5. НАМУДЛАР	14
6. БУЗРУК МАҚОМИ	24
7. РОСТ	33
8. НАВО	41
9. ДУГОҲ	51
10. СЕГОҲ	60
II. ИРОҚ	69
12. ХОРАЗМ МАҚОМЛАРИ	74
13. ТОШКЕНТ - ФАРҒОНА МАҚОМ ЁУЛЛАРИ	80

МИНИСТЕРСТВО КУЛЬТУРЫ УЗБЕКИСТАНА
РЕСПУБЛИКАНСКИЙ МЕТОДИЧЕСКИЙ КАБИНЕТ.

ИСАК РАДЖАБОВ
"ОСНОВЫ МАКОМОВ"

Р — Подписано в печать 12.02.92

Формат: 60x84/16 Объем: 5,75 л.

Тираж: 500 Заказ: 281

Типография № 4 ТИПО Ибн-Сино

Ташкент—700200 пр. Радикальный, 10.

ТАШКЕНТ 1992 г.

